



BIBLIOTHECA
UNIV. JAGELL.
CRACOVIAE

kat. h.owp.

585129

Mag. St. Dr.

1

122 z królestwem Augustianów w
Krahowie

Conyget

Widz
Coel sp. att.


F. H.
82
9
1




585129

I Mag. St. Dr.

503



Kopht antiquarum 36 Mark



ALPHABETVM

FELICIS MILENSII

De Monachis & Monasterijs Germa-
niae, ac Sarmatiae ceterisque Ordinibus.

Eremitarum Sancti Augustini

In quo praeter historicam veritatem, multa dogmaticè
disceruntur, catholicae fidei admodum
conducuntia

Larghein

Noctem illam duxit Rex innoceum, iussitq.
sibi afferri historias, et annales priorum tem-
porum

Esth. vi. *a 1630*

Praga Anno MDCXIII Superior. permisso

Typis Caspari
Kargesi

Sumptibus Laeob.
Brechtanij

585429

T. Mag. St. Dr.

ENT. No.


Mag. St. Dr.

~~355829~~

L

SERENISSIMO

FERDINANDO ARCHIDVCI AVSTRIÆ,
DVCI BVRGVNDIÆ. STYRIÆ, CARINTHIÆ,
Carniolæ, & Wirttembergæ, Comiti Tyrolis, &
Goritiæ, &c. Principi verè Magno, atque
Catholicissimo.

VTORVM ILLVSTRIVM LV-
cubrationes præclaras, atque proficuas dare
typis etsi pertineat ad omnes, quibus caræ
sunt literæ, & prospectum Reip. comòdum,
tamen ad bibliopolas præsertim id pertinere omnino
censeo, qui perpetuò librorum mercaturæ incumben-
tes, norunt, quí libri, quorumuè Autorum, sint magis
hominibus studiosis necessarij. Quare cum in meas ma-
nus venerit opus historicum simul ac theologicum Re-
uer. Patris Felicis Milensij in theologia Doctoris, viri e-
ruditissimi, quod Alphabetum nominavit, prælo illud
committere decreui; & tam Augustinianis Fratribus
Eremitis, quàm omnibus alijs, de literis, ac de fide Ca-
tholica benemeritis rem æstimaui facere periucundam.
Cogitanti autem cuinam Principum magis congruè
illud dicarem, occurrit animo statim Serenissima Celsi-
tudo Vestra, quæ tantis catholicam Ecclesiam ample-
xata est viribus, nexibusq; tanto zelo, & ardore spiritus,
ut ditiones suas omnes Augustissimo, imò Christianis-
simo, Catholicissimo, ac fortissimo animo purgaret
prorsus ab omnium hæresum, quæ tartareo impetu in-
terfluxerant, sæditatibus. Qua vera, atq; incomparabi-
(.) 2 li pie-

li pietate quid laudabilius? Accedit huic ratio, item ex-
imia pietatis, qua omnes Regularium Religiosorum
Ordines ita promouet, ut eis sumptuosa, atq; innume-
ra erigat, dotetq; monasteria, quæ verè sunt Dauidicæ
illæ arces, quæ ædificatæ sunt cum propugnaculis, & ex
quibus clypei pendent milleni. Quapropter nullus est
inter religiosos viros, qui doctrina, prudentia, probitate
fulgeat, quem Serenitas Vestra non diligat, protegat, e-
uehatq; Inter quos est Pater ipse Milenius, vir certè il-
lustris, tum nobilitate generis, morumq; candore, tum
etiam doctrina, atq; facundia; & (quod nouit benè Ger-
mania uniuersa) regimine, ac magistratu. Mira enim
sunt, & magnis laudibus prædicata, quæ is gessit in visi-
tandis, augendis, ac reformandis Germaniæ monasteri-
is: quorum etsi in hoc opere, aut nullam, aut breuissi-
mam præ modestia mentionem faciat; viua tamen in
ore omnium bonorum hominum fama est, & visibilia
opera, quæ ipse fecit. Vestræ igitur Serenissimæ Celsitu-
dini Alphabetum Patris Milensij humillimè dedico, e-
amq; suppliciter oro, ut dignetur serenissima fronte (ut
solet) illud suscipere. Contundat Deus omnipotens o-
mnia Turcarum, atq; hostium capita ante pedes inui-
ctos Serenitatis Vestræ, quos reuerenter amplector, &
osculor. Pragæ, Nonis Augusti, M. DC. XIII.

Serenissimæ Celsitudinis Vestræ

humillimus, ac deuotissimus Seruus

*Jacobus Brechtanus Bibliopola
Aulicus Pragensis.*

M. JOANNIS SIXTI PROTONOTARII APOSTO-
lici, & S. Metropolitanæ Ecclesiæ Pragensis Canonici Senioris,
Decani Vischegradensis, &c.
SILONIANVM.

s o h p m u i r t a t n e m e l e t n u n t e l e m e n t a t r i u m p h o s
o h p m u i r t a t n e m e l e t n u i u n t e l e m e n t a t r i u m p h o
h p m u i r t a t n e m e l e t n u i r i u n t e l e m e n t a t r i u m p h
p m u i r t a t n e m e l e t n u i r a r i u n t e l e m e n t a t r i u m p
m u i r t a t n e m e l e t n u i r a p a r i u n t e l e m e n t a t r i u m
u i r t a t n e m e l e t n u i r a p s p a r i u n t e l e m e n t a t r i u
i r t a t n e m e l e t n u i r a p s o s p a r i u n t e l e m e n t a t r i
r t a t n e m e l e t n u i r a p s o e s p a r i u n t e l e m e n t a t r
t a t n e m e l e t n u i r a p s o e r e s p a r i u n t e l e m e n t a t
a t n e m e l e t n u i r a p s o e r e r e s p a r i u n t e l e m e n t a
t n e m e l e t n u i r a p s o e r e d e r e s p a r i u n t e l e m e n t
n e m e l e t n u i r a p s o e r e d i d e r e s p a r i u n t e l e m e n
e m e l e t n u i r a p s o e r e d i s i d e r e s p a r i u n t e l e m e
m e l e t n u i r a p s o e r e d i s i s i d e r e s p a r i u n t e l e m
e l e t n u i r a p s o e r e d i s i b i s i d e r e s p a r i u n t e l e
l e t n u i r a p s o e r e d i s i b i b i s i d e r e s p a r i u n t e l
e t n u i r a p s o e r e d i s i b i t i b i s i d e r e s p a r i u n t e
t n u i r a p s o e r e d i s i b i t e t i b i s i d e r e s p a r i u n t
n u i r a p s o e r e d i s i b i t c æ t i b i s i d e r e s p a r i u n
u i r a p s o e r e d i s i b i t c æ H æ t i b i s i d e r e s p a r i u
n u i r a p s o e r e d i s i b i t c æ t i b i s i d e r e s p a r i u n
t n u i r a p s o e r e d i s i b i t c t i b i s i d e r e s p a r i u n t
e t n u i r a p s o e r e d i s i b i t i b i s i d e r e s p a r i u n t e
l e t n u i r a p s o e r e d i s i b i b i s i d e r e s p a r i u n t e l
e l e t n u i r a p s o e r e d i s i b i s i d e r e s p a r i u n t e l e
m e l e t n u i r a p s o e r e d i s i s i d e r e s p a r i u n t e l e m
e m e l e t n u i r a p s o e r e d i s i d e r e s p a r i u n t e l e m e
n e m e l e t n u i r a p s o e r e d i d e r e s p a r i u n t e l e m e n
t n e m e l e t n u i r a p s o e r e d e r e s p a r i u n t e l e m e n t
a t n e m e l e t n u i r a p s o e r e r e s p a r i u n t e l e m e n t a
t a t n e m e l e t n u i r a p s o e r e s p a r i u n t e l e m e n t a t
r t a t n e m e l e t n u i r a p s o e s p a r i u n t e l e m e n t a t r
i r t a t n e m e l e t n u i r a p s o s p a r i u n t e l e m e n t a t r i
u i r t a t n e m e l e t n u i r a p s p a r i u n t e l e m e n t a t r i u
m u i r t a t n e m e l e t n u i r a p a r i u n t e l e m e n t a t r i u m
p m u i r t a t n e m e l e t n u i r a r i u n t e l e m e n t a t r i u m p
h p m u i r t a t n e m e l e t n u i r i u n t e l e m e n t a t r i u m p h
o h p m u i r t a t n e m e l e t n u i u n t e l e m e n t a t r i u m p h o
s o h p m u i r t a t n e m e l e t n u n t e l e m e n t a t r i u m p h o s


EIVSDEM EPIGRAMMA BO-
HEMICVM.

Mak gest węc milá, pobožná/
Tak prospěšná, spasýtedlná/
W čistostě Bohu slaužiti /
Gemu se Srdcem lžbiti :
Kláštery, Chrámý stawěti /
Opustiti Ženu, Děti/
Žíwu býti w pobožnosti/
Následowat dobrých Ctnosti.
To wšse Milencyus mjle/
Vkazuge této chwile/
W Knize kteraž w Praze wydal /
Alphabetum gi gméno dal :
W njž začátek Řádu swěho/
Prospěch a mnoho dobrého/
Sprawým gruntem wyprawuge /
Wám gi Čechům dedykuge.
A. B. C. D. čtěte pilně /
Vhljdáte neomylně/
Že Swět giž za nic nestoj/
Blaze kdož se Boha Bogj.



EIVSDEM EPIGRAMMA GER-
MANICVM.

Aß fur ein Buchlein dieses ist /
Willst wissen frommer Deutscher Crist?
Das A. B. C. sein Tittel ist.
Fragst weiter was es in sich hält /
Als das was Gott dem Herrn gefällt /
Vnd vns absondert von der Welt.
Da magst du sehn die Tugent schon /
Welche gelehret der Heilig Man
Augustinus vor seiner Nam.
Ihm folgten Kayser, König nach /
Fürsten, Grauen, vnd Herren Hoch /
Sie luden auff sich Christi joch.
Sie bauten Klöster, Kirchen fein /
Sie lebten drinnen Keusch vnd Rein /
Las mirs ein Englisch leben sein.
Sie schlugen hin das Weltlich gutt /
Dem fleisch dem ließens Rheinen mutt /
Seelig ders ihnen nacher thuet.



1

FELICIS MILENSII
ALPHABETVM.

AD ANGELVM CAMERTEM

A. ROCCHA

Episcopum Tagastensem, & Sacrarij
Pontificij Præfectum.



ANNALIVM ORDINIS NOSTRI
continuandorum decretis, in generali panegyri anno Christi millesimo sexcentesimo secundo Recineti latis, dum Congregationi præeram Dulcetanae, paruisse opportunè, & satisfecisse absque multo negotio, Angele Præsul, si Iosephi Pamphili, Episcopi Signini, chronicis, à millesimo quingentesimo septuagesimo nono, ubi ipse desinit, succedentes, ad hunc usque annum sexcentesium octauum supra millesimum, non absimili stylo addens, ad exactam rerum, hominùmq; cognitionem id sufficere existimassem: sed multò altiùs (tantum audet obedientia) collimans oculos; uniusque Parentis nostri Augustini aetatem, & post eum ducenta ultra mille sæcula ab ortu Ordinis, rerum copiam, gestorum magnitudinem, Sanctorum, Virorùmq; illustrium vitas, & merita; atque in tanta temporum vetustate, rerùmq; varietate, & mole, summum multorum silentium, quorundam verò pugnantem admirans sententias, unde non pauca, nec exigui illa quidem ponderis vel in controuersiam venerunt, vel infra cani temporis rugas huc usque obstrusa latent, haud potui salebroso chronicorum Laconismo contineri, ac quiescere multò minùs, Quin potiùs

A

Histo-

■ Historiam magnam, magno Patri, magnòq; Ordini conuenientem, in quatuor partes distributam, Asiatica orationis redundantia scribens, prima, Augustinum; secunda, ab eius ad nostra tempora, Ordinis gesta; tertia, Sanctos, & eximios Patres; quarta, monasteria omnia, alto adhuc in æquore fluctuans, comprehendere nitor. Opus, fateor, supra vires meas, quasi cum Accu desipiente, clauum spongia in pariete figere velim; sed quod, aspirante Deo, forsitan hoc sexennio absoluissem, nisi harum perdifficiles Prouinciarum visitationes quotidianæ ultrò, citròq; iactassent mentem, exanimassent ingenium, ipsius temporis momenta penè omnia exhaustissent. Interim siquæ transire, siquò accedere, sicubi morari paulisper licuit, obseruatu digna, quæcunque potui, annotaui in schedulis. Atqui harum aliæ, doleo, itinerum incommodis euolarunt è codice; aliæ in scripturarum exoneratione dilacerationem, aut ignem casu passæ sunt; multæ verò, fortunatæ aquis, fluuiorum, & imbrium inemendabiles sentire lituras. Nihil hic, aut certè valde parum, de Prouincia Belgica; nihil de Congregatione Dalmatica; Rhennana item, Sueuicâq; quotquot sunt comprouincialia monasteria, oblitterata omnia, exceptis paucis, ut & Styriaca. Præstitisset quidem ea animo, quàm chartis inscribere, ut Antisthenes cuidam deploranti, quòd commentarios suos perdiderat, sapienter respondit; verùm non eadem est chroniconum, & reliquarum scientiarum ratio: nam tot temporum, locorum, priorumq; nominum, plerunque inuitatorum, discrimina, & memorabilium rerum monumenta innumera retinere animo ad syllabam, cum vix semel atq; iterum lecta, papyro excepiamus, non humanarum esse viritum arbitror. Iam tandem Italiam cogitans (ecquis non patrium affeget calum? quæ superfuerunt, veredario calamo paululum hyemante, in seriem Alphabeti disposita, dicam
ramenta,

ramenta, ne similiter intereant, mista ruderibus congero : & qui hactenus gigantem pingere nequii, eius nunc magnitudinem non pollice, sed auricularis digiti ungue delineato indicans, Ordini nostro memoriam debiti mei testatam facio. Etenim reor non minus pertinere ad gloriam regni splendidissimas urbes, quam ad laudem antiquitatis collapsas thermas, & obeliscorum imminutas, spectabilesq; ruinas. Porro quemadmodum Latini ad litterarum integritatem eum quoque caracterem retinent exquisitissimi halitus, quem aspirationem vocant; ita, velut aspiratio quædam (quandoquidem ab aspiratione nomen Historiæ incipit) hoc mecum hæreat Historiæ Alphabetum. Ad te verò, de sacris viris, sacrisq; rebus dicturus, sermonem dirigo, qui summi sacrarii Apostolici summus es cultos, eiusdemq; Eremitici Ordinis professor ingenuus, ac doctor varia eruditione ornatus: ad te, patriæ urbis, urbis inquam Tagastensis, Augustini Patris nostri patriæ, nouo iure, sed uti hereditario, Episcopum. Quam solam ob rem quantum tibi debeat laudis, ij dixerint, qui tibi in dignitate, ut in officio succedent. Mihi verò hoc unum erat in desiderio, ut tecum, qui Angelici es acuminis, ac nitoris, linguis non hominum loqui possem, sed Angelorum. Veruntamen Adam sapio, Adamq; gesto; & ab Adam, etsi non eo, qui omnium hominum fuit caput, incipiam.

Adam Puczen de Ovrobach viuebat anno Domini quindecimo post millesimum quadringentesimum. Scripsit de fide catholica librum unum, cuius initium est [funiculus triplex difficile rumpitur] & sermones aliquot, præsertim De laudibus Beatæ Virginis. Habentur Ratisponæ in bibliotheca nostra manuscripti.

Agriæ in Hungaria monasterium fuisse tituli Sancti Nicolai,

cuius prioratum Matthæus de Crisio, Prouincialis Hungariæ, anno quadringentesimo nonagesimo octauo supra millesimum, administrabat, habetur ex literis Capituli Agriensis, eiuldē anni, seruatis Brunæ in archiuo nostro.

Alba, vide Aqua alba.

Alshemenſe monaſterium in dominio Comitis Palatini, ad Rheni Prouincialem pertinens, hæreticifimo populante clerum, oppletur laicis: qua clade penè ipſum monachatus nomen in eo Palatinatu interiit.

Andreas Byſman, Brunenſis, naſcitur anno milleſimo quadringentesimo triceſimo quarto. Audit in rethoricis Ioannem Serram, Iacobi Publicij competitorem. Fit Magiſter gymnaſij noſtri Tholoſani anno milleſimo quadringentesimo quinquageſimo octauo. Tum Lector in theologia, & Baccalaureus. Præſidet loco Generalis in conuentu prouinciali Bauariæ in Ramſau anno milleſimo quadringentesimo ſeptuageſimo ſecundo. Sequenti verò Viennæ Aultriæ, in congregatione Patrum, eligitur Prouincialis, & munus exercet uſque ad annum milleſimum quadringenteſimum octogeſimum ſecundum. Quo tempore, Prothaſio de Zernohora, Epiſcopo Olomucenſe, poſtulate, Epiſcopus Nicopolenſis, & Suffraganeus Olomucenſis conſecratur Romæ ſeptimo Julij. Moritur anno milleſimo quingenteſimo primo, ab Epiſcopatu undeciſimo, ab ortu ſexageſimo ſeptimo; & Brunæ in eccleſia noſtra ſepelitur. Succellèrat Villielmo noſtro: qui duo monachi annos prope ſexaginta Suffraganeatum illum tenuère laudatiſſimi.

Andreas Proles, Saxo, ſciſmaticus, anno quadringentesimo octogeſimo primo ſupra milleſimum eſt Vicarius generalis Congregationis reformatæ, ut nuncupabant, Alemanniæ. Huius opera uſum fuiſſe Ioannem ex Salbuſio-

rum familia, Episcopum Misnensem circa annum millesimum quingentesimum in emendandis libris ecclesiasticis scribunt Saxones : eiusque eruditionem, ac pietatem multis nominibus commendant. Suspiciosa laus ab aduersarijs. Sed esto : optallem in eo perseverantiam : qui denique spiritu vertiginis actus, & ad omnem dementati hominis volubilitatem rotundatus, seditionis semina, ab initio illius seculi sata, non sole coxit, sed ignibus : ita ut per secularem ætatem diuturno fætu turgentia, in portentosos postmodum fructus hæresum detestandarum eruperint : hæc enim est scismatis proles, hæresis.

Anglibergense monasterium, quondam Prouinciæ Rheni, & Sueuiæ, cum alijs in Ducatu Wirtembergensi profanatum.

Anselmus, Episcopus Budensis in Hungaria, claret anno millesimo ducentesimo octogesimo quinto, quo indulgentias concedit pro monasterio nostro Sancti Thomæ, Pragensi, infra eiusdem foundationis exordium : ubi diploma originale inspexi. Hunc Incelerius, eiusdem nostri Ordinis, præcellerat.

Antonius Kerbekius Louanienfis, doctor theologus ex Collegio Moguntino, quadragesimales conciones Italicas Pannicarolæ Latinas reddidit, quas, impressas Moguntia, vidimus. Scripsit & dialogicos multos controuersiarum theologiarum nondum cultos, & quædam alia, tum physica, tum polytica. Magistratum prouincialem gessit Bauariæ nonnullos annos : canobia auctu magno affecit : Padenfem, elapsam ab Ordine, restituit : fouit studia literarum : & , quod primum erat, ad suas leges cultum ecclesiasticum, domesticamq; æconomiam reuocauit : ad omnia idoneus, ad censuram cum maximè. Viuit hoc ipso anno, quo scribimus, Prior Moguntia, senex constantis animi,

& utriusq; temporis particeps. Sed regium est, inquit Antisthenes, cum feceris benè, audire malè. Quis mortalium adeo benè meritus est de Romana Rep: ut Scipio, qui subacta Carthagine, Africam Latino imperio subiugauit? Is nihilominus à suis ipsis ciuibus iussus dicere causam, spontaneo, perpetuòq; exilio indelebilem ingratitudeis notam inussit patriæ.

Antuerpiensè cœnobium ob Iacobi Præpositi, ac Fratrum, ei adhærentium, Lutheranismum, solo deletum esse anno millesimo quingentesimo vicesimo quinto, iussu Adriani Pontificis, notat Cratepolius: sed Adrianus Sextus fuit creatus Pontifex anno millesimo quingentesimo vicesimo secundo, tertio Kalendas Septembres, &, vix annum complens, terminauit ætatem suam octauo Kalendas Octobres, cui successit Clemens Septimus. Ergo vel calographo reuocanda est nota numeri, vel Cratepolio nomen Pontificis. Nisi, quod Adrianus fortè mandarar, Clementis tempore factum dicamus. Quæ verò Cratepolium de hoc cœnobio æquiucatio tenuit, alio loco animaduertam.

Aqua alba, vide Biela.

Argentinense monasterium, Thoma Generali, doctore erudito, insigne adhuc, tamen si ademptum. Hic & in alijs urbibus monachos, præ ceteris nostros, parentes interdicto Clementis Sexti in Ludouicū Bauarum, ab anno millesimo tricentesimo quadragésimo sexto, ac deinceps per annos septendecim à cantu prorsus abstinuisse ferunt Paralipomena rerum memorabilium, adiecta chronico Conradi Abbatis Vrspergensis.

Augustini Anconitani, licet Itali, commentarium tamen in Matthæi legi Monachij, cuius thema est [Cum quietum silentium tenerent omnia] Initium verò [Durus debellator

7

in mediam terram exterminij profiliuit] Desiderat præ-
lum.

Augustini Rudolphi Saxonis ad poësim promptitudo tanta
erat, ut vicena, atq; etiam plura ex improviso formare car-
mina ad proposita argumenta, nullo interim emendato
pede, ut solet, eum videremus. Recens ad catholicam reli-
gionem conuersus, ac mysta factus, perpetuo exercetur
certamine ab osoribus fidei. Quæris modò undenam tan-
ta hæreticorum turba? rusticitas populi, facilitas fæmina-
rum, iuuentæ leuitas, atque simplicitas, uno spiritu perdi-
tissimi hominis terretur facilè, & à recto salutis tramite
vel retinetur, vel reuocatur. Facit & pudor partes suas:
consanguineorum amor, atque affinium, quo nil dulcius
carni, clauus est, quo fixi, non manu, aut pede, sed corde
manent immobiliter homines. Referam vel partem uni-
us ad me elegiæ, qua & illius musam, & eiusdem cum ad-
uersantibus luctam cognoscas. Nosti Licentium Augu-
stini? ecceum: ingenio non inæqualem, pietate maiorem.

[Pauper musarum cultor, dignissime Præsul,
Tristibus hæc elegis verba ferenda dedico.

Supplicis ut spernas fratris pia vota, precésque
Non est durities pectoris illa tui.

Iusta querar, forsân nil proficientia fundam.,
Nubibus & Zephyri verba caduca feram.

Integritas, pietas tua me solatur, & auget
Spem, mecum melius quæ fore semper, ait.

Percipe, quæso, meas Pater æqua mente querelas,
Quas inno fundam pectore, da veniam.

Heu grauius tacitis mens carpitur anxia curis,
Est verè grauior proxima quæque dies.

Hic, cur Lutheri num dogmata sponte relinquam?
Sponte mea monachus cur, rogat ille siem?

Eruçant

Eruçant in me populares scommata dura ,
 Atque minis læuis aspera dicta crepant .
 Sum patiens, redamans cælestia gaudia vitæ,
 Jam cecini, patriæ rura valete meæ.
 Vna salus animæ petitur, mihi cætera tellus
 Ad gelidi liquidas contegat Albis aquas.
 Sed ne reseruant, ne defamentur amici
 Tam subito, mæstus, consule, quid faciam .?
 Grande nefas, dicent, mutatum corpore, mente ,
 Sic temerè patrios deseruisse lares.
 Deserui, stygias ne præcipitarer ad undas,
 In quibus est Briareus, Dux gregis, ipse Luther.
 Quare contemnens fastosi gaudia mundi,
 Hac sacra volui Religione frui.
 Sed naturalis timor omnes occupat artus ,
 Non adeo distant patria rura procul.
 Cùm fuerit fama hæc paruum vulgata per urbem ,
 Me factum monachum, concutet ossa tremor .
 Nam soror occurreret matri, mæstissima dicam ,
 Quid quaeso? frater perditus ille meus.
 O utinam nunquam calcaasset limina scholæ
 Nostræ, sed vulgi pars rudis una foret .
 Factus adhuc monachus? pro quanta infamia nobis
 Exorta est; simus casibus his monitæ,
 Illis si reprobi fraus subdola nota Lutheri,
 Quàm latè canerent, Congratulamur ei.
 Quæ ne tam subito fiant, quo lumina flectam .?
 Mœrenti quisnam porriget auxilium?
 En Dea, Castalijs quæ maxima præsidet undis,
 Consilio luctus subleuat illa meos .
 Me monuit, &c.
 Baden, vide Paden .

Bartholomæus Arnoldi Vſingus, ſiue de Vſingen, cuius non fuit immemor Pamphilus, decedit Herbipoli in Franconia anno triceſimo ſecundo poſt milleſimum quingentefimum, & in templo noſtro tumulatur, ubi hæc ſculpta [Memnoſynon religioſi Patris Bartholomæi de Vſingen, theologi integerrimi, eccleſiæ contra Lutheranos inuicti propugnatoris, hic locatum anno 1532.

I H S M R A.

Anno 1532. quinto Idus Septembris mortem obiit eximius vir Bartholomæus Arnoldi de Vſingen, ſacroſanctæ theologiæ, atque Auguſtinianæ Religionis Profeſſor, acerrimus hac tempeſtate aduerſus Catholicam Eccleſiam ſentientes impugnator, cuius anima requieſcat in pace. Amen.] In reſectorij autem pariete eiufdem monaſterij hæc picta ſunt carmina:

[Olim me Luther fit præceptore magiſter.,

Fit ſimul & Frater Religionem mihi.

Deſeruit ſed ubi documenta fidelia doctores.,

Detexi primus falſa docere virum.]

Tum verò [Bartholomæo Arnoldi Vſingo, Auguſtiniano theologo, Auguſtinus Marius, theologus, doctores, Salomensis Episcopos, P. P. P. P. diſcipulus] Ni fallor; Patri Præſtantifſimo, Præceptor Peritiffimo: ſiue; Perpetuam Paradifi Pacem Precatur: ſeu potius; Propter Pietatem Pingi Præcepit: vel quid ſimile. Aiunt, eum docuiſſe Herphordij, & in logicam, phyſicam, libròſque de anima commentarios, deinde impreſſos; in theologia verò manuſcriptos, poſteris reliquiſſe, quos nondum vidimus, præter exercitium veteris artis, excuſum Baſilæ anno milleſimo quingentefimo ſeptimo, pridie Kalendas Decembres per Nicolaum Keller, ciuem Baſilienſem. Incipit [Circa principium veteris artis quaritur] Pamphilus ho-

rum etiam meminit: De falsis prophetis tam in persona, quam in doctrina vitandis à fidelibus: De prædicatione Euangelij, quibus scilicet conformiter euangelium debeat prædicari: De cælibatu sacerdotum nouæ legis: & Responsum ad sermonem Langij de matrimonio sacerdotali, quem fecit in nuptijs Cullameri sacerdotis.

Bartholomæus Vrbinas, Italus, cogit hic fieri memoriam sui, cuius Quadragesimale manuscriptum legi Monaci cum indice Augustini Vrbinatis, quod appellationem accepit De pugna spiritali, ut in fine habetur, videlicet [Explicit opusculum De pugna spiritali] Idq; etiam indicat initium operis, hoc est [Quamuis tota vita nostra, dum sumus in hac vita præsentis, in continua pugna sit, iuxta illud, Iob septimo, Militia est vita hominis super terram, tempore quadragesimali in maiori bello positi sumus] Pamphilus verò duo distincta arbitratus est esse opera, De pugna spiritali, & Quadragesimale. Edidit & librum De quatuor virtutibus cardinalibus, quem De quatuor donis nominat Pamphilus: eundemq; ibidem reperi exaratum, qui incipit [Quoniam misericordia & veritas custodiunt regem.]

Basilica, apud Rauracos, urbs per antiqua, & celebris, monasterio abutitur, quondam Rhenanæ Provinciæ, in quo generalis conuentus coactus est Ordinis anno quinquagesimo primo supra millesimum tricentelimum, quarto Idus Iunios, sub Thoma Argentinate.

Benatek, Bohemiæ oppidulum, ubi cœnobium Matri Dei dicatum notat Hagecius fuisse semel.

Bertoldus, siue [ut Germanicum est, aspirationibus abundare, & consonantibus] Berchtholdus, Ratisponensis, in theologia Magister, circiter annum decimum post millesimum quadringentelimum habuit Viennæ in Austria le-

cturam

Auram insignem super Apocalypsin, quam Ratisponæ scriptam duobus voluminibus in folio, sectionum septem & centum, legi. Primum volumen duodecimo capite terminatur; secundum comprehendit reliqua. Caput operis est: Initium adunum & unum triplicita distinctio consummabit. Scripta doctrina solida, stylo vetusto, sermone scholastico. Adiunxit his quæstiones arduas, Vtrum Christus omnem sanguinem, qui de corpore suo effluxit, in eodem corpore hora resurrectionis glorificauit: & Vtrum efficacia sacramenti baptismi, noxam deleat cuiuslibet peccati: & quædam alia de Wiclefi erroribus. Passus est grauissima tempora, grassantia ad satietatem, ut præcellentibus viris usuuenire solet. Egit provincialatum Bavarie, & Hungarie; quo Ratisbergæ in Synodo provinciali ultrò se abdicauit. Scripsit & alia, de quibus sic Pamphilus [Bertoldus Ratisponensis, philosophus, & theologus, & academiæ Ordinis per Germaniam diligentissimus Regens, scripsit in Magistrum sententiarum, & in libros Aristotelis de anima quæstiones notabiles, quæ in multis bibliothecis Germaniæ componebantur.]

Bertoldus, Comes, dignus est, qui inter Eremitas nostros nomen, locumq; habeat: ait enim Cratepolius libro De Sanctis Germaniæ [Sanctus Bertholdus, Comes, ex illustri genere, tempore Caroli Magni, qui, ab ipsa adolescentia sua, mundi gaudia uniuersa neglexit, & sacram scripturam diligenter didicit, in monte Ezelio, ubi adhuc sacellum eius habetur, Domino Deo septem annis fideliter, & deuotè seruiuit. Inde in opaco nemore apud fontem, qui Domine nostræ fons dicitur, prope Eremitarum cœnobium in Heluetijs, ubi capella Beatæ Mariæ, quam Dominus Deus ipsemet, ut fertur, coniecerat, sibi habitationem

quæsiuit. Multas ibi diabolicas tentationes expertus est, quas tamen diuino, & angelico auxilio superauit. Demum à duobus latronibus, sicut in Millæ officio, quod peregit, ei à Domino reuelatum fuit, interfectus est anno Domini 863. & in monasterio Einsidelensi sepultus, qui multis hætenus miraculis clauit.]

Bialuthy, in Ducatu Prusiæ, quæ Villa alba Latinè, sub Episcopatu Pomalanensi, Capitaneatus [ut vocant] Dzialdouiensis, à qua urbe duobus distat milliaribus Prutenicis, ædes habet, sacras Diuo Nicolao, ubi Stanislaus Narzinschius, dominus, monasterium instituere cœperat, terrarum, & decimarum dote quadam conscripta, anno sexcentesimo quinto post millesimum, nobis Poloniam visitantibus. Assentitur Prouincia in conuentu, eo anno Casimiria habito, fitq; Prior loci Paulus Vitonschius. Vix primis radicibus capillantibus, fundator præcoci morte corripitur.

Biela Bohemicè, Vaisvasser Germanicè, Aqua alba Latinè, oppidulum non procul à Polna, infra Bohemiam, ubi monasterium Sancto Wencetlao dicatum; de quo Hagecius. Vacat.

Bresta, ciuitas Lithuanix, diæcesis Luceoriensis, Bugo flumine nauigabili, arcèq; lateritia, à Casimiro Rege extracta, non mediocriter ad pacem, bellumq; munita, cœnobio illustratur, à Witoldo, magno Lithuanorum Duce, ad honorem Sanctissimæ Trinitatis munificentissimè fundato, cuius literas, datas in noua Troki anno millesimo tricentesimo octogesimo, Cracouiæ legimus, confirmationi Alexandri Regis Poloniæ insertas anno millesimo quingentesimo secundo. Templum tamen, ut monasterium, natura gentis, ligneum, extrâq; urbem: quocirca non raro Tartarorum ignes admittit. Redditus autem habet,
pia

pia fundatoris liberalitate, ad multorum Fratrum sustentationem sufficientes. Quare ut gregalium Prouinciæ locorum paupertati condonetur, more receptum est, legéq; cautum, ut inde sui magistratus, dispersarúm; visitationum onera dispendiosa Prior Prouincialis leuet: quo etiam in loco olim residere solebat; nunc Cracouiæ, ubi Regia, & negotiorum omnium officina: quemadmodum definitum est in actu prouinciali, Casimiræ, anno quinto ultra millesimum sexcentesium. Quòd verò ligneum monasterium dixi, neque illud solum, neq; hoc nouum, ubi & urbes non infimi nominis ligneas habent ædes splendidiore. Nullum planè hic, aut vix quidem ullum patrio, candidòq; incruaret marmore parietem ambitiosum Mamurra; nullis atria solidis, integrisq; columnis nobilitaret; nisi fortè & huc sua & Ocha monte Carystus, suaue Luna ex Etruriæ ora fœnore magno inueheret. Idipsum propè accidit Masouia, Russiæ, atque adiacentibus plagis, quod & Poloniæ. Tanta enim est huius imprimis regionis planities, ut vix, quàm montosa est, lapidescat: dictamq; Poloniam à pola, id est planitie, putent non pauci. Siue, quòd plebs [adeo difficile est degenerare à senine] nulla temporum, Regúm; varietate originem suam deducere omnino potuit: Slauini enim, à quibus Polonos deriuare una omnium historicorum sententia est, vitam [ut refert Procopius libro tertio De bello Gothorum] incultam, neglectamq; ducunt; incommoda quædam tuguria longo ab inuicem interuallo habitant; & singuli, domicilij locum sæpè mutant; unde Spori à Græcis nominati: nec ab uno aliquo regebantur, sed plebæ, communíq; libertate vivebant. Qua de re nonnulli Polonos non à pola, ut planitie, dictos; neque Polachos, veluti à Lecho Slauo progenitos; sed à polo, ut eos, qui sub dio, nudòq; polo pernoctare gaudeant, cognominatos. Siue ab ipsa agricoltione facun-

da : unde ego, ubi situm eius non oſcitanter obſervaviſſem, vocabuli aſſinitatem ſequens [quandoquidem nomina, ut plurimum, ſequuntur naturam rei] Poloniam, quaſi coloniā appellavi, & Polonos : non quales faciebant Romani, ſed quales facit uſus naturæ. Nam ſi aliorum fructuum magna ex parte, ob inclementiam cœli, terra auara eſt, & ſterilis ; culturæ tamen aptiſſima, frugibus ad miraculum uſque abundat. Itaque interrogatus non ſemel, quid ſibi pro rebus, vitæ neceſſarijs, in ea climata ituro ferendum, reſpondere ſolebam, Cubiculum : ſiquidem & gurgultiola in illis informibus, latiſſimisq; terrarum ſpatijs ſuauiſſima ſunt. At de Polonia ſat Vapouius, & Cromerus. Ipſe verò duo imprimis comperi in laicis, duo in monachis : in illis bellicum robur, quòd, ad omnia incommoda occallati, ferocire ab incunabulis didicerint, & propè ipsis vim inferre fulminibus ; & quòd in ærato pectore tanta ſimul pietate molliatur animus, ut profeſtis quoque diebus concurrant ad templa turmatim ; & ad ſacræ hoſtiæ elevationem procumbentes, potiùs humiliari ſatagant, quàm intueri ; in monachis autem paupertatem ſummam, & in tanta paupertate patientiam admirandam.

Bruna, urbs Moraviæ, diœceſis Olomucenſis, Olomucio ſpecie, nobilitate, ac magnitudine proxima ; vino, frugibusq; dives, monaſterio decoratur Sancti Thomæ, inter aggeres, & mœnia ſito ; à Ioanne Marchione Moraviæ, autoritate Innocentij Sexti, & conſenſu Ioannis, Epilcopi Olomucenſis, ſumptuoſè non minùs, quàm piè, anno tricenteſimo quinquageſimo ſexto poſt milleſimum ad honorem Divæ Mariæ ab Annunciatione, & Beati Thomæ Apoſtoli fundato : atque à Gebicenſi in Moravia ſeptem ; à Vienneſi in Aſtria geminatis milliarijs gentilitijs diſſito. Margarita, fundatoris coniux, & Jodocus, Procopiùsq; filij, illa in

Ia in facello Gloriosissimæ Virginis, hi ante altare maius se-
 peliuntur. | Priores, ob præstantiam monasterij, terè semper
 Vicarij erant provinciales Districtus [ut distinguebant] Mo-
 raniæ: quo olim modo Germaniæ uniuersæ superioris, Po-
 loniæ, Pannoniæq; ad Liburniam usque in unum tandem Pro-
 uinciæ latissimæ Antistitem coibant; præter Thuringiam, &
 Saxoniam, sed & Hungarica monasteria, cum florebant, su-
 um habebant Priorem Prouincialem. Eligebantur tamen,
 ut & Priores alijs ante constitutionum Ordinis postremam
 castigationem, sic Brunenses, à Patribus conuentus: atque
 ad dislimitorium prouinciale confirmandi deferabantur, pe-
 nes quod summa erat, & arbitrium liberum. Cœperunt
 modò Brunenses à Marchionibus Moraniæ, qua nunc Re-
 ges Bohemiæ, Archiduces Austriæ, potiuntur, perpetuum
 confirmari, & à Romano Pontifice creati Protonotarij:
 quod, ut in Ordine nostro insuetum, specioso nomine prio-
 ratum illum affecit, viamq; strauit ad dignitates multò am-
 phiores. Fulciunt opes nomen, etsi ultra dimidium à prima
 fundatione, perueritate temporum diminutæ. Fama eadem.
 Prodierunt inde egregij Patres, Villielmus, & Andreas Byf-
 man, Suffraganei Olomucenses, humati ibidem. Ipsa verò
 basilica præter capita Sanctarum virginum Scholasticæ, &
 Agnetis, aliàsque reliquias, locupletatur deuotissima imagine
 Matris Dei, multis celebrata miraculis, quam à Luca Euan-
 gelista fuisse depictam, una est omnium vox, & pleraque in
 hoc extant testimonia. Meminerunt eiusdem sancti picto-
 ris in suis diplomatibus indulgentiarum Wencellaus Patri-
 archa Antiochenus, & Ioannes Episcopus Lubtensis anno
 millesimo quadringentesimo quinto: Landolphus Cardi-
 nalis in Carcere Tulliano, anno millesimo quadringentesi-
 mo nono: & Villielmus Episcopus Nicopolensis anno mil-
 lesimo quadringentesimo quadragésimo tertio, & alij. Vtq;

eò translata fuerit, dixi alias, nunc complectar paucis. Theodoricus, Gothorum Rex, Arianus, Erulis, & Odoacre, Zenonis Imperatoris auxilio, superatis, Italiámq; deliciosissimam Europæ partem, adeptus, eò libertatis publicæ iuribus temeratis, Gothicæq; tyrannide Mediolanenses adegit, ut hi ad Zenonis successorem Anastasium, anno Domini quadringentesimo nonagesimo tertio, cum multis, iusteq; deferrent. Has ob res delegatus est ab Anastasio Eustorgius, qui sua cum prudentia, tum pietate rem uniuersam componeret; quod & fecit. Ad eòq; interim eius sanctitatis, æquitatisq; nomen apud eos emicuit, ut ij, Laurentio Episcopo vita functo, Eustorgium in suum Episcopum postularent. Abnuitt is verecundè, Legatum, ut venerat, non Episcopum, quod non petierat, se rediturum dicens ad Cæsarem: eiisdémque voluntati, si & id imperassèt, ita ad Episcopatum, ut ad Legationem, humiliter pariturum. Gratulatur Imperator regredienti, neque illum episcopari assentitur solùm, sed & permittit eidem, ut de augusto sacrario quiduis, pietatis arbitrio, secum Mediolanum tollat. Qui præter alias Duorum reliquias, trium felicium Regum orientalium, qui Christum natum, stella comite, adorarunt, corpora veneranda, à Constantino Magno eò translata, imaginemq; Mariæ Virginis, filium gestantis, à Luca depictam, eligens, Genuam nauigauit, Mediolanumq; solenni ritu introductus, allatas secum sacras reliquias, iconemq; virgineam, in suburbij adibus, Eustorgio martyri dicatis, quanta potuit reuerentia, condidit. At Fridericus Primus anno centesimo sexagesimo secundo post millesimum, eam urbem secunda obsidione adeptus, fidem, quam à ciuibus non semel violatam dicebat, grauissimè ulturus, illam exercitui quaquaversum expilandam, delendamq; ad vestigium usque, lulio sale commisit. Duas autem reliquias, inter quas Magorum corpora, & Ma-

riæ imago, haud multò ante à ciuibus in urbem, metu mili-
tum, importatas, distribuens, ad Rainoldum, seu Reginol-
dum, Archiepiscopum Colonensem, Regum beatorum
corpora; ad Wladislaum, Regem Bohemiæ, per Theobal-
dum, fratrem eius, qui bello interfuerat, iconem Virginis
immaculatæ, partemq; candelabri, augustissimi templi Salo-
monis; ad alios alia dono misit. Anno verò millesimo tri-
centesimo quinquagesimo sexto Ioannes Marchio Morauus
cœnobium Brunæ, ipsi Dei Genitrici à primo lapide eri-
gens, huiusq; pium pretiosæ imaginis munus, quæ Pragæ ad-
huc seruabatur, à Carolo Quarto, fratre suo, latus accipiens,
singulare ei sacellum infra eandem monasterij basilicam
struxit: instituens ibi sacrum quotidie ad laudem Diuæ Vir-
ginis concinendum. Auxit picturæ deuotionem pars pepli
eiusdem Virginis cum sanguine, de quibus Ioannes, Episco-
pus Lubicensis, in suo diplomate indulgentiarum, mentio-
nem facit. Auxit & Iodocus, Romanorum Rex, fundato-
ris filius, aureo, gemmòq; ornatu. Sed his multò pretiosior
credentium fides, religiòq; accessit. Inuocatur in periculis;
glorificatur miraculis; honoratur indulgentijs; votis cu-
mulatur, & donis. Statis verò diebus magno populorum
concurfui reuelata, omniumq; oculos in se veneranda colli-
gens, excipiebat pijsfima inuocationes, & corda oblata fide-
lium: qua occasione & Landolphus Cardinalis suas perpe-
tuum indulgentias erogauit. Hòq; sacro ritu efferrì clerici
cali pompa per urbem, & à populo in calamitatibus, arduis-
que negotijs implorari, illòsq; illa misericorditer exaudire
solebat. Hærent etiamnum animæ intuentium, sacris euo-
catæ coloribus: trahitur spiritus ad ingenuæ pulchritudinis
simulacrum; & per eius, tanquam per sciatæ icon, splendi-
dissimos eius speciei soles enumerat. Idem ibi colores fuf-
fusi, eadem linearum, ac partium symmetria, quæ in tabula

ecclesiæ nostræ Sanctæ Mariæ à Populo in Vrbe, quam & à Luca depictam, eoque per Gregorium Nonum translata ferunt. Duo vultus, unus vultus, ab uno vultu. Vnus in utriusque decor, unus spiritus, fulgor unus. Ad Flaminiam portam Romana; extra portam Brunensis imago: illa ubi Neronis ossa, acta dæmonibus, vexabant populum; hæc ubi infidelis impietas, ut in cardine regionis, urgebat ad flagitia Morauos'.

Casimiria, præurbs Cracouiæ, anno millesimo tricentesimo quadregesimo sexto mœnibus succingitur, & monasterijs coronatur. Quod factum Cromerus libro duodecimo de rebus Polonorum, his fermè recenset. Cùm sacrilegi quidam vasculum cum sacro Christi Corpore è templo omnium Diuorum cultui dicato, furati essent, ferculūq; nō aureum (ut credebant) sed æneum, deauratum comperissent, illud apud Bubalum, suburbium ditionis Collegij basilicæ Cracouiensis, in cœnosam paludem, unā cum hostia sancta abiecerunt impiè. Mox locus exarsit ignibus crebris, faculisq; dies, noctesq; lustratus, esset, ut Ioannes Grothius, Episcopus Cracouiensis, post triduanum indictū ieiunium, eò ad rem perferendam cum clero, & populo frequentissimo pontificaliter se conferret. Repertūq; sacratissimum Christi Corpus, ad templum, unde sublatum fuerat, retulit. Quare Casimirus, Poloniæ Rex, sequenti anno templum in honorem Corporis Christi ibidem ex cocto latere ædificauit: successūq; temporis per amplum spatium muro complexus, nouum inde oppidum conflauit, & Casimiriam suo nomine appellauit: ubi monasterium etiam nostrum ad honorem Sanctarum Catharinæ, & Margaritæ crexit, atq; fundauit. Absuntq; priori conflagrationibus priuilegio, alterum edidit confirmationis, quod ibidem legi, datum Cracouiæ anno millesimo tricentesimo sexagesimo tertio.

19
Catharinæ eidem beatæ virginî, aliâ in eo ambitu sacratæ æ-
des monialium tertij (ut vocant) Ordinis, è regione con-
uentus nostri, Simone Mnifeuio Prouinciale dirigente, &
Spirito Vincentino Generale, iuxta moderamen Iulij Se-
cundi, concedente, anno octogesimo tertio post millesi-
mum quingentesimum, instituuntur: quarum prima ma-
triarcha Soror Catharina Klobusko. Recipiunt toleranter
leges aliquot, in diffinitorio prouinciali latas sexennio
post, & à Georgio Cardinale Radziuil, Episcopatus Cra-
couiensis administratore, Gregorio Lanczkauski Prouin-
ciale, anno millesimo quingentesimo nonagesimo sexto
sub Ordinis cura, obedientia, & priuilegijs confirmantur.
Quam verò viuendi formam, primo Ordini propinquo-
rem, in uisitatione nostra, anno quinto post millesimum
sexcentsimū, promptè regesserint, ex actis comitialibus
in Historiam magnam ad numerum comportauimus.

Cecanouia, oppidum Ducatus Masouia, diæcesis Plocensis,
à Variauiâ duodecim determinatum eius gentis milliari-
bus, ubi monasterium extructum trabibus, templum ex
fabrica cæmentaria. Huius fundatio sic se habet. Sammo-
uitus Dux cupiens, quantum in eo erat, Christianam fidem
non stabilire solum, sed & propagare in suo dominio, Li-
thuanis, Ruthenisq; contermino, supplicauit Innocentio
Sexto, ut nostris monachis, quorum probatæ vitæ exem-
plum erat percelebre [Samouitica hæc laus est] tria in suo
Ducatu cœnobîa posset erigere: Raurum unum, in honorem
Corporis Christi, Deiparæ Virginis, & Sanctæ Hedelungis:
Variauiæ alterum ad gloriam Spiritus Sancti, Diui Marti-
ni, atque Beatæ Dorotheæ; tertium verò alio in loco ditio-
nis suæ, ubi liberet; quod postea Cecanouiæ excitauit.

Quamobrem etiam Caroli Cæsaris intercessionem apud
Summum Pontificem interposuit. Cuius concessionis

bullam Casimirię apud nostros vidi, datam in Villanova Auenionensi, Pontificatus anno quarto. Dicto audiunt Masouica monasteria unius Prouincialis Poloniae.

Chrumlovv, siue Chrumpnauv, urbs in Moravia, diocesis Olomucensis, ubi Czenko de Lypa, summus Marešciallus, & primus Camerarius regni Bohemię, dominus eiusdem urbis, monasterium fundauit ad cultum venerabilis Corporis Christi, & Beati Bartholomęi circiter annum quinquagesimum quintum supra millesimum tricesimum: cum ad omne preiudicium submouendum, quo noua eiusdem sacre edis plantatio esse potuisset unquam, multa parochiali ecclesię, hospitioq; Cruciferorum Ordinis, dono dedit. Sequenti anno Chrumnauensibus, ne quasuis legationes, donationesue, monasterio factas, aut faciendas, impediunt, daturi poenas, imperat: Conrado interim, & Elisabetha coniuge hortum, vineamque coenobio conferentibus. Biennio post, piscationem in piscinis suis, & in Rotygel fluuio concedit. Anno autem millesimo tricesimo sexagesimo curiam in villa Dobelicz, atq; vineam in montibus Spanicz cum pascuis, ac pratis dono cedit: & tertio dein anno syluam de Vreynualt: quo tempore ipse moritur, & in eo claustro humatur. Henricus de Lypa, nepos, censum perpetuum sesquimarce pro lampade stabiliz. Nicolaus Prior, Ambrosius Aedituus, Hodkon Procurator, Theodoricus, & conuentuales ceteri emunt censum annum modiorum duum silignis ab Hartungo de Weincenrid super eiusdem moletrinam in villa Rubtziz ad Iglauię aquas. Anno millesimo tricesimo octogesimo primo Henricus de Lypa censum marcarum quatuor super villam Naslimericz imponit, denatq; conuentui. Biennio post Beneslius de Cravvary regię Camera Magister Ioanni Propšcil vendit censum marcarum totidem,

dem, & post quadriennium ejdem Priori marcarum trium: qui & pistrinum sequenti anno emit sub villa Doppelcz [si nominis affinitas me non fallit, eandem hanc esse arbitror cum Dobelicz] confirmante dicto Henrico: cuius uxor Ostka anno millesimo tricentesimo octogesimo secundo tres quotannis soluendas monachis marcas testamento legauerat. Horum authographa Brunæ legi, & hic summam exposui. Magnopere enim in cœnobiorum amulorum inquisitione conducit historiæ, certa rerum, actorum, locorum, temporum, hominûmque cognitio: in alijs verò, quæ iam nunc possidentur, legata, prædia, census, & huiuscemodi, scripto repetere, non historiæ est, sed archiui, & perinde, ac notariorum publicorum more, protocola in macrocola, molesta æquæ scriptione, ac lectione traducere. Annum autem, quo Chrumnauense amittitur, non sum ad hanc diem assecutus. Vigebat adhuc anno vicesimo primo à millesimo quadringentesimo, ut ex instrumento venditionis duarum sexagenarum accepi, in quo nominantur Nicolaus Svvouczar Prior, Ioannes Druholecz Ædituus, Paulus Paganus Procurator, Paulus Sartorius Prædicator, & Wencelaus Cantor...

Chulmanus, omnium opinione, & fama beatus, in æde sacra Ioannis Baptistæ monasterij nostri Piuoniensis in Bohemia humiliter conditus, piè colitur: quem siqui non regularem fuisse Eremitam contenderent, hoc uno eos conuincerem argumento, quòd nostro in loco, ut Eremita ex nostris, sepeliatur. Neq; enim eius sum aut affectationis, aut leuitatis, ut quoscunq; nominari eremitas audiam, siue legam, eos confestim meos monachos fuisse, esseuè dicam. Liquet enim nos lege Pontificia, secundum mentem, & appellationem fundatoris, dictos, ac declaratos Eremitas, non absolutè, sed Ordinis Sancti Augustini. Ali-

oqui & Franciscus Petrarcha diceretur monachus noster, de quo scribitur in Fasciculo temporum, quod poëta fuerit, & eremita: quo, rogo te, quid vanius? Sanè ambitiosus, pinguibúsq; mendacijs imbuere sententias, etsi tonet quis, blateronum more, verbis prægrandibus, non est historiam ditare, illustrare, euehere; sed & ipsam, ubicunque reperiatur, veritatem suffocare, sedare, pessundare. Magis placet historia, si dicas, nullum adhuc fuisse Papam ex Ordine Augustini Eremitano, quam si dicam Gelasium, Augustini Auditorem, imò etiam Canonicum regularem, qui eiusmodi Ordinem in Lateranum introduxit, fuisse ex eo. Ecquoinam Eremicolas Fratres inuexit Romam Gelasius? quam in partem? quo anno? qua, digna fide, historia? Cauendum utiq; hoc, & tantò magis, quantò in beatis, summisq; viris. Onuphrius Panunius, qui & in corruptis fuit historicae veritatis assertor, & nostri eiusdem Ordinis professor studiosissimus, in suo chronico Pontificum Romanorum, quinquagesima Pontificum successione, anno Christi quadringentesimo nonagesimo secundo, hæc tantum de Gelasio [Sanctus Gelasius, Valerij Episcopi filius, Afer, Imp. Cæs. Fl. Anastasio, Dico Augustus, & Fl. Theodorico Amalo Gothorum in Italia Rege, sedit annos quatuor, menses octo, dies nouendecim] Concordat Platina in omnibus, præterquam in diebus pontificatus, ponens dies septendecim ultra menses octo, & annos quatuor: sed si exclusiue sumamus dies nouendecim Panuinij, inueniemus perfectò concordare cum septendecim inclusiue Platina. Licet & hoc in disputationem referri possit, fueritne Gelasius verè Afer, an Romanus veriùs; cum is tomo primo epistolarum Romanorum Pontificum, epistola decima, scribens ad Anastasium Cæsarem, dicat [Gloriosè fili, te, sicut Romanus natus, Romanorum Principem amo, colo, suspicio] Quem locum exponens Baronius

tomo quinto suorum Annalium sub annum Christi 492. numero sexto, dicit ad eundem modum debere intelligi, quem admodum illum Actorum vicesimo secundo : in quo Paulus se Romanum natum asseuerat, etsi ortu Tarsensis reuerâ esset, ut is ipse in eodem capite antè declarauerat : sic namq; ait Baronius [Verùm cum Africanus fuerit, multis rationibus potuit dici Romanus ciuis natus, sicut & Paulus, Tarsensis cum esset, se ciuem Romanum natum gloriatur] Sed si verba Gelasij ponderemus, vim facientes in aduerbio sicut, vel in verbo subintellecto, patebit ad literam sensus absque ulla figurata loquutione. Scilicet si sumatur sicut pro tanquam, & suppleatur essem ; id est, Tanquam essem Romanus natus. Non enim dicit Gelasius, sicut Romanus natus sum, sed suppresso verbo, & verbi tempore, absolutè dicit, Sicut Romanus natus, ac si diceret, quasi & ego essem natus Romæ, & unus essem ex Romanis ciuibus, te ita amo Romanum Principem. Quid autem alij non inferioris autoritatis, fideiq; scriptores de Gelasio posteris memoriæ commiserint, explicabit Historia magna. Vnum illud nunc, Gelasium non fuisse monachum Eremitam. Cur (oro te) Patres nostri, ecclesiastici cultus obseruantissimi, ac sui Ordinis amantissimi, cum suos Sanctos speciali cultu, atq; officio religiosissimè semper venerati sint, per undecim secula, & ultra, proseripserunt à suo Kalendario ad hanc usq; diem Gelasium? Num non Sanctum? imò Sanctissimum, eruditissimumq; & inter Sanctorum catalogum omni tuo relatum. Num ignotum? Sed ubi latuit per tot ætates Pontifex summus? Quid dicendum ubi canonica lectio uniuersalis ecclesiæ refragatur? De Sancto Gallo legitur in Romano martylogio sub decimo septimo Kal. Nouembris [Apud Arbonam in Germania Sancti Galli Abbatis, discipuli Sancti Columbani] Et apud Trichemium libro tertio de viris illustribus

bus Ordinis Sancti Benedicti, capite vicesimo quarto [Gallus ex monacho Chrononensis cœnobij Episcopus Auernorum, vir tantæ sanctitatis extitit, ut multis & in vita, & post mortem miraculis legatur claruisse] Quem autorem Baronius sequitur in suis notationibus in Romanum martyrologium, de eodem Sancto agens die sextodecimo Octobris; præter errorem calculi, nam pro vicesimo quarto capite ponitur numerus septuagesimus sextus. De ipso verò Sancto Columbano habetur item in martyrologio sub undecimo Kalendas Decembris [In monasterio Bobiensi depositio Sancti Columbani Abbatis, qui multorum cœnobiolorum fundator, plurimorum monachorum extitit pater] De quo idem Trithemius in eodem opere de viris illustribus libro secundo, capite quinto ait [Columbanus fundator, & primus Abbas Luxouienensis, natione Scotus, vir meriti, & sanctitatis eximie, multos pro Christo sustinens labores, cum adhuc in Hybernia adolescens degeret in monasterio, tantum in scripturis studendo profecit, ut non contemnenda opuscula ediderit] & post pauca sic finit [Construxit multa cœnobia tam in nostris regionibus, quàm in Hybernia. Claruit anno Domini sexcentesimo] & libro tertio, capite vicesimo sexto manifestius ait [Columbanus Abbas, & pater multorum monachorum, de Hibernia veniens in Burgundiam, permittente Rege Theodorico, monasterium Luxouienſe fundauit, ubi fratres secundum regulam Sancti Patris Benedicti viuere docuit] Fundemque Trithemium Baronius in dictis suis notationibus admittit sub die vicesimo secundo Nouembris. Mirto nunc alios, & eos quoque Abbates. Qua ergo scientia, aut conscientia tot magnificas Abbantias in Eremitica Augustini claustra clausis oculis quidam adigunt? An gloriabundi de tantorum Abbatum sanctitudine? O si tam promptè, tam accuratè eam imitaremur, quanto solidior esset glo-

set gloriatio nostra? Non desunt nobis viri ex nostris sanctissimi, quos laudemus: & si unum haberemus Augustinum, is satis esset: Augustinum, quem & aduersarij reuerentur, & celebrant: quem ipse idem Lutherus appellat doctorem super omnes doctores, cui parem iam inde ab Apostolis non habuerit Ecclesia. Quod fuerit Ioannes Hofmaisterus vir certè pius; & pro orthodoxa Ecclesia prædicando, & scribendo certarit, fateor; num propterea eum statim Beatorum choris associarunt, nescio qui? Quod is æterna potiatur modò felicitate, spero equidem: ut eum pro Beato habeam; ut ijs eum prosequar honoribus, quibus Sanctos, hoc nondum mater declarauit Ecclesia. Non ita in re tam graui, tam sancta, tam publica, scriptori ecclesiastico blaterandum. Atqui hoc lucrifaciunt mendaces secundum Aristotelem, ut ijsdem tum vera dicentibus, non credatur.

Cornaburgense monasterium in Austria, non procul à Vienna, dictum ab ecclesiæ titulo Domus sancta, ditatur indulgentijs pro sumptibus ædificij à Ioanne Cardinale Sancti Angeli, Apostolicæ Sedis per Germaniam Legato, anno millesimo quadringentesimo quadragésimo septimo, die undecimo Nouembris: quarum literas, Patauij datas, vidi Viennæ. Tunc monasterium si non primum excitatum, fortassis instauratum. Anno millesimo quadringentesimo sexagesimo quarto suas addit indulgentias Rudolphus, episcopus Lauentinus, Legatus item Apostolicus per Alemanniam, eiusdemq; inducit fabricæ rationem. Anno millesimo quingentesimo tricesimo nono, decimo Kalendas Maias Patres Viennenses, & Districtus Austriae, dantes literas ad prouincialem conuentum, Ratisponæ congregatum, eiusq; nomine Districtus mittentes pro Discreto Priorem Viennensem [id enim tunc erat

D

moris]

moris] se excusant , quòd non mittant sigilla monasterij Cornauburgensis, cùm is, cui res domestica eiusdem commissà erat, secum tunc temporis non haberet. Occupatur à ciuibus. Videre liceat in Neuburga.

Coronensis monasterij in Morauia in comitijs Prouintie anni millesimi quingentesimi tricesimi sexti confirmatur pro Priore Erardus. Hunc vacat.

Cracouia, diximus in Casimiria.

Crasnostauia, siue lingua gentis Krasnystavv, urbs in Ducatu Russiæ, & Districu Chelmenfi, quò & Chelmenfis cathedra sub Wladislao, Rege Poloniæ, translata, monasterio decoratur Sanctæ Trinitatis, à Tartaris iterum, atque iterum ustulato. Regia eius fundatio, & antiquitas, scripturis incendio absumptis, ex literis Alexandri Regis Poloni conijciuntur, quas Cracouiæ legi, datas in Lublin, anno millesimo quingentesimo tertio, confirmantis monasterio quatuor annuas sexagenas super Chelmenfè telonium; asseritque hoc ex antiquo usu, & maiorum suorum dote exhibitum: ipse verò chorum farinæ siligineæ ex suo pistrino Crasnostauienti singulis sabbatis perpetuùm monasterio donat. Est enim siligineus panis ita usui, ut triticeus apud magnam partem Septentrionalium hominum; apud nos Occidentales non item. Et si res frumentaria apud Germanos uberrima sit; plerosque tamen ex nobilioribus noui, quibus panis ex siligine est sapidior. Distat Ruthenicum Crasnostauiente à Lithuanico Brestensi cœnobio milliarijs viginti.

Culmbach, habetur inferiùs in Kulembachio, ut proprietatem rerum seruemus genti cum familiaritate literarum, ubi possumus, clauso vado amphibologijs.

Deesvvar, in Hungaria, monasterio fuit Virginis intemeratæ. Carolus Rex, ut ex singulis salium carris de Desak-
na in

na in Deesvvar duo sales monachis penderentur, commisit literis, datis prope Turdam in villa Sancti Michaelis anno millesimo tricentesimo decimo: confirmatque anno millesimo tricentesimo vicesimo quinto, supplicante Ioanne Prouinciale. Idipsum Matthias, Prouinciale Bartholomæo, anno sexagesimo sexto à millesimo quadringentesimo. Dat dono Ioannes florenos annuos quinquaginta aureos de camera Dees, & Matthias Rex, filius, confirmat anno millesimo quadringentesimo quinquagesimo octauo. Idemq; Princeps Joannes organico monasterij stipendium quotannis decernit, comprobâtq;. Matthias anno sexagesimo secundo post millesimum quadringentesimum; & underricesimo post anno Wladislaus. Addidit præterea Matthias monasterio florenos annuos ducentos ex auro, soluendos ex prouentibus cameræ salium de Dees, pro alendorum duodenorum Fratrum ope anno millesimo quadringentesimo octogesimo secundo: & nouennio post approbat Wladislaus. Stephanus Chryuula, Camerarius salium de Zolnok legat conuentui piscinam in Comitatu de Doboka in Transyluania circa annum millesimum quingentesimum quintum; quod & Wladislaus placuit successori, octauo post anno. Fuisse cœnobium hoc, aut idem cum Thordensi, seu Turdensi, aut certè illi in omnibus proximum, deducitur ex eodem titulo monasterij, & ex Regum, temporum, locorumq; concordantia, atque rerum quarundam concessarum, uti ducentorum florenorum in salibus, Manet nomen...

Domazliczij in Bohemia fuisse quondam monasterium nostrum scribunt Bohemi, quod idem est, quod Tustala.

Illinga, imperialis urbs in Ducatu Wirtembergico, cœnobium, quondam Prouincia Rhenana, occupat. Aliter Illinga.

ga. In eo olim oia literarum, & Patres religione, atque eruditione clari: sed pietate abacta, exilierunt inde cyniphes, & locustæ, Stiphelio similes; de quo in Michaële.

Firstenfeldense monasterium Sancti Mauriti in Styria, sex distans milliarijs à Gracensi, erigitur à Patribus nostris, promotione & ope Rudolphi Archiducis Austriæ, anno millesimo tricentesimo sexagesimo secundo, quo Ortolfus Archiepiscopus Salisburgensis, in cuius diaceli Firstenfeld est, præstat assensum, committens Rudolpho Archidiacono Styriæ, Plebanòq; Firstenfeldensi, ut rem iuuet. Confirmat Pilgrinus successor quinto post anno, & concedit, ut Fratres possint per diacelin Salisburgensem prædicare, confessiones audire, & mendacitatis questuram liberè exercere. Dotat sequenti anno spiritualibus indulgentiarum opibus ecclesiam certis quibusdam fclis Frater Ortolfus, Archiepiscopus Appanienfis: dotant opibus temporalibus anno millesimo quadringentesimo Nicolaus Riegestorffer, Prætor Firstenfeldensis, & Margarita, eius coniux, amplissimè. Sed hostium impetus passum est sæpe: quemadmodum anno octogesimo post millesimum quadringentesimum feria sexta post festum Dominicæ Ascensionis, cum Hungariæ copiarum Matthiæ Regis, combuto à foribus usque ad penetralia Firstenfeldio, etsi mitius in hoc agerent cum monasterio, abstinentes à flammis, compilarunt tamen illud usque ad pulveres: & non gentili barbarie, non militari furore, sed ferocitate tartarea Hainricum Harder Rattembergensem, Patrem multa veneratione dignum, strangularunt: Augustinum Monachiensem, Priorem, cum decem alijs eius Fratribus subduxerunt secum captiuos in campum, ut hostilem prædam, ut venalia Turcarum mancipia: qui, licet Dei manu, sextodecimo à captiuitate die soluti essent,

sent, plerique tamen attriti malis, cadauerúmque factoribus infecti, non longè post interierunt, uno tandem superstite Augustino Priore in exilato cœnobio. His enormissimis facinoribus, ac sacrilegijs illustre nomen Hungaricum attrarunt saepe perditissimi milites. Viget iam monasterium, ut alia pia loca, auspicio Serenissimorum Styriae Principum catholicorum.

Flumen, Liburniae oppidum, in Dalmaticis oris, atque Adriaticis, ab allabente flumine dictum, Tarsatti montis, olim virginis ædibus beati, rigante leniter limbum, deuotionem suam monasterio cumulat Diui Hieronymi, fundato ab Hugone de Tibinò, & à Raimperto de Valisè, capitaneo supra Ens in Austria, à quo literæ foundationis æditæ millesimo quadringentesimo nono. Hi præter decimas, atque alia multa, sacella Sanctorum Martini in finibus Castuæ, & Andreæ, ac Nicolai, martyrisque Cecilie, secus oppidum ipsum Fluminentè, cum ad eos ius gentilitium pertineret, monasterio uniuerunt.

Fridericus Ramponensis, conuersus humilis, & castus, magna in Deum religione; in Prælatos obedientia; in Fratres obseruantia; in pauperes, infirmosque charitate præditus, tantum in his diuinæ gratiæ habuit, ut crebris miraculis diuulgatus, ad nos deuotionem sui, sancta æmulatione transfuderit. Quis omnia? pauca dicam. Ministranti altari, ad cuius ornatum, cultumque mirum in modum solebat horas impendere, Angelus de cœlo ei rotas, ipsa in hyeme argentissima, detulit, vel nullo ex rosario natas, vel certè ex illo, nunquam dumotò, unde sibi Beatorum chorus elegantissimas, atque suauitatis inenarrabilis coronas necit. Præpeditus seruitijs domesticis, inhiansque refici sacra synaxi, ne demandatum a suo Præsidente intermitteret opus, tamenli corde versabatur in templo, corpore

tamen laborabat in lignario: cum Angelus, ne vel distraheret obedientem, neue esurientem negligeret, pane angelico, ab altari allato, in ipso lignario eum communicauit. Felix obedientia, quæ Angelos facit obedienti ministros: felix religio, cui nusquam sacrarium, nusquam sacra, sacerdosue defunt, ubi Christus est omnia. Semel susceptis è penuario panibus, ut eos mendiculis hominibus, more suo, errogaret, Priori ægre ferenti obuius, atque interpellatus, quid ferret, aperto scapulari [ut vocamus, lignorum schidia, & dolaturas, in quas panes erant transfirmati, ostendit: iterumque reuersus ad pauperes, eis panes, suæ naturæ redditos, quæ solebat alacritate distribuit. Ita & Moyses transformem virgam, modò in colubrum permutatam, modò iterum in virgam, operante Deo, cernebat. Seditibus aliàs ad prandium monachis missus semel ad promendam ceruiciam, epistomium zonæ, ne intercideret, fixit; mox præ sollicita obedientia, quò minus diu expectaretur in mensa, dolio nequaquam clauso, reuolauit ad Patres: qui obturaculo in eius latere infra cingulum viso, verentes natate omnia in cellario, descenderunt præcipientes, nihilq; interim effluxisse, nec distillasse quidem compererunt; sed velut gelu constrictum confedisse liquorem; urnamq; utri pice obducto orificio, velim dicere nec expirasse. Ecquid illi factu difficile, cuius nutibus ita semel diuidebantur fluctus maris, ut, quasi muri, essent à laua, & dextra filiorum Israël, siccis pedibus, loco aquæ, intercurrentium? Narrat quid simile de conuersio quodam, vini apothecario, & fortè de hoc, Beatus Iordanus libro secundo Vitarum Fratrum, capite tertio, De virtute obedientiæ: aitque, quod is à Priore vocatus, urceum sub eadè fistula ob festinationem derelinquens, operculum, ut hauriendo tenebat, gestauit manu: cumq; nec emerisile vinum, nec osculum cupæ clausum vidisset Prior, id totum


tum obedientiæ tribuit humilis Fratris, quæ maiora olim miracula apud Patres patravit antiquos. Ea autem, quæ modica est variatio in Iordano, nil impedit, dum concordat in substantia facti, quin de Friderico id dictum interpretemur. Sin autem, aliàs eidem ita fortasse accidit, aut item alteri, volente Deo, nequicquam refert. Rursus, ægrotanti assistens, & pro eiusdem valetudine orans, sopore leui correptus, angelica reuelatione, & ope incolumitatem eius simul audit, ac videt. Ipse verò diem postremum anno millesimo tricentesimo vicesimo nono pridie Kal: Decembres in Domino claudens, reliquit in cadauere signum, quòd anima migrarat in cœlum: plurimi namq; infirmiorum conuenientium, leni contactu religiosissimi corporis, suspiratam antea sanitatem confestim (tanti est fides) recuperarunt. Conditur Ratisponæ in eodem nostro sacello mirificissima Corporis Christi, de quo dicam suo loco: muroq; lapis sepulchralis his tantum verbis [Laicus deuotus in die Sancti Andrea] Admiranda priscorum Patrum simplicitas, subrustica puritas; sed religiosa simul, ac imitabilis, cui fundamentum sternit humilitas. Nihil de nomine, nullam notam de anno innuunt, arbitantes, hæc omnia ad posteros continuata memoria, semper viuida, recentique inflexibiliter transitura: sed neque nomen, neque annus perit eorum, quorum nec capillus de capite perit; & quorum nomina gloriosa angelicis, ne dicam diuinis, carattributionibus indebiliter scripta sunt in libro vitæ. Veruntamen anno millesimo quadringentesimo octogesimo primo Conradus Schleier, Prior Ratisponensis, tabulam iconis eius depictam, præfatorumque miraculorum compendiolis distincto ordine marginatam, eo in loco affixit: quam, ut est, cum suis ipsis Germanicis commentariolis æri datam, hic subiicio.

Quòd istunicam induat albam, colobium verò nigrum, pistoris

etoris licentiæ minimè dandum ; qui non sciam ideam, quasi parerga picturus, sed Prioris Conradi, qui optimè sui Ordinis vestimenta scire debebat, designationem sequutus est. Sed cùm Augustinensium hæreditarius habitus sit niger, claustralis verò, secundum usum, & deuotionem receptam, albus [ut suis rationibus dissero in Historia magna] faciliè tunc conuersi hac bicolori vestiendi forma ad differentiam clericorum in aliqua Prouincia utebantur. Quemadmodum cùm & aliorum quorundam monachorum habitus albus sit, & niger, utrumque illi miscent colorem in conuersis : qui apud nos alibi albis in clauistro, sicut clerici, quod fit in Italia ; alibi nigris semper tunicis amiciuntur, quod fit in Teutonia : cucullati quidam, quidam verò excuculles : qui omnes tribus votis solennibus, ut clerici, professione inextricabili irretiuntur. Porro Guilhelmitis Ordini nostro coniunctis, quorum monasterijs Seemanshausensi, & Speciosano interiacet Ratisponensè, quæ circum in unam latam conspirabant Prouinciam, in uetam vestium differentiam, conuersis saltem adhæsisse credibile est : siue ad quouis alio modo ex aliorum item eremitarum commistione emerfit. Hoc tamen mihi persuadeo, claustralem usum albarum vestium, non ex voto, nescio ad quod suffragium facto, sed ex Guilhelmitarum unione fluxisse, ut eos, qui supersunt in Rhenanis oris aspeximus. Sed de Guilhelmitis controuersia, plena nodis, subtilius suo tempore repetenda, comite veritate. Nunc æs vi-

de iconicum Frid-

rici.



[The text on this page is extremely faint and illegible due to the quality of the scan. It appears to be a single paragraph of text.]

Gevvicz, urbs parua Moraviæ, à Bruna milliaribus septem distans gentilitijs, monasterio nobilitatur Mariæ Virginis. Erectionis literas non legi: anno tamen tricesimo septuagesimo à millesimo emitur villa Rudka, atque vicesimo sexto post anno villa Byela per Hertuigum Priorem. Augentur census annui per Sulkonem de Radkovv anno millesimo quadringentesimo secundo, & tertio: atq; per Offkam Iacobi de Opatovvirz decennio post. Manet adhuc; nullaq; cum cœnobio Brunensi relationem subiectionis habens, suo iure, ut reliqua uti debet. Quem verò superinduxerunt usum prælationis, manasse inde exploratum est, quòd Prior Brunensis de more olim esset Vicarius provincialis (ut diximus) super Morauica monasteria: libera tamen erat penes diffinitorium, & Priorem Prouincialem electio, ut & alios legerimus creatos quandoque Vicarios Morauos.

Gothschalcus Holen, Lector in theologia peritus, & concionator facundus, ultra Præceptorium diuinæ legis, impressum cuius Signinus meminit, quod & Viennæ vidi, composuit sermones super epistolas dominicales per annum, in duas partes distinctos: hyemalis incipit a prima dominica Aduentus, verbis Apostoli [Hora est iam nos de somno surgere] & continet sermones septuaginta quatuor: æstiuales à die paschatis [Pascha nostrum immolatus est Christus] & clauditur septem centumq; sermonibus. Scatet opus historijs, & theologorum, iuristarumque sententijs. Cuditur in urbe Hagenauensi anno millesimo quingentesimo decimo septimo, una cum sermonibus sexdecim De dedicatione templi. Seruatur apud nostros Rattembergæ.

Gracium, urbs Styriæ princeps, natura, & arto fortissima, in qua Serenissimorum Styriæ Ducum sedes, admittit Fra-

tres nostros anno primo post millesimum sexcentesium, quo Wolfgangus Theodoricus, Archiepiscopus Salisburgensis sacellum Sancti Pauli cum æde proxima donat Ordini, ut ibi conuentus Fratrum instituatur. Quam eiusdem permisso, antea quoque Patres nostri, seruientes aulae Archiducali à musicis, incolebant. Erigitur inde ibi cœnobium, auxilio Ferdinandi Archiducis Austriae Serenissimi, qui triennio post dotat etiam illud quingentis florenis annuit. Huius mirifica pietas, in locis sacris, splendide excitandis; in personis sacris ad sidera euehendis; in conuertendis, aut profligandis hæreticis, annui quidem potest, vel designari, describi verò ad viuum, aut explicari ad numerum nequaquam. Merito id, quod apud Patres Capuccinos eiusdem urbis cernimus, sub eius pijsimis, atque imperterritis pedibus stratum pingere, cantharatumque Lutherum.

Guilhelmus, Episcopus Nicopolensis, ubi Villielmus: etsi namque idem sit nomen, tamen non idem usus.

Haidelbergæ in Palatinatu Rhenano, cœnobium obedientiae olim Prouincialis Sueuiæ, ab Ordine decidit, nouatori- bus regionem, religionemq; radicitus depascentibus.

Harapkou, monasterium Sancti Spiritus Nicolaus de Peryn fundauit. Huius, & Nicolai Prioris mentionem reperi Brunæ in sententia iudiciali Nicolai Kont, Regni Hungariae Palatini, super licem quandam concessionis eius loci, anno millesimo tricentelimo sexagesimo primo Vissegradi. Quare & ipsum Hungaricum.

Harlassij in Bohemia extitisse cœnobium nostrum Diuo Antonio dicatam Bohemi scriptores asserunt.

Henrici de Hassia sermones de Beata Virgine ab eiusdem Natiuitate, cuius thema est [Ipse fundauit eam altissimus] principium verò [Magnæ utique, & gloriosæ festiuitatis]

seruantur inter alios Ordinis libros Ratisponæ. Floruit sub annum millesimum tricentesimum octogesimum quartum: de quo, deque altero Henrico scribitur in Fasciculo temporum [Henricus Oyta, sacre theologiæ Professor famosus; Henricus de Haslia, etiam Doctor theologiæ, fuerunt Viennæ duo luminaria Ecclesiæ.]

Henricus Stainer, Prouincialis Bauariæ functus fungio, vita etiam fungitur Monachij, & in templo nostro mandatur humo, anno millesimo quadringentesimo octogesimo sexto: cuius laudes ad nostrum quoque seculum, traditione seniorum, pervenerunt. Habent enim hoc proprium præclara facinora, ut tabido invidentium liuore post defunctum sepulto, tanquam ab excullis nubibus, fama illustriori erumpant.

Henricus de Vrimaria, ex Prouincia Saxoniae, Jordano senior, sed eidem bene cognitus ex vultu, & intima assiduitate; atque, ob excellentiam sanctitatis, ac eruditionis, mirabiliter venerandus. Claruit cum maximè Luteciæ Parisiorum, ubi doctoris anulo, frequenti disceptantium congressu, ac plausu est ignitus, & Doctor summis elogijs salutat: cum verò in Alemaniam sua, in cuius urbibus præstantioribus legendo, ac prædicando magno cum laude excelluit. Concertabant in eo, honesta quadam æmulatione, doctrina, & bonitas; ut dubites, utra fuerit in eo maior. Quid enim aliud gignere poterat iuge studium literarum, quàm virum excultum literis? quid aliud Christiana pietas, quàm virum religiosissimum? Quæ orationibus, aut humanæ vitæ necessitatibus horæ supererant, nullo apud eum ocio terebantur; sed eas omnes is impendebat continuò volutationi librorum. Nihil enim ei antiquius, quàm dicto, & facto contra ocium dimicare: hoc agebat in publicis concionibus, hoc in priuatis colloquijs.

quijs. Quantæ verò esset accuratationis in lucubrationibus suis, nosci potest ab eo, quod faciebat in alienis : nam nulum unquam legebat librum, in quo si quem, scribarum fortè incuria, errorem animaduertisset, non diligenter corrigeret ; siquid memoria dignum, non in margine annotaret ; si quid dignum distinctione, aut declaratione, glossis quibusdam interlinearibus non distingueret, aut declararet. Mirum videbatur his, qui profundiorum literarum dulcedinem non ita attigerant, qui fieri posset, ut is indefessò corpore, indefessò animo tot subiret lectitando labores ; audientibus cum aliquando dicentem, nunquam se ob studia lassum, aut ullo capitis, aut humerorum dolore offensum, siue aliorum quoruncunque membrorum : imò cum ætatem transegisset septuagenariam, eò vehementiorem dantem operam literis. Quare semel cum ij, quibus cum eo maior erat consuetudo, dixissent ei comiter, Tu Pater ita studies in Germania, ac si nunquam studuisses Lutetiæ ; si Lutetiæ studuisses satis, non esset tibi opus studere ultra ; sapienter ille respondit ; Et si pedes haberem ad cumulum, adhuc caput haberem ad literas. Potiorem autem temporis partem sibi oratio vendicabat, ut deterfus, calefactusq; spiritus vehementibus, atq; diutinis orationibus, scientiarum arcana clariùs, citiùsq; capesseret. Quotidie faciebat sacrum, quotidie animum sacro confessionis piamento expiabat. Neque id quidem celeriter, frigidèq; sed cum lacrymis detegebat errata, cum lacrymis pro eis Christum hostiam offerebat. Nec tebat moras in accusandis culpis, ut cor contritum meditatione ingemeret : protrahebat verba in celebrando conuiuio, ut spiritus suauius reficeretur : quem usum, etiam psallendo, retinebat ; ut legens, canere videretur ; & vultu, & oculis arduos sensus interiores ostenderet. Primus in choro aderat, postremus aberat : neque unquam sacrificabat, nisi recitatis an-

re horis canonicis, aliisq; ex eius instituto, pijs precationibus. Quilibet ei locus oratorium erat: in cubiculo, in claustris, per urbem, in ipso itinere nunquam ab orationibus desistebat: ut non una quotidie vice, sed secunda sæpè, & tertia recitaret integrum officium defunctorum; & si quempiam ex Fratribus ociantem videret, ad alternandam psalmodiam aduocaret. Qua de re cùm die quadam sedentium dolore cruciari dixisset socio, Quid ni? ille respondit; miror, cur non omnes deciderint, cùm nunquam os clausum teneas. Hæc erat Henrici pietas: sed & ea humilitas, ut famulantibus sibi, famulatus vices, ubi esset opus, ultrò rependeret. Ea charitas, ut infirmos quotidie visitans humanissimè, præstaret item officia medicorum, quorum artem non omnino ignorabat; iisq; dulciter prægustaret omnia, quæ suapte sapore gustui aduersabantur, ut animum afferret ægrotis: quo studio & Fratrem quendam, à Fratribus pro leproso habitum, eisdem reddidit familiarem, penes se illum in mensa habens, ex eadem conuescans patina, ex eodem cyatho comibens. Tandem ut patientia seruus Dei consummaretur, quæ Christiano viro, multò magis ecclesiastæ, necessaria omnino est, triennio ante obitum torquebatur diris renum doloribus, vesicæ, & calculi: quo tempore nullum unquam ab eius ore verbum insolens decedit, nullum is dedit signum impatientiæ, sed humiliter in culpas suas referens cruciatus, his modò se expurgari aiebat. Delectabat admodum Dominum in tanto agone pugil fortissimus, labores additi, addita duobus ante mortem menses ægritudo; & soluta adeo lingua in paralytin, ut is interdum nil posset loqui, interdum ita male, ut vix, quid balbutiret, perciperetur. Sed eadem fortitudine animi hanc sustinuit, reuocans & eam ad exactam censuram conscientiæ suæ: ut, sicubi dicendo ad populum eloquenter, sibilus aliquis humanæ gloriæ titillasset aures cor-

dis

dis sui, nunc eiusdem linguæ defectibus, sermonis elegantiam emendaret. In cuiusmodi verba Prior etiam Prouincialis officiosè incidit, ut eum in tãtis corporis passionibus spiritualiter consolari videretur. Sed quis Zachariæ ut Ioannis ortu miraculum non credat? Henricus, iam propè octogenarius, agens animam, ubi coram orantibus Fratribus, absolutionis plenariæ beneficium à Prouinciæ Prælato accepisset, & sacro Viatico, quo solebat feruore spiritus, recreatus esset, recuperato fandi officio cum firmitudine vocis, in hæc verba, quæ fuerunt postrema, expediuit linguam, In manus tuas Deus Pater commendo spiritum meum: In manus tuas Deus Fili commendo spiritum meum: In manus tuas Deus Spiritus sancte commendo spiritum meum. Quibus verbis sanctissimis, ut hymno quodam comitante, emilla anima, etsi longa confectum tabe, longòq; senio remaneret corpus exangue, suffusus tamen colore roseo cernebatur vultus, quasi viscera adhuc feruentia charitate, extinctas genas succenderent. Hac inter cæteras Henrici laudes ornata est funebris oratio, qua tanto doctore, tam beato viro Franciscanus orator coram congestissimo populo parentauit. Fertur feretrum cum sacro onere in basilicam, confluant homines, non desunt miracula. Fæmina ex nostris religiosa, quæ diutina, perpetuàq; afflictabatur cephalæa, atque vertigine, piè sperans, se Henrici meritis, & intercessionem sanandam, sanata illicò est, quando manu eadem, qua Henrici faciem reuerenter tetigit, tetigit nec itè & suam. Proinde pluribus eius beatitudinem commendat Beatus; Henricum Iordanus. Proinde cum merito Scripandus Cardinalis inter Beatorum eledum nominat in sui chronici appendice: & Matthias Hirschberg, Baccalaureus noster in ilagoga epistola in opus Henrici De Sanctis, eius perfectionem sanctitatis, feruorem charitatis, atque doctrinæ excellentiam multis extollit. De sancti-

sanctitate ait [Hic vir honestissimæ conuersationis, vitæ pa-
 riter eximæ, sanctitate decoratæ, feruentissima diuina dile-
 ctione, & suauissima contemplatione sanctissimi sui Patris
 Augustini æmulans vestigia, ad summæ perfectionis venit
 culmen] De charitate verò [Cuius in eo flagrantissimæ cha-
 ritatis aperta indicia, argumentaq; haud fallacia, hæc sunt;
 quòd vix, aut nunquam reperias quempiam sermonum ipsi-
 us, in quo vel non feruorem charitatis, vel diuini amoris
 dulcorem, itémq; feruidum diligendi Deum tum conatum,
 tumq; desiderium non reperias. Rursúmq; amoris diuini
 dulcedinem, saporémq; intimum, & reliqua id genus, effica-
 cissima dissertione, placido ore, & sine dubio, vehementissi-
 mo cordis amore frequentius, sinceriusuè deprompsit: quæ
 non nisi ex flagranti charitate, diuinâq; dilectione procedè-
 re: quia secundum Augustinum, Lingua amoris, non nisi
 quæ amoris sunt, nouit loqui] De doctrina autem [Si demum
 doctrinæ ipsius dexteritatem recto rationis oculo intueri ve-
 lis, audeo dicere, quòd stylo suaui mediocriter (fastus rumo-
 re, curiositatis vitio, inanísq; gloriæ semotis) ornatè satis, ut
 par est, & disertus incedit; modò depressò, iámq; mediocri,
 modò item grandi dicendi genere discurrens, peccatoribus
 antidotum saluberrimum ingerit; incipientibus blanditur,
 proficientes hortatur, diuinam verò sapientiam redolet in-
 ter perfectos. Denique in peregrinarum sententiarum ex-
 positionibus reperitur acutus, & nimis admirandus, ut iure
 illi aptetur, quod Iob decimo octauo exaratum est, Omne
 pretiosum vidit oculus eius, profunda quoque fluuiorum
 scrutatus est, & abscondita produxit in lucem] Solida laus,
 eóq; verior, quò de puro fonte simplicior. Malo verè dicta,
 quàm eleganter. Inter opera, quæ Henricus composuit,
 hæc sunt: Sermones de Sanctis ducenti, atque septendecim,
 cusi in calcographa Hagenauensi apud Henricum Gran, an-

no millesimo quingentesimo decimo tertio, quorum primum thema, & initium est [Ascendam in palmam, & apprehendam fructus eius] De conceptione mentali liber unus super thema Canticorum [Veniat dilectus meus in hortum suum] Huius principium est [Verba proposita, conuenienter exprimuntur] Fragmentum operis exscriptum, quinque duntaxat foliorum, reperi Monaci, colligatum alijs codicibus. Item De perfectione hominis interioris libri quatuor & viginti, quos ibidem legi exaratos in folio; primusq; liber agit de vitijs principalibus, & eorum remedijs; cuius prologus incipit [Quia multa probabilia] Tractatus, siue primum caput [Quia menti rationali] Quocirca liber De vitijs principalibus non est liber distinctus, & alius ab hoc, ut autumat Pamphilus; neque uniuersi huius operis est titulus, idemque primus. Et quamuis totum opus collectum sit ex Patrum, videlicet monachorum, doctrina, unde illud Trithemius nominat [Flores ex collatione Patrum] non est tamen hic operis titulus, neque diuersis liber ab eo, quem Abbas ponit [De perfectione hominis] Sed mendosis fortè codicibus ascribendum: nam si qui & prælo dantur ad unius absterfi exemplar, post multas, varias, oculatissimas emendationes non ita faustè in lucem prodeunt, quin supersit, quid corrigamus, qua ratione carere omnibus mendis eos putabimus, qui ex diuersis, impolitisq; exemplis à pluribus, & plerunq; imperitis librarijs, descripti, nec repurgati, suis quique bibliothecis, & gradibus, ut numerum expleant, collocantur? Edidit præterea Henricus De antiquitate Ordinis librum, quem doctissimus Seripandus commemorat in commentario suo chronologico in annum millesimum centesimum quinquagesimum nonum. Et lecturam Decretalis [Cum Martha] Et tractatum De exemptione. Et quod libera, cum quaestionibus varijs, disputatis Lutetiæ. Et super libros ethi-

corum. Et sermones diuerfos, atq; tractatus concionabiles. De quorum plerisque Iacobus Philippus in Supplemento, Pamphilus Episcopus in chronico, & ante eos Beatus Jordanus in Vitis Fratrum. Tenuit tamen Henricus in duobus sermonibus de Beata Virgine, fuisse eam tricesimo quinto die sanctificatam, & tunc ab omni labe originali purgatam. Atque sermone quinto, & sexto negat manifestius præseruationem eius ab originali; cuius sententiæ probabilis excitare & quidam alij magni doctores. De Joanne Bono, multisq; alijs ex nostro Ordine beatis viris, hæc memoratu digna reliquit sermone tertio de translatione Sancti Patris Augustini, qui est in serie centesimus quinquagesimus octauus [Et quia secundum Apostolum si radix sancta, & rami, ideo virtute talium Patrum, qui fuerunt nostri Ordinis primarij fundatores, super eorum posteros, Dei gratia largiente, sanctitas copiosa descendit: ut patet euidenter in Sancto Ioanne Bono, in Sancto Vito, in Fratre Nicolao de Tollentino, in Fratre Clemente, in Fratre Augustino de Iterano, qui ambo fuerunt Generales in Ordine, & pluribus alijs sanctis Patribus, qui in diuersis Prouincijs Ordinis, euidentissimis miraculis claruerunt, & hodie clarent, quos non est dubium esse tanti meriti apud Deum, sicut multi alij Sancti per Ecclesiam canonizati] Floruit hic homo Dei secundum Seripandum anno Christi millesimo tricentesimo decimo, licet eum Philippus Supplementarius, annos accipiens propinquiores morti, sub annum recenscat millesimum tricentesimum tricesimum quartum.

Herbipoli in Franconia conuentus generalis habetur anno millesimo tricentesimo nonagesimo primo sub Tholomæo Veneto Priore Generali. Fuerat autem cœnobium hoc Bauaricis unitum post nouatores Saxones; tum ab a-

liquot

liquot annis, incommodo visitationis, separatim, sibi que soli expositum. Sed quod membris à compagibus rescatis, id monasterijs, ab aliorum communione exclusis, videmus accidere. Nos illud Rhenanis, ut à Moguntino non valde distans, in comitijs prouincialibus, Spiræ habitis, coniunximus.

Hermannus Mindelhaimensis, Sueuus, Episcopus Nicopolensis, & Suffraganeus Pragensis, viuebat anno quattodecimo à millesimo quadringentesimo, quo altare Visitationis Domine nostræ in nostra basilica Sancti Thomæ consecrauit Pragæ decimo octauo die Februarij.

Hermannus de Schuldicz, siue de Scildis (de Sildis scribit Bergomas expuncta litora) moritur Herbipoli, & in nostro templo tumulatur, his verbis in lapide sculptis [Venerandus Frater Hermannus de Schuldicz Westphalus, professor theologiæ Ordinis Eremitarum Sancti Patris nostri Augustini vlis, in omnibus Sanctus, expirauit anno 1357. in festo Sancti Kiliani] Quod scribitur ligatis, ut adiunt, literis [vlis] interpretor, venerabilis : nam quod supra positum est, Venerandus, communis est titulus honoris, qui viro religioso præstari solet ; quod verò subditur, venerabilis, epitheton est, datum congruè illi viro, ut tali viro, idq; confirmant subiuncta verba descriptionis. Si verò pro, uniuersalis, aut utilis, complexam huiusmodi dictionem velimus accipere, ut scribæ solent, errabimus certè ab omni apto sensu, non orgyis, aut stadijs, sed parafanghis. Illud autem non obiter prætereundum, quod additur [In omnibus sanctus] Tam exquisitæ erat probitatis Hermannus, ut parum esset, si sanctus, nisi in omnibus sanctus, diceretur. Sanctorum quidam in his, quidam in illis virtutibus singulariter excelluere, Hermannus in omnibus. Quare eius bonitatem vitæ, ac zelum erga Ordinem

dinem commendat Beatus Iordanus libro secundo Vitarum Fratrum capite vicesimo secundo. Et Hieronymus Cardinalis eum in albo collocat Beatorum in coronide sui commentarii rerum Ordinis. Quæ scripsit, numerat Jacobus sub annum millesimum tricentesimum tricessimum quartum, numerat & Pamphilus, sed antè eos, ubi suprà, Iordanus. Nos de illis, quia multa sunt, & habent quadam exigentia discussionem, agimus exactè in Historia magna, tempore suo. Modò hoc. Fuit Hermannus æquè theologus, ac canonista; æquè theologus scholasticus, ac positivus, siue scripturalis; & ante hæc philosophus speculativus, & moralis; rhetor, & poëta illustris. Ut theologus scholasticus, scripsit commentarios in libros Sententiarum, & librum de conceptione Virginis: ut canonista, super decretalem [Omnis utriusque sexus] & super instituta legalia: ut theologus scripturalis, ac positivus, postillas in Genesin, & in Cantica canticorum, Quadragesimale, & sermones, ad clerum alios, alios ad populum; ut philosophus speculativus, quæstiones varias naturales: ut moralis, tractatum de vera, & falsa amicitia: ut rhetor, super artem rhetoricam: ut poëta, eruditum poemata de diuisione philosophiæ. Ad quæ genera reducuntur alia, quæcunque edidit.

Herphordienſe, ſeu, ut Latini oribus placet, Erfordienſe monaſterium Prouinciæ Saxoniz, aluit ſtudia literarum, & procreauit diſertiſſimos Patres: ſed periit cum alijs in corruptæ carnis diluuiſio, Lutheri atate. Licet ſint verboliſſimi hiſtorici Saxones, ſunt tamen in re monaſteriorum Ordinum Mendicantium aut elingues, aut balbi: nec ſolum Chitraus, Melancthonis iuratus diſcipulus, & hiſtoriæ Saxoniz linguaciſſimus recitator, ſed nec ipſe Cranzius catholiciſſimus ſiue in ſua Metropoli, ſiue in Hiſtoria,

ria, quicquam egit ex professo de iisdem cœnobijs, nisi obiter, & quasi de anonymis. Habuit nihilominus Saxonia, cum Romanam Ecclesiam venerata est, omnium generum frequentissima monasteria, monachorúmque copiosissimos greges: & ex his (o quare non modò? sanctitudine, ac peritia diuinorum, excellentes plurimos.

Hinco, Episcopus Ladimiriensis, Adiutor Archiepiscopi Pragensis in Bohemia, anno millesimo tricentesimo septuagesimo nono consecrationi nostrarum ædium Sancti Thomæ, eiusdem urbis interfuit. Anno autem octogesimo septimo à millesimo tricentesimo villam Letnam, in territorio Lithumislano, eo iure à nostris Patribus emit, ut, ipso defuncto, ad idem monasterium Lithumislense deuolueretur. Defungitur Pragæ, & sepelitur in nostro choro.

Iacobus, Episcopus Mainensis, interfuit Lugduni in generali Concilio anno millesimo ducentesimo septuagesimo quarto: indulgentiásque Ratisponensi monasterio nostro Capellæ Domini, festis quibusdam diebus adiecit, quarto Kalendas Iunias.

Iacobus Magni, Eugubinus, natione quidem ad Germaniam non attinet; verùm eius monumenta in Germania legens, ipsum quoque inter Germanos iure quodam incolatus colloco. Sophilogium, cuius meminit Pamphilus, ad amorem sapientiæ lectores prouocans, descriptum, impressumque habet bibliotheca nostra Seemanshausensis, cuius prima periodus talis est [Lecta colligere, & ad summam ordinatè redigere, quàm utile sit, experientia didici] Postillam eiusdem, haud notam Pamphilo, super Genesin, Episcopo Antisiodorensi dicatam, non minùs doctam, quàm uberem, Ratisponæ, in folio scriptam, legi; cuius prima clausula est [Sacri eloquij dogmata nuper cùm cer-

nerem, penes me conclusi, nil studio dignius sacrę scripturę, quam Deo inspirante suscepimus] Cuius hic cognominis fuerit, ex Iacobo Bergomate non intelligimus; de quo agens infra annum sextum post millesimum quadringentesimum, scribit fuisse eum natione Tolletanum: neq; de alio quopiam Iacobo ibi dicere cogitauit, cüm subdat, eum composuisse Sophogium (Sophilogium quippe) præcellentissimum, ad diuinam sapientiam perquirendam suatorium. Sed oro te Antistes, patiaris ire huiusmodi questunculas, quasi ad complendam fabricam, inter maiores Historię magnę. Hic autem etsi notemus pauca, percurrentes; nescit tamen calamus ieiunę progredi: quo fit, ut attingamus quadam, more viatorum, libantes præ siti, aut etiam præ fame ientantes.

Jacobus Flander, Lutheri zizania, loco puri euangelij, Antuerpię, aliisq; in urbibus posteaquam pro sua libidine disseminauit, reuocauit errores suos Bruxellis in summo templo, ut refert Cratepolius circa annum millesimum quingentesimum vicesimum quintum. Relapsus, sibi fuit, & monasterio Antuerpiensi, exitio: habent enim suas & rosaria spinas. Sed quis sit hic Iacobus, quę Præpositura, inter alias controuersias nostras hæc locum habet.

Ilkullium, siue Ilkus, urbs diæcesis Cracouiensis, ab ipsa cathedrali quinque distans milliaribus Polonicis; ferri, plumbi, argentiq; fodinis feracissimis nobilitata, & aucta: ex villa enim creuit in urbem; & à Rege Calimiro, fodinarum ubertate reperta, mœnibus, turribusq; instructa, titulum meruisse ciuitatis dicitur: à quo etiam parochialem ecclesiam Sancti Andreę, & monasterium nostrum Assumptionis Marię Virginis in rescripto ex libris monasteriorum, & beneficiorum Cracouiensis ecclesię fundatum accepi. Verum in suis literis Ioannes, Episcopus Craco-

Cracouiensis, asseuerat, ad instantas petitiones Wladislai Regis Poloniae, & Consilij ciuitatis Ilcusliensis, prima cœnobij fundamenta per suum Archidiaconum deputatum, ad honorem Dei, sacri Corporis Christi, ac semper Virginis Matris eius in vigilia Sancti Iacobi iacta fuisse: consecratum verò templum prima dominica ante festum Assumptionis per Wentillaum, Episcopum Sareptensem, Adiutorem eius. Data autem literæ Cracouiæ feria sexta, prima post diem Beati Bartholomæi, anno millesimo tricentesimo octogesimo septimo. Quarum seriem Bonifacius Nonus suo inclusit assensui, Romæ, apud Sanctum Petrum, decimo Kal. Ianuarij, Pontificatus sui anno duodecimo, easq; Ilcuslij vidi: & in his idem Wladislaus, & Ilcuslienses dicuntur monasterij fundatores. Post initia floruit quidam Gregorius noster, sacerdos deuotus, tantæque indaginis, ut ad inueniendas in eo climate venas fodinarum ditiores perspicacissimus fuerit, ac felicissimus: quapropter, ut coruus albus, ita diues monachus passim vocabatur. Is autem non ad proprium, sed ad commune commodum, æs omne conuertens, non Ilcusliensis tantummodò monasterij ædificia perfecit, auxitq; sed & Cracouiensibus monachis nostris ingenti dicitur fuisse auxilio. Monasterium hoc etsi ligneos parietes, ut & ceteræ urbis ædes, neglexerit; flammæ tamen non difficulter usque ad ipsa interiora admisit.

Incelerius, Episcopus Budensis in Hungaria, anno millesimo ducentesimo octogesimo quarto indulgentias certis diebus pro monasterio nostro in Marchekke concessit.

Memoratur in dictione Vienna. Hinc Præsul conijcetum antiquitatem, tum nobilitatem Budensis cœnobij: quantûsq; exiret Episcoporum numerus, si iam eueris tumultis, profanatis ecclesijs, bibliothecis igne depactis, ipsa dunta-

duntaxat indulgentiarum priuilegia inuenirentur..

Ingolstadtij, ob Vniuersitatis, & literarum exercitia excitandum monasterium duxi: ceditq; Ioannes Conradus, Episcopus Eistadiensis, sacellum Beatæ Virginis apud Schutarium riuulum, eiusdémq; onus beneficij, ad Diui Mauritiij transfert anno millesimo sexcentesimo sexto, Ruperto Engelschal theologo, primo Priore. Promouet negotium admirabili pietate Maximilianus, Bauariæ Dux, ecclesiarum fautor, ac literarum.

Insula, siue Ostrov in Bohemia, monasterium habuit Beatæ Virginis, quod fundauit Vlricus Lepus de Valdek de consensu Ottagari Regis Bohemiæ anno millesimo ducentesimo sexagesimo tertio, octauo Kalendas Aprilis; confirmatq; & templum dedicat Ioannes Episcopus Pragensis anno eodem, tertio Idus Maij: inchoata nimirum fabrica multò antè: nam quis crederet monasterium infra tam paucos dies, scilicet ab octauo Kalendas Aprilis usque ad tertium Idus Maij extructum esse? Dos fuit villæ Amaræ, curiæ in Insula cum duobus alodijs, piscinæ cum pistrino, alodij in Visleradic, & Syluarum. Octennio post fundator moritur: indèq; decennio Vlricus fundatoris filius, quo ipso anno obiit, donauit conuentui villam Trinou, quæ commutata est pro Pralcoles, & pro Sedelec. Anno millesimo tricentesimo vicesimo septimo Vlricus de Hasenburg, Decanus Ecclesiæ Pragensis, transferens corpus Sanctæ Benignæ, illud cum alijs reliquijs Insulano nostro monasterio concedit, unde dictum est Sanctæ Benignæ, vel Sanctæ Mariæ Benignæ, retinens unà primum titulum fundatoris. Anno millesimo tricentesimo quinquagesimo octauo Zdeslaus de Hazmburk moritur, & pro eius anima & Suatoslauæ uxoris legatur villa Chestenicz. Anno millesimo tricentesimo sexagesimo octauo deccedit

Zbineo

Zbineo de Hazmburk supremus Camerarius Regni Bohemiae, qui conuentui reliquit mediam villam Giuinam cum omnibus attinentijs, & sex marcas perpetui census in Drazdou, & quatuordecim sexagenas perpetui census in Czenkou. Tum Vilhelmus de Valdek, fundatoris nepos, pro sua anima sexagenas annuas quinq; cum villa Plessivvicz, quæ commutata est pro Zalus. Anno nonagesimo primo supra millesimum tricentesimum è cuius abit Budilaus ex filiis fundatoris, & pro sua anima relinquit villam Tien. Vndeicesimo post anno Fratres Insulani vendunt emphiteoricè curiam cum agris in villa Obegovv, & hi octo presbyteri in literis nominantur, Venceslaus de Zbirou, dictus Machko, Prior; Stephanus Supprior, & Sacrista; Petrus Sokol Procurator; Joannes Rochita, Possessor sylvarum (interpretor pro rurali Procuratore) Joannes de Sbirou; Marguardus, & Andreas de Piuonia Seniores, & Venceslaus, dictus Cochel, Prædicator. Anno autem millesimo quadringentesimo nonagesimo sexto Prior erat Mauritius, quo Domini de Hazmburk, fundatoris posterius, supplicavit Legato Pontificio, ut impetret à Summo Pontifice indulgentias pro monasterio, alleruntque conflagrassè tertium, compilatumq; esse ab Hussitis. Nunc inde absumus.

Joannes, Episcopus Coroniacensis, claruit anno millesimo tricentesimo decimo tertio, quo indulgentias erogavit quotidianas visitantibus templum nostrum Monachien-
se, vel concionem ibidem audientibus, monachis uè nostris eleemosynam aliquam largientibus.

Joannes, Episcopus Lauacensis, eodem anno millesimo tricentesimo decimo tertio floruit, quo iisdem non absimiles donauit. Vtriusque diplomata inueniuntur Monaci apud nostros. Erant tunc temporis indulgentiarum Pontificiarum

ficiarum auidissimi cœnobiarchæ, sicut & populi; tunc inquam temporis, cum Christiana religio in nouo palmiturgens, erumpebat in gemmas: ut indulgentiarum bullas Cardinalium, atque Episcoporum innumerabiles per archiua monasticha inuenerimus, vicens, mihi crede, tricenisq; plus minus sigillis diuersorum Antistitum uni bullæ appensis: cuius si meminisse nolunt, qui nouant impiè agrum dominicum, erubescant saltem, se tantum à suis atavis degenerasse, ut nec filiorum, nec posterorum quidem nomen sibi iure vindicare valeant.

Joannes Antonius Imolensis, Italus genere, sed insitione Germanus, dicauit opusculum suum De attributis Joanni Erfordienti, Canonico Cerinensi, Ægidium sequens, de quo libro Signinus nihil. Legitur Ratisponæ apud nostros.

Joannes Argentinas, Lector, ob literaturam, ac pietatem Beato Iordano Saxoni carus, ad quem direxit librum De vitis Fratrum epistola proamiali, cuius titulus incipit [Spiritualis pulchritudinis amatori] O quam conducit laudari à laudato viro: quid à beato?

Joannes à Basilea scripsit commentarium super quatuor libros Sententiarum, quem vidi in conuentu nostro Ratisponensi, descriptum in folio, cuius principij literas edacitas temporis, nullo earum relicto vestigio abligurijt.

Joannes de Bradis Saxo, vir doctrina illustris, in basilica nostra Viennensi, ubi & plures alij eximij Patres, humatur: de quibus sic legitur in elegia quadam tabellæ antiquæ, suspensæ monumento Thomæ Argentinatis;

[Et circum circa, quorum sunt nomina nota,

Egregios, doctos & simul esse viros.

Sed tamen & notos referam tres, ecce Joannes

De Bradis, Saxo, clauditur hocq; loco.]

Joannes, Cracouiensis Prior, & Abbas monasterij Caluimon-

tis Ordinis Sancti Benedicti, quod ad octodecim Polonica
milliaria à Cracouia distare ferunt, naturæ concedit anno
millesimo quadringentesimo tricesimo quarto, & sepeli-
tur Casimiræ in sacello Sanctæ Dorotheæ monasterij no-
stri, Tumularis lapis hæc habet [Anno Domini 1434. obiit
Venerabilis Pater Joannes, Abbas de Caluomonte, Prior
huius conuentus] Sunt & alia complura exempla (quic-
quid dicant leges) tum nostrorum, tum aliorum Ordinum
Mendicantium Patrum , qui ad varias Abbatias apud A-
quilonares fuerunt pacificè electi, atque promoti.

Ioannis Hofmaisteri Colmariensis, ex Prouincia Rheni cœ-
nobiosa, doctoris, & concionatoris eruditione, ac facun-
dia præstantissimi vitam complecti paucis nec debemus,
nec possumus. Scripsit de eo nonnihil Pamphilus, & antè
Seripandus, sub cuius magistratu generali, rebus sursum
deorùm miserabiliter confusis, Tuilcorum Eremitarum
habenastenuit, propugnans simul catholicam fidem stre-
nuus theologorum cataphractus contra irruentia Luth-
rigenarum agmina, offensorum viro gentili, ita lingua, ut
calamo, pugnacissimo. Sed quæ de eo palam fecerit idio-
mate Germanico Leonardus Hallerus, Episcopus Phila-
delphiæ, Suffraganeus Eutadiensis, & libro eiusdem Hof-
maisteri Postillarum opposuerit, huc Latine transferam.
Ait enim [Amice, carèq; Lector. Toti superiori Germa-
niæ notum est, & manifestum, quæ dona in prædicando,
Deiq; verbo annunciando ex diuinæ benignitatis thesau-
ro sortitus fuerit piæ memoriæ Reuerendus atque deu-
tus Pater Joannes Hofmaisterus , Ordinis Augustiniani
quondam Prouincialis, & Prior conuentus Colmariensis;
qui etiam huiusmodi talentum non uti inutilis ille ser-
uus in sudario reposuit, aut in terram defodit, sed usus il-
lo est iuxta facultatem suam, & intellectum, ei à Domino

Deo datum. Non proprio tamen motu, verum ijs in locis, ad quæ ritè vocatus, idq; exercere iussus fuerat. Testes huius rei sunt unâ cum ciuitate Colmariense, loco nimirum propositæ sibi mansionis, & quietis, etiam multa alia loca: ac præsertim duo imperialia celeberrima comitia, quæ proximis annis quadagesimo quinto, sextoque Wormatiæ ac Ratisponæ celebrata sunt: ubi ipse in conspectu Imperatoriæ simul, ac Regiæ Maiestatis, clementissimorum Dominorum nostrorum, nec non Sacri Imperij Romani Comitum Palatinorum, Statuumque; atque innumerabilis penè populi, commisso sibi officio prædicationis amplissimè functus est: adeo ut non modò Romanæ Ecclesiæ subditi, verumetiam contrarij, singularem quandam iucunditatem, & delectationem inde hauerint. Hinc multi permoti, allaborarunt, quatenus fidelem illum, diligentem, promptumque; Ecclesiæ Christi ministrum (tam enim promptus erat, ut uno sæpe die bis, teruè concionaretur) tum ad suam ipsorum, tum etiam ad subditorum suorum utilitatem, animaque; salutem, ad se trahere possent. Ex quibus Serenissimus, Catholicus, & Ecclesiæ Romanæ Fidelis Princeps, ac Dominus Willhelmus, Comes Palatinus Rhoni, utriusque Bauariæ Dux, clementissimus Princeps, ac Dominus meus, unus fuit, qui supra memoratum Patrem Joannem Hofmaisterum pro concionatore principalis urbis suæ Monacensis tandem nactus fuit: ubi & ipse Hofmaisterus quasdam è suis habitis concionibus Germanicè imprimendas, & in lucem edendas curauit. Quamuis autem tum temporis, exactis quibusdam hebdomatibus exinde Colmariensem suum repetierit conuentum, quò molestias itinerum paulisper vitaret, ac domi in proprio monasterio concionibus, atque etiam lectioni, scriptiōque; (id quod requiem arbitrabatur) vacare vellet; hac tamen cara sibi requiete frui minimè permissus fuit. Postquam e-

nim Catholicæ Romanæ Imperatoriæ Maiestatis rebelles ex
 campo se subduxere, Cæsareaq; Maiestas Vlmam se confe-
 stum contulit, Reuerendissimus Pater, ac Dominus, Domi-
 nus Otto, Sacrosanctæ Romanæ Ecclesiæ Tituli Sanctæ Bal-
 binæ Presbyter Cardinalis, ac Episcopus Augustanus, cle-
 mentissimus Dominus meus, Hofmaisterum eò permouet,
 ut suggestum Vlmensem suscepit regendum: cui etiam
 quibuidam mensibus non absque fructu, & lucro multarum
 animarum, ut à Deo sperandum, laudabiliter præfuit. Tum
 denique cum per eiusdem Sacræ Cæsareæ Maiestatis victri-
 ces manus memorato clementissimo Domino meo Episco-
 po Augustano ciuitas sua Dillingensis, quæ à rebellibus ad
 sex menses occupata tenebatur, restituta fuit, Illustrissima
 sua Cellitudo sæpe dictum Hofmaisterum eò vocauit ad e-
 radicanda recenter orta zizania noui dogmatis, quæ per re-
 belles tempore suæ tyrannicæ occupationis in ciuitate Dil-
 lingana fuerant disseminata: id quod dictus fidelis Pater Jo-
 annes Hofmaisterus alacriter præstitit; sicq; aliquanto tem-
 pore ambas ciuitates, Vlmam scilicet, ac Dillingam alterna-
 tim diuini verbi ministerio administrauit. In istis tamen
 laboribus nequaquam verba sua aëri mandauit; neque solum
 auditores suos his erudiuit, verum etiam conciones suas
 diligenter Latina lingua conscripsit, & postmodum ma-
 gnâ illarum partem, nempe dominicalium euangeliorum
 ab Aduentu usque ad Penthecosten ipsemet in Germani-
 cum transtulit, ut idiomate patriæ quoque suæ consuleret:
 ij quoque, qui eius illas conciones audiissent, easdem denuo
 ruminando transcurrerent, vitamq; suam tantò faciliùs se-
 cundum eas dirigerent: ij verò, qui non audiissent, iisdem
 minimè defraudarentur. Cum verò Deus omnipotens ipsi-
 us molestias, diligentiam, ac fideles demum labores remun-
 nerare, atque à seculo hoc nequam tempestiuè satis euocare
 G 3 vellent,

vellet, Vlnæ tandem graui morbo correptus fuit : quade
 causâ Hofmaisterus ad monasterium Seeligenſe, ciuitati pro-
 ximum, se recepit : verum, morbo paulisper ingrauescente,
 ulterius Gunzburgum usque deportatus est, ubi aliquot se-
 ptimanis morbi vim, & molestiam cum omni humilitate pa-
 tientissimè sustinens, sæpiusq; interim Deum interpellans
 (uti de Sancto Martino legitur) ait, Domine si adhuc popu-
 lo tuo sum necessarius, non recuso laborem, fiat voluntas
 tua : sicque ibidem Gunzburgi vicesimo secundo Augusti,
 proximè lapsi, anno Domini millesimo quingentesimo qua-
 dragesimo septimo, rationis pleno uti prædictus, pie in Do-
 mino obdormiuit, & ad æternam vitam (uti omnino speran-
 dum) feliciter migravit. Data Eistadij, die Conuersionis
 Sancti Pauli, anno millesimo quingentesimo quadragesimo
 octauo. Hæc ille : cui, ut viro non eiusdem Ordinis Ecclesi-
 astæ ; ut Episcopo ; atque etiam ut bono, ac docto viro, fides
 non vulgaris præstanda. Addam & eiusdem Hofmaisteri
 epistolam, præpositam latinæ editioni eiusdem Poitillæ, ad
 Serenissimum Hungariæ, atque Bohemiæ Regem, Archidu-
 cem Austriæ Ferdinandum : in qua candidè, & ad rem de se
 ipso in hunc modum [Ea est hoc nostro sæculo calumniæ
 vis, atque tyrannis, ut nihil à quoquam in publicum proferri
 possit, quamuis eximium, quod non illa virulentis mortibus
 arrodere præsumat, & quasi deuorare conetur. Hinc est Se-
 renissime Rex, quod non pauci, bonorum etiam librorum
 autores plus operæ interdum cogantur insumere apologeti-
 cis quibusdam præfationibus contexendis, quibus & se pur-
 gent, tuasq; vigilias lectoribus commendent, quam operi-
 bus ipsis conscribendis. Ego verò piorum iudicio, & tua au-
 thoritate, qua nulla mihi potest esse antiquior, contentus, ca-
 lumniatorum iniurijs nunquam eò commouebor, ut has
 meas chartas, veræ religioni consecratas, longiori præmio
 onerem

onerem magis,quàm adornem. Nouit enim Serenissima tua
 Maiestas,qua occasione hoc,quicquid est operis,instituerim.
 Nam cùm proximè elapso anno in celeberrimo Principum
 totius Romani Imperij conuentu Wormaciæ, cathedralis
 ecclesiæ concionatorem agerem, tuâque Serenissima Maie-
 stas ita meis concionibus esset addicta, ut nullam penè illa-
 rum negligeret, tandem eum erga me fauorem concepit,
 tantâq; gratia,& beneuolentia me prosequuta est, ut nihil e-
 nixius tunc à me cupere videretur,quàm ut posthabitis alijs
 omnibus officijs,& negotijs, me quamprimùm ad Serenissi-
 mæ tuæ Maiestatis aulam conferrem,ibique verbi diuini mi-
 nisterio præessẽm. Quod cùm facere non possem, meâque
 excusationis causas iustas, & graues protulissem,cepit Sere-
 nissima tua Maiestas vel hoc à me postulare, ut non solum
 eos sermones,quos tum à me audierat,sed totum etiam opus
 Homiliarum, & hoc primo quoque tempore concinnarem,
 atque ederem. Quod cùm tanto Principi negare non au-
 derem,pollicebar meam operam,& me quamprimùm illud
 facturum,seriò recipiebam. Eo itaque die incepti conscri-
 bere Homilias in omnia euangelia,quæ vocant dominicalia,
 & in non pauca,quæ festis diebus leguntur; easq; addidi il-
 lis, quas tum in tam frequenti auditorio Wormaciæ habue-
 ram. Cæterùm,cùm iam rediissem ad Colmarientes meos,
 inter alia negotia,quibus tantùm non enecor, reuocaui Ho-
 miliarum opus sub manus meas, ut ea, quæ Wormaciæ ince-
 peram,Christo fortunante,perficerem. Atqui,non ita mul-
 tò post, præter omnem opinionem ab Inuictissimo Impera-
 tore vocor ad colloquium theologicum Ratisponam; sic-
 què rursus cogor telam meam relinquere. Postquam verò
 eò ventum est,ecce instant vehementer V. Canonici superio-
 ris Collegijs rogant,velim munus concionatorum in me su-
 scipere. Quod cùm non temerè meo quidẽ iudicio denegare,
 illi

illi tandem in præsidium vocatis Principibus viris, & quorum iussu capellere fas est, hoc effecerunt, ut iterum me periculosissimo mari committerem. Quantum enim periculi habeat, eo in loco, tantis auditoribus, & talem hominem, qualis ego sum, concionari, nemo non nouit, nisi qui non intelligit, quid sit, Lupum auribus tenere. Diuina igitur voluntate, & prouidentia (nam de hoc non dubito) factum est, ut hi mei sermones rursus inciperent augeri, paulatimque crescerent: ita ut in ipso opere nihil ferè sit, quod non in comitijs Principum à me publicè in frequentissimo auditorio dictum sit. Inde etiam est, quòd nihil eorum, quæ dixerim in concionibus, in hoc scripti genere mutare voluerim.

Nam si secus fecissem, possent mihi tam catholici, quàm aduersarij vitio vertere; quasi multa dixissem apud paucos, quorum me apud multos puderet. Aliàs non illibenter quædam, quæ tempus illud, ut præterirem silentio, non patiebatur, vel mutassem, vel penitus sustulissem. Proinde si quæ videntur in hisce meis Homilijs duriora, vel acerbiora, ea magis locorum, & temporum iniuriæ, quàm meis affectibus tribuenda sunt. Et cogitandum est, multum referre, apud Principesne quis, an apud plebeios concionetur. Et in tanto conuentu sic mihi moderandus fuit sermo, ut neque nostris adulari, neque aduersarios odio prosequi viderer.

Quod certè conatus sum; an verò hoc ipsum assecutus sim, aliorum esto iudicium. In altera verò Postilla, quam, Deo annuente, & Serenissima tua Maiestate iubente, componere aggrediar, sic me intra limites cõtinebo, ut in spem veniam, neminem piorum non grato animo accepturum, quod daturus sum; tollam enim quæ minùs amica videntur, ut plebi non odium, sed amorem potiùs ex meis scriptis imbibant. Spero enim breui fore, ut talibus contentionibus, & glossomachijs, quibus hætenus nimium occupati fuimus, nullus, neque

neque locus, neque necessitas relinquatur. Porro aliorum Homilijs, quæ profectò innumeræ extant, tantum abest, ut aliquid derogem, ut etiam illorum & verba, & sententias non rarò ponam. Nec de solis catholicis loquor homilia-
stis, sed etiam de aduersarijs, qui, siquid alicubi boni habent, non dubitavi in has meas transferre. Nec admodum mihi placet tot postillationibus pios pastores obrundi: & meo quidem iudicio præstaret certas habere postillationes, à do-
ctis, & pijs viris conscriptas, examinatas, & probatas, quæ à minùs eruditis pastoribus plebi Christianæ ex præscripto, & ad verbum prælegerentur, quàm sic sursum, deorsumq; cir-
cuncursitare, & nihil, quod proponans, solidè habere. Nam, ut rectè Diuus Augustinus meus scribit, li: 4. de doct: Christ. cap: 29. Sunt quidam, qui benè pronunciare possunt, quod autem pronuncient, excogitare non possunt: quòd si ab alijs summat eloquenter, sapienterq; conscriptum, memoriæ quæ commendent, atq; ad populum proferant, si eam personam gerunt, non improbè faciunt. Sic enim (quod profectò u-
tile est) multi prædicatores veritatis fiunt, nec multi magi-
stri, si unius veri magistri id ipsum dicant omnes, & non sint in eis schismata. Hæc ille. Ad quam commoditatem si his meis lucubrationibus vel modicum prodesse possum, est, cur Ecclesiæ Christi, & mihi gratuler. Præterea non habeo, quod cupiam, nisi ut Serenissimam tuam Maiestatem rogem, ut hanc meam operam, ad quam ipsa me inuitavit, boni con-
sulet; & me, meosq; omnes commendatos habere velit. De-
us Optimus Maximus Serenissimam tuam Maiestatem cum Serenissima Regina, & liberis, verè regijs, in multos annos seruet incolumes. Datæ Ratisponæ anno salutis millesimo quingentesimo quadragesimo sexto Kalendis Septembris.] Itaque non immeritò Hieronymus Scripandus, tunc Præsul Ordinis Generalis, plurimi Hofmaisterum faciebat; sub quo
H is utri-

is utriusque Germaniæ gubernaculum tenuit ; & in eum Germanorum omnium catholicorum dirigebantur oculi, in eo uno spem mutandarum rerum labefactati Ordinis collocauerat Seripandus : cuius in hoc frequentes ad eum epistolæ : quarum, ut viri eloquentissimi, hanc unam ad Hofmaisteri gloriam recitab[am] Literis tuis, quas VIII. Idus Quintilis accepimus, animi tui, ad Regionem nostram subleuandam, propensionem cognouimus, & gauisi sumus : sic Deus det tibi vires, ut, quod in animo est, & supra modum optamus, perficias. Vicarium nostrum, ut ex patentibus literis cognosces, in tota Germania te instituimus, ut Prouincijs, quæ supersunt, opem feras, & nos aliqua ex parte tuo studio leues. Si Coloniam te adire contingerit, viderisq; ibi locum instruendis iuuenibus commodum, Venerabilem Prouincialem, virum integrum, & eruditum, nostro nomine alloquaris: ad eum enim, ut te audiat, tecumq; sit in omnibus, scripsimus : & nostra potestate, quam tibi præbuimus, usus, nihil eorum, quos ad iuuenes instruendos attinere cognoueris, prætermittas, iuxta tenorem literarum nostrarum, quibus te Vicarium instituimus. Hac enim via (Deo qui dat velle & perficere pro bona voluntate in his te adiuuante) surget, quæ sedebat ; aut potius resurget, quæ sepulta iacebat in istis partibus Augustiniana familia. Si te Ratispona, actis colloqui, nondum typis excusis, abire necesse fuerit, mandes Venerabili Magistro Ioanni Mugnatori, concionatori Cæsareo, ut acta illa cum impressa fuerint, per tabellarium ad nos transmittat. Literas, ut annuis, ad Patres Prouinciæ tuæ datas, legi in Prouincia curabis, omnesq; & singulos monebis, ut & suo quisque fungatur officio, & opere faciat, quod habitu præferre videtur. Vale in Domino. Tridentino, die ix. Julij MDXLVI.] Erat tunc Hofmaisterus Prouincialis Prior Prouinciæ Rheni, & Sueuiæ, cum generalem præfecturam super utramq; Germaniam à Generale Seripando suscep-

pit: sed post annum, à laboribus vocante Deo ad requiem,
 huic seculo vale dixit: quocirca neq; id integrè præstare Or-
 dini potuit, quod Hieronymus expectabat; neque alteram
 consummare postillam, quam is, in literis ad Ferdinandum
 Regem promiserat. Quæ verò ex eius operibus legimus, hæc
 sunt. Expositio precum, ac cæremoniarum, quarum usus in
 quotidiano sacro. Incipit [Sacerdotem, siue liturgum no-
 strum] Missam enim aduersarij non repudiare, sed & ridere
 caperant. Item, Verbum Dei, carnem factum, hoc est, Iesum
 Christum seruatore nostrum, Ecclesiæ suæ unicum propi-
 ratorium, & perpetuum esse sacrificium. Aslertio. Incipit
 [Cum animus meus sacrum Missæ] Imprimatur Romæ apud
 Antonium Bladum anno millesimo quingentesimo quin-
 quagesimo quarto. Hæreticorum malæ artes à sanctis Patri-
 bus descriptæ. Incipiunt [Vsq; ad tempora illa] in duodecim
 priora capita Actorum Apostolicorum commentaria. Inci-
 piunt [Corruptæ humanæ naturæ] Cuduntur Colonie apud
 heredes Arnoldi Birckmanni in folio, anno millesimo quin-
 gentesimo sexagesimo octauo. Loci communes rerum the-
 ologicarum. Incipiunt [Nos postquam cauerimus] Impri-
 muntur Antuerpiæ in edibus Ioannis Steelsij. Dedicat ipse
 autor Erasmo anno millesimo quingentesimo quadragesi-
 mo sexto. Is idem Abbas, ad quem res Ordinis delatæ anno
 millesimo quingentesimo. Postilla Latina sub hunc titulum
 [Homiliæ in euangelia, quæ in dominicis, & alijs festis diebus
 leguntur per totum annum, plerq; omnes in comitijs impe-
 rialibus, Wormaciæ & Ratibonæ nuperrimè celebratis, de-
 predicatæ per V. P. Joannem Hofmaisterum Fratrem Eremitarū
 Diui Augustini, per utramq; Germaniā Vicariū genera-
 lē] Incipit [Nemo miretur] Cuditur Ingolstadij ab Alexan-
 dro Veishorn, anno millesimo quingentesimo quadragesi-
 mo octauo. Eadem duobus tomis in folio lingua Germanica

69
cum hoc titulo [Methodus euangelica , Oder catholische
Postill] Ingolstadianam impressionem anni millesimi
sexcentissimi primi vidi in Seefeld. Atqui ceteras Hof-
maisteri lucubrationes longè antecellunt hæ, siue Latinæ
sint, siue Germanicæ, in quibus quàm sæpissimè agit do-
gmaticè, ad luciscos illius seculi illuminandos: nihilque
vulgarius Alemanis ecclesiasticis, quàm Hofmaistericæ
prædicationes. Alia eius monumenta in suo cœnobio
Colmariensi: sed hæc iam satis.

Joannes Merkelin expositionem edidit super epistolas do-
minicales perutilem, dicauitq; Haynrico, Episcopo War-
mieniensi hoc exordio [Cum nuper ad mentem meam] Opus
incipit [Gloriosus doctor, beatissimus Augustinus] Codi-
cem in folio descriptum habet Monachium.

Joannes Mugnatones, concionator Casareus, summi nomi-
nis, floruit anno quadragesimo sexto a millesimo quin-
gentesimo, quem magnus Seripandus in Hofmaistericis
literis, superius repetitis, atque iugiter in plerisque alijs
præclare semper commemorat.

Joannes Perger, Episcopus Belmensis, Suffraganeus Brix-
nensis, & Frisingensis, cedit viuis anno quadringentesimo
octogesimo primo post millesimum, & infra chorum ba-
silicæ nostræ Monacensis datur humo: cuius lapis hoc e-
pitaphio obsignatur [Anno Domini 1481. die Sanctorum
Ioannis & Pauli, obiit Reuerendus in Christo Pater, Do-
minus Ioannes Perger, Episcopus Belmensis, Suffragane-
us Brixinensis, & Frisingensis, Ordinisq; Fratrum Ere-
mitarum Sancti Augustini professus, cuius anima requiescat
in pace.]

Joannes de Recz, Pater doctrina egregius, sepultus inter cla-
ros Ordinis viros secus Leonardum ex Carinthia, in sacra
æde nostra Viennensi, de quo ibidem sic loquuntur in fi-
ne vetusta carmina;

[De

[De Recz Australis seruantur & ossa Ioannis

Post hunc, o simul hos solue benigne Deus'.

Sic precor orate pro doctis his; ut & ipsi

Pro nobis orent, quos docuere prius'.]

Joannes Staupitius, haud infima inter Saxones familia ori-
undus, à puero non minus Christianis moribus, quàm li-
beralibus disciplinis imbutus sedula educatione fuit.

Verùm ut cum pietati, cum literis eò impensio Mem ope-
ram darèt, Eremiticæ vitæ Augustinensium se coniunxit;
tantùmq; studendo profecit, ut singulari sua peritia lite-
rarum sanctarum promeruerit suprema sacre theologiæ
laurea Tubingæ, magno omnium plausu, coronari. Fu-
it autem & in negotijs, & in literis ambidexter, sermone
comptus, moribus comis, indole sagax, atque politicus; re-
ligionis verò, vitæque regularis longè amantissimus, atq;
dignitatis monasticæ propugnator insuperabilis. Utinam
Staupiti, minus humani in te fudisset humanitas: utinam
tuum, quo eminebas, ingenium, in nulla virium, naufra-
gium accepisset. Quæ laus, quæ gloria magno cuius, ac
docto viro rependi unquam potest, quæ non Staupitio, ni-
si illum nonnunquam vel humanitas palpasset, vel supe-
rasset ingenium? Ingenio se maior fuit, sed & hoc ipso
quandoque minor: flexit illud ad regimen, flexit ad lite-
ras, ad utrumque feliciter, ad illud magis. Non deerat ei
zelus, non zeli modus scientia; & maximè ad capiendos
hominum animos erat mirabilis. Quare Monachiense,
& complura alia ex præcipuis Alemaniæ cœnobijs com-
mendatione ingenti gubernauit. Gubernauit & Prouin-
ciam suam Thuringiæ, & Saxonix: atque ubi etiam Vica-
rius generalis creatur Congregationis Alemaniæ, eam
multis legibus referfit, plurimis monasterijs comprouin-
cialibus auxit, & Congregationi Lombardiæ uniendam

tandem curauit. Vnde (omnes hominum) exitiosissimam, illamq. indeficientem suscipere originem deploranda tempora subsequuta, ut inferius in Osualdo Norimbergense dicemus. Tractauit autem Staupitius & sua, & aliena; priuata, & publica faustissime: interdum Romam, non raro ad iugnationis Principes, tum ecclesiasticos, cum laicos, pro difficillimis semper negotijs delegatus. Inter quæ illud si non primas, certè secundas obtinet, quòd Academiam Vittembergicam, Friderico Saxonum Duce demandante, usq; adeo in erectione iuuit, ut cum illius Academiae autorem proximè dixerim. Summas enim illa debet Summo Pontifici, ipso Dauide Chytræo, vel iuuito, consentiente. Quantumuis namque Maximilianus Cæsar, liberalium artium stultissimus, per sæpe excitaret Principum animos ad Academias in suis ditionibus erigendas, unde leniter palpata barbaries, sicubi ferociebat, mansuesceret: seq; à corporis ad animi vires, à pedotribia ad pædiam reciperet: quantumuis Fridericus literas partim intelligeret, & non mediocriter amaret, non fuit tamen tanti momenti Imperatoris adhortatio, aut Principis innata propensio, ut semel, multis aulicis dehortantibus, primas radices Academia figeret. Cum verò Alexander Sextus, qua solent vigilantia Romani Pontifices studia, potissimum sacra, propagare, Cardinalem Raymundum Payrandum Episcopum Grucensem, Legatum suum, suatorem adhibuit; is Ernestum, Episcopum Magdeburgensem, Friderici Electoris fratrem; coalescere in Principis animo semina ceperunt Academiae. Expedit Præsul cum Erasistrato, & Harophlito anatomicam facere, ut morborum speculemur originem; imprimis ubi non corporum, sed animarum salus attenditur. Si diffundatur oratio, proficiet magis, quàm si in suis fontibus obturatur. Jaciebat eandem anchoram nudatis brachijs Staupitius, cuius nobilitas, doctrina, prudentia magnam

gnam ei autoritatis, fideique partem conciliabant. Hinc ergo urgente Ernesto, inde pullante, quatientéque Staupitio, nutat tandem Fridericus omnino, & id ultrò desiderat: atque anno millesimo quingentesimo primo, die duodecimo Octobris, fores Academiæ primùm aperuit. Quo eodem orationem Fleceus habens, cùm ea urbs ad Albim flumen posita sit, quasi fausto omine lusit magis, quàm allusit, fore, ut deinceps ex candido fonte flumina vitæ fluerent, & sapientiæ: unde (o fallacissima præfagia hominum) paucis post annis nequitia dæmonis, petulantia carnis, æstu mentis superbientis usque ad contemptum Dei, terribilissimi hæresum, mortiferique gurgites latissimè inundarunt; enatarunt clamorissimæ ranæ; effluxerunt fatidissimæ fæces Acherontis: atque ex equis potius, quàm ex aquis, exurdantes crabrones internales, ac mordacissimi prodierunt: eadèmq; schola, quæ paulò antè albentes religionis fluctus effundebat de fonte puro, iam statim cloaca euasit omnis generis sordium spurcissimarum. Quanquam enim excelsium virorum procreatrices Academiæ sint, docuit tamen experientia, quod impijs gigantibus nuptæ, hæresum monstra immania emiserint, & seditionum fœtus horrendos. Oxonica Wiclefium dedit, Pragensis Hussum, Rostochiensis Megapolitana vix octauum compleuerat annum, cum tot ciuiles tumultus peperit, ut consules exularent, & proscriberetur ciuitas; atque etiam magistratus diris pontificijs appeteretur. Benè Moësis in hoc, qui etsi multa non norint commoda diatribarum, eas non admittentes, carent tamen propterea pestilentissimis illis hominibus, quorum celebrosâ ingenia, scholarum disciplinis tumefacta, perturbant pacem Reip. & peregrinis cõmentis simplices animos peruertentia, detestandis dogmatibus sæpe imbuunt. Præstaret sanè his, cum Moësis pèdere inuolubiter ab unius Phylarci oraculo in omnib, quâ ab
eiusmodi

eiusmodi superciliosis, inquietisq; spiritibus huc illuc exagitari, ut folles. Wittembergæ, florentissima, ac nobilissima ciuitas, antequam Academiam duceret, seruauit nitorem virginalem fidei, retinuit Christum: ut Academiam duxit, produxit portenta illa tartarea, Lutheros, Carolostadios, Ionas, Crucigeros, qui crucem pellundantes, crucifixum abiecerunt longissime. Contrà accidit Academiæ Platonis, unde & scholæ nostrates denominantur, quamuis in villa esset eiuidem nominis in subpalustri extra Athenas loco, quauersum in salubri: quamuis ibi nunquam Moïsis, aut Prophetarum, nunquam Euangelistarum libri explanati essent. Contrà nonnullis alijs sapientissimæ Eurôpæ gymnasijs, quæ innumeros dederunt nobis Doctores, ac Præsules, sanctitate, atque sapientia præstantissimos: quandoquidem non ex sese academicus locus, non virtutum exercitatio, ad quas nos scientiarum eruditio dirigit, mala procreat: sed petulcorum hominum intellectus procax, & vitiata ad contagium usque voluntas. Itaque Staupitius, his datis Vniuersitati principijs, à Duce ad Papam orator mittitur, confirmationem petiturus, & priuilegia: neque exorauit solum, sed & quæcunque ad id concupiunt, abundè obtinuit: eidemque Staupitio Cancellarij electio demandata, qui superior moderator esset, & unde graduum academicorum dignitas uniuersa exiret. Isquæ Roma reuersus, Gofvvinum de Orfoy, hoc munere non indignum, præfecit: theologiæ verò professoribus Hermannò Cæsari, & Petro Lupino præstat doctrinam, loco, autoritate ipse Staupitius. Tum anno millesimo quingentesimo octauo Martinum Lutherum Erfordia Wittembergam euocatum, in philosophiæ primùm, deinde in scripturæ sacræ, atque in theologiæ professorem ordinarium assumens, cooprauit in Collegium, & in ea facultate ad Doctoris dignitatem sustulit. Quo magis factum est, ut

is in Staupitij familiaritatem intimam coalesceret : cui & nonnullas è suis primis scriptionibus, ut suo Mecœnati, direxit, quando catholicus : quas sectatores modò, ut contrarias phantasmatis suis, ubi locorum habere possunt, tollunt, atque inuisibiles faciunt. Videram dudum ex illis quasdam Prage apud propolam librorum; misi statim, qui emeret; iam euanuerant. Luthero autem anno decimo septimo post millesimum quingentesimum publicè in Summi Pontificis indulgentias inuehente, & sophisticis thesibus, hanc in rem expositis, quemlibet ad disputationis arenam frontosissime prouocante, ob rivalitatem cum Joanne Techelio conceptam; satagebat ardentè Staupitius rem undequaque componere : quare & Augustam Vindelicorum ad Carolum Quintum, Pontificiùmq; Legatum Caietanum, Cardinalem se contulit, imperialibus comitijs eò propterea conuocatis. At ubi re infelicitè gesta, in Saxoniam reuersus, Lutherum indies magis, magisq; Pontificem Maximum scriptis, & vocibus ferocissimè proscindentem, ac religioni auitæ postremum nuncium, maledictionibus plenum, contumaciter remittentem comperit, cœpit eum habere stomacho, mox odisse; neque amplius eius patronum deinceps egit : quinimò patriam ipsam collacrymabilem deferens, in Salisburgensem Principatum se recepit celerrimè. Matthæus Cardinalis Archiepiscopus, qui eum multò antè non vulgariter diligebat; nec parui, ob admirabiles eius ingenij vires, faciebat, suscepit illum persamiliariter, sibiq; à consilijs statuit. Cui muneri eum aliquandiu incubuisset cum summa laude, celebris monasterij, Ordinis Diui Benedicti, Apostolorum Principi Petro sacri, quod à Sancto Ruperto, primo Salisburgensium Episcopo, circiter annum salutis octogesimum post quingentesimum, exordium sumpsit, à monachis in vicesimum octauum Abbatem digna meritorum acclamatione

anno millesimo quingentesimo vicesimo secundo eligitur, arque à Cardinale Archiepiscopo, inexplicabili omnium letitia confirmatur. Præest autem annis tantum duobus, & in festo Sanctorum Innocentium, anno millesimo quingentesimo vicesimo quarto, exuitur corpore, quod in sacello Beati Viti, eiusdem cœnobij, ubi & alij Abbates, terra datur, hoc octasticho inciso in lapide sepulchrali :

[Aspice mortalis præsentia busta iacentum ;

Quid valeat fastus, diuitiæq; , vide ,

Arida comperies exhaustis ossa medullis ;

Fidere quid possis, ipse videre potes .

Quem probitas, quem cana fides, quem cinxit honestas ;

Qui tenuit quicquid pagina sacra docet ,

Abbas Staupitius tumulo requiescit in isto ;

Sit precor huic requies in regione poli .]

Gentilitia ibidem stemmata in campo quadripartito, in quod binæ clauæ, supernè, infernèque è regione dispositæ, ut extremitatibus quadratum faciant : in alijs autem duobus contrarijs lateribus venatorium cornu, utrinque ligatum, & inferius [Obijt idem Doctor Ioannes de Staupitz, huius cœnobij Abbas , anno Domini millesimo quingentesimo vicesimo quinto, quinto Kalendas Januarij] Quod autem hic vicesimo quinto mortuus anno dicatur, non contradicit anno vicesimo quarto, quem nos suprâ, iuxta Germanorum historias, posuimus : nam hic nouum anni initium non à Kalendis Ianuarijs, qui est mensium primus secundum Latinos, sed ab ipso die natalis Dominici ceptum est. Tria verò elogia sunt, quæ uno disticho superioris epigrammatis de Staupitio concinuntur : integra bonitas ; quæ veritatur circa actus interiores, cum dicitur [Quem probitas] & circa exteriores, cum additur [Quem cinxit honestas] deinde fidei auita puritas, & constantia illis verbis [Quem cana fi-

des] Tertio loco, literarum, & quidem diuinarum pericia, & peritia summa, eo pentametro [Qui tenuit quicquid pagina sacra docet] Hæque Staupitio laudes ab ipsis loquentibus, atque, ut ita dicam, cantantibus lapidibus, tribuuntur: quibus laudibus an maiores de homine dici inuenias, ambigo. Caterùm, quæ gesserit præclariora in magistratibus Ordinis; quibus studijs, casibusque Congregationem Teutonicam auxerit; quanta gloria obierit munia Principum; quantoque animo, plusquam Herculeo, superauerit pericula sæculi sui, dicam multis, ut res postulat, in Historia magna. Interim non ita de eo silui, ut ad reliqua impatienter anheles, quo soles studio literarum: addamque etiam in Osualdo Norimbergense nonnihil. An hoc unum non excedit opinionem, atque ipsam admirationem hominum? Quando se occasio obtulerat, ut (si felicitas absque Deo est) iam esset felix; ipse, Deo tantum retento, contempsit cætera. Quid cuperet? Suos? Saxo erat. Secum? Wittembergæ aderant. Diuitias? Cathedrales, Abbatiales, cœnobiticæ opes diffundebantur. Voluptates? Aderant flamines multò pulchriores Catharina Lutheri. Libertatem? opera satisfactoria tundebantur pugnis; vota monastica appetebantur calcibus; Papales canones dati ignibus, transierant in fumum. An dignitates? Suspiciebatur ab omnibus; & qui primus erat in dogmatibus inuocandis Lutherus, uni illi semper cedebat. An gratiam Principum? Friderico, Duci suo, nunquam non carus fuit, & eo carior nullus. Quæ commodi, quæ iucunditatis, quæ honoris, aut ornamenti poterant inueniri, eorum pars magna contigisset Staupitio; istamen neglectis omnibus, maluit Wittembergæ exulare, quam à cœlo: & (ut tribus dictionibus explicem) voluit mori monachus. Ad hæc. Quando Augustæ compellebantur Protestantes

factionis Luthericæ à catholico Carolo , ut afferrent in medium, quid sentirent de dogmatibus Christianis, & illi coram Imperij Principibus, Statibus, &, qui aderat, Orbe, suæ fidei, inò perfidiæ confessionem , quam Lutherus composuerat, expolierat Melancthon, palam facientes, eam alta, ac firma voce (ut glorientur) perlegerunt, ea se credere asseuerantes, quæ in ea continebantur; non abiecit in consilio impiorum, non steterat in via peccatorum Stauitius; sed in lege Domini voluntas eius, & in lege eius meditabatur die, ac nocte: ad quam non alios modò, sed & ipsum reuocare Lutherum omnibus artibus nitebatur, in ea ipse immobiliter permanens, confessor inexpugnabilis, usque ad mortem.

Joannes Sulmonensis, Italus, memoriam sui Ratisponæ retinet in tractatu De ieiunio Ecclesiæ, manu scripto, quem Pamphilus intermisit. Ibidemque legitur eius expositio, descripta in quarto, super Cantica canticorum, de qua Pamphilus.

Joannes Zacharias, theologus, victor Ioannis Husli hæresiarchæ, rosa donatus fuit à Romano Pontifice, quam suis picturis manu gestat. Desungitur Erfordiæ anno vicesimo octauo post millesimum quadringentesimum; & inter complurium insignium Doctorum nostrorum icones suam obtinet depictam Herbipoli in canaculo Ordinis, hoc illustri elogio [Hic homo magnæ sanctitatis, cum immanissimo hæretico Ioanne Huslio coram Concilio Constantiensi pro fide Christi ad ignis supplitium certamen aggredi voluit, quem, Deo propitio, superans, igne cremari fecit, atque triumphum gloriosum reportauit] Plausibilis facinus, quàm si centenis linguis millena omnium scientiarum volumina composuisset: princeps facinus, cui meritò rosa, regina florum, à Regum Rege Pontifice offer-

offerretur: palæstra nobilis, in qua palæstrita augustus fores omnium gymnasiorum aperuit. Quid Scipionum? quid victoriæ Cæsarum, si cum hac una Zachariæ conferantur? Armis vicerunt illi, hic literis: illi terra, mariuè, ubiubi casus attulit; hic in urbe Augustali; in generali Antistitum conuentu; spectante Orbe: illi pro vindicandis iniurijs, pro subiugandis rebellibus, pro augendo Reip: ærario, pro conternendis Romano Imperio Prouincijs peregrinis; hic (ut uno dicam) pro fide catholica. Expende omnia, confer cum fide catholica, & dic, quanti valeant. Equidem licet plurimos tum Episcopos, tum Doctores nostros hoc breue complectatur Abecedarium, præ multis (excusent velim) de Zacharia Huslioniastice glorior. Si tot beatos Christianæ fidei confellores celesti honorat triumpho, & gloriosis æternæ felicitatis coronis donat munificentissimus agonothetæ Deus, cur non Zachariam? Zachariam fidei propugnatorem? pro fide ad ignes accinctum? in fide victorem?

Jordanus Saxo, à Quintelingemburgo, vir dignissimus, qui præsertim Saxonibus proponatur; Galliam, & Italiam tum literarum causa incoluit, & Bononiæ sub Ioanne de Lana, Baccalaureo, Priore, ac Prospero Rhegino, gymnasij Regente, & Lutetiæ, ubi ipse quoque Ioannes Regens fuerat, atque alijs in urbibus, sub alijs eruditissimis scientiarum professoribus dedit omnem operam literis: tum verò ob vestigandas Ordinis antiquitates, deditissimus ad acta nostrorum Fratrum purè describenda: quare & Reati sepulturam honorauit beati nostri Joannis, de quo centum quinquaginta miracula refert contigisse eodem anno eius obitus; & Viterbij interfuit piæ dormitioni Joannis Viterbiensis, quem ex centum & ultra annis, quos vixit, octoginta vixisse ait vitam, reprehensione indignam: atque

eandem ob rem scripsit Apologiam Ordinis, & Vitam Sanctæ Monicæ, ac opus religiosissimum, quod nuncupauit, Vitas Fratrum, in quatuor libros, iuxta quatuor genera communionum, dispensatum, quod ad Ioannem Argentinensem direxit hoc initio [Spiritualis pulchritudinis amator] Tum verò ob Ordinis munia, quorum causa sæpè in comitijs generalibus suæ ætatis interfuit, & Galliam laboriosissimè peragravit. Fuit in theologia speculatiua acutus, in quam plurimas posteris quæstiones dereliquit: in Scriptura sacra versatus, quare Apocalypsin commentatus est: in arte concionandi feruidus, & facundus, ut liquet ex Quadragesimali eius, quod exscriptum legi Monaci, & incipit [In hodierno euangelio] Ex sermonibus de Tempore, quibus initium dedit ex tertio Iosue [Iordanis ripas aluci sui, tempore messis impleuerat] & Argentina impressos anno millesimo quadringentesimo octogesimo tertio legi Moguntia: atque ex libris sermonum de Sanctis, quorum primus incipit secundum Thritemium [Ecce dabit voci suæ] Alter verò secundum Pamphilum [Dan catulus] qui Parisijs est impressus. Fuit item valde contemplatiuus, quemadmodum ex his apparet, & ex opere de Passione Domini, quod incipit [In ipice, & fac] Atque optimè calluit iura Pontificia, quibus ubertim opera sua compleuit, & præ alijs librum, Vitas Fratrum. Nihilominus non alio, quàm Lectoris gradu, tantum virum insignitum legi: nam & cum esset Prior Prouincialis Prouinciæ suæ, Lector erat, ut ex eius monumentis habetur. Sed hoc non inde, quia Magisterij dignitas, & ipsemet Baccalaurei gradus non ita populariter conferri primum solebant, sed viris tantummodò eruditissimis, & longè optimis; nam cur propterea non omnes gradus conferendi Iordano? verum ob eius profundissimam humilitatem. Malebant enim sanctissimi illi Patres esse Magistri, quàm nominari;

mereri

mereri magisterium, quàm ambire. Erat Prouincialis suæ Prouinciæ anno uniuersalis iubilæi, nimirum millesimo quadringentesimo: & quamuis magna officium charitate exerceret, procliuior tamen erat ad rigorem monasticæ disciplinæ, ut ex pluribus gestis eius habetur, ab eoipso ex occasione interdum commemoratis: ut, exempli causa, circa illum monachum ingenuæ nobilitatis, qui etsi leuiter, petulantérq; apostataisset aliquot menses à monasterio, rediens tamen ultrò ad Iordani pedes, compunctus, humilis, misericordiam petens, non blandis tamen exceptus verbis, nec tandem carceres ei debitos, penamq; euasit. Et quidem iuste simul, ac pie: nam cum uni nimium indulgemus, qui palam labitur, alijs, qui eius exemplo corrumpuntur, crudeles sumus. Sed quæ Iordani sanctitas? Non suos duntaxat Europæ Patres antesignanos, sed & Aliæ monachos vetustiores, quorum acta religiosissima perpetuò meditabatur, in omnibus, siue diceret, siue faceret, præclara semper æmulatione, proximè prosequutus est. Inuocationi, & precibus totus erat. Quamobrem casibus sæpissimè aduersis exercebatur à Deo, ut sæpius peteret; & petitis, ad miraculum usq; potiebatur, ut repeteret confidentiùs, repeteret dulciùs. Traiecit, una die, undantissimum amnem: frangunt fluctus sua vehementia carrum; profligant equos: rapiunt Lectorem comitem, atq; absorbent: rapiunt & ipsum tandem Iordanum in plaustrum fragmine, & longo cursu, quasi vehentes, ibi dimittunt, ubi piscator improuiso apparens, in cymbam sustulit. Quo miraculo? quia Mariam Iordanus inuocauerat, eiq; vouerat quicquid suggesserat pietas [Cum ceciderit, inquit psaltes, Ps: 36. non collidetur, quia Dominus supponit manum suam] Et sequitur [Junior fui, etenim senui, & non vidi iustum derelictum] Non prima hæc, nec postrema arumna. Alterum
 * amnem

omnem vice altera transmissurus, non minus rapidum, maiori planè miraculo seruatus est. Effringuntur, aquarum impetu, portus vires: pellitur cymba: trans pontem rotatur: explosa, impingit in scopulum: oppletur aquis: Prouincialis natando salutem quærit, & alter monachus: excipiuntur in lembum à piscatoribus: Jordanus, expers natationis, & superstes monachus exanimatus iniistunt cymbæ, ab ijs, qui opem ferre poterant, procul. Vna hic salus, nullam, nisi à Deo expectare salutem. Iterat homo Dei orationem angelicam; &, velut esset in oratorio, dicebat semper Ave Maria. Dictu mirum: quæ plena erat amne nauicula, non obruitur: tanto pondere non summergitur: tantis agitata fluctibus non mouetur: tanta aquarum confluentia non defertur: donec iidem piscatores properantes saluant. Sed quæ maria demergerent hominem, pendentem de cælo rudentibus tenacissimæ charitatis? In aquis hæc patrata miracula, num non in terris? cum Prouinciale nunc erat, quid cum ipse Prouincialis? Mos est Germanis, aut carris itinerari, aut curribus; maximè ob equorum copiam, quibus & terram colunt, atque ob rusticorum obligationem, qui fundorum dominis cum in ciuilibus, tum in plerisque criminalibus causis subiacent; exercenturq; à pueritia in regendis ad culturam, & ad rem domesticam equis; qua de re quique norunt aurigationem. Vehabatur ita Iordanus Prouincialis, uno contentus monacho pro comitatu, forasle visitans monasteria: aggrediuntur inopinatò latrones: expoliant carrum: surripiunt equos: aurigam tollunt: conducitur alter cum nouis equis ex pago proximo: iunguntur eidem plauastro, iam compilato: felli diurnis laboribus, vix rotas trahunt: descendunt ambo præituri ad urbem: angitur Jordanus de aurigante, ubi eum non ultra videt: mittit comitem, ut exploret: expectatus condicto loco, non redit: nox est:

est: hyems est: Pergit vir Dei ad urbem, non visam, quā ducit oculus mentis: in pontem incidit: canes utrinque latrantes, & iam mordentes: angustiae undique: quid tunc Iordanus? Ad consueta arma confugiens, orare capit, & cordis vocibus inuocare, illudque dicere psalmi vicesimi secundi [E-rue à framea Deus animam, & de manu canis unicam meam] Quo dicto obmutescunt protinus canes, & mansuescunt: pervenit ipse ad urbem: clauduntur omnia, sed illi vigilar Deus: intromittitur auxilio quodam à bono viro in casam suam antemuralem: ecce pullantur fores ab auriga, exitque eodem modo Iordanus, & illi iungitur: ecce per aliam semitam, quem miserat, monachum: ecce aurigam priorem, à latronibus interceptum: ecce introducuntur omnes aperitis foribus: ecce postridie, quae ablata fuerant, restituntur singula. Vna mediae noctis hora, in eandem urbem, in eandem urbis portam conveniunt quatuor diversis casibus dispersi homines; nulla hominum, nulla equorum, nulla rerum iactura. Vnde hoc, nisi à Deo, apud quem tanti erat Iordanus? nisi à Dei genitrice, quam etiam atque etiam imploraverat? Non egent Superi bonis hominum, at hominum precibus ad eorundem beneficium delectantur. Eccli. 40. Tibia & psalterium suavem faciunt melodiam, & super utraque lingua suavis. Permeabat deuotissimus Pater, ut dicebamus, Galliam, obsequens Ordini; penetrauerat Lugdunensem; ad Turios venerat; corripitur febris; Turonemque nihilominus, veneraturus Martini Sancti reliquias intrat; inde ad Andegauos. Non remittitur interim febris, sed augetur; volutat animo, ubinam febrile inceperit: in territorio Turonensi agrotatio, à Turonensi Sancto sanatio: ad Martinum statim ardenti corde conuertitur: vouet: pollicetur hostias: obstringit se perpetuum ad eius quotidianam commemorationem: eiusdemque imaginem tutelarem in suo

conuentu depingendam spondet. Hora accessionis, loco febris, accedit somnus, & cum somno pristina sanitas. Manasse hac à Deo opitulante, prodijisse ab intercedentibus Sanctis, res ipsa loquitur, sed uno hoc confirmabo. Cùm esset idem Prouincialis, gratulabatur ferè ubiq; terrarum lues scœuillima: urgent hinc inde Fratres: iubilæum trahit: pestis expellit: peregrinari ad Vrbem omnes desiderant: verat is, ne cœnobîa desolentur; Vrbanas deuotiones in cœnobîis ipsis instituit: peragit & ipse sanctissimum institutum: vouet Petro Apostolo peregrinationem ad eius limina: abijt pestis: obliuiscitur voti. Apparet Petrus seni ex monachis, qui à Romano eius sanctuario redierat, & Iordano erat à confessionibus & hoc tantùm [Dicas Iordano Lectori, se non stetisse promissis] Reuelat deuotus homo oraculum: præstat Iordanus opere, quod promiserat. Beatissimum virum, quem tanti faciebant Beati: qui Petro, qui Martino, qui Mariæ adeo cordi erat. Non mea hæc commenta Saxones; non à leui vulgo excepta; non à scriptore nullius fidei desumpta: ipse hæc omnia Iordanus refert in Vitis Fratrum. Ego inde concisè, & sobriè. Sed hæc, & alia in eius vita (ad lectionem prouoco) copiosissimè. Celebrant eum meritissimò beatum historiæ: celebrat eum unus omnium mystarum Ordinis consensus: eius libri, eius opera beatum prædicant: Beatis denique associat Seripandus, autor summæ autoritatis, in elencho chronici sui. Floruit anno millesimo quadringentesimo nono, siue triennio antè, ut collocat Supplementum Iacobi. Sepelitur Viennæ (ut ibi dicam) intra sepulchrum Thomæ, atque Gregorij, Ordinis Generalium: quod unum, quanti erat Iordanus, satis comprobatur. Itaque ea visio, quæ Fratri nostro incerti nominis facta est, de unione Filiorum cum suo Patre Augustino in Ticinensi basilica, de qua visione meminit ipse Iordanus libro primo De vitis Fratrum, capite deci-

mo octauo, vix potest de Iordano interpretationem ullam recipere: nam si Ioannes Vicesimus secundus unionem illam fecit anno vicesimo septimo post millesimum tricentesimum, & reuelatio unionem præcessit, etsi accidisset eodem anno, tamen magna est temporis distantia ad eumque annum, quo vigeat Iordanus; videlicet annorum octoginta unius; & vel centenariam eum attingit ætatem credendum esset; vel ei, non dum monacho, & admodum quidem puero, visionem factam. Præterquam quod Jordanus multa, quæ de se dicturus erat, & ea quippe ingentis gloriæ, cuiusmodi sunt, quæ iam retulimus, liberè dixit; syncerè, distinctè, copiosè; addo etiam, sine scrupulo; cur non & eam visionem, si ei facta fuisset, sibi factam dixisset? Non id solùm; multa alia in campum attulit, suppressis sæpè nominibus; neque propterea de ipso omnia intelligenda.

Isaias Polonus, doctor theologus, eruditione suis temporibus nulli in Polonia secundus, vita functus anno septuagesimo primo à millesimo quadringentesimo, sepelitur in sacello nostro Sanctæ Dorotheæ monasterij Cracouiensis, ubi exedra. Habet lapis tumularis effigiem eius hoc Hypocratico aphorismo, admodum rei accommodato [Tempus breue, iudiciũque difficile] Circũ verò [Anno Domini 1471. obiit Venerabilis Pater Isaias, sacre theologiæ professor] In eius memoriam, laudẽque Iacobus Moysehius Prouincialis, & Fratres lapidem ad parietem cum marmorea vultus statua hoc inciso decasticho erexere:

[Lechiadum claro prostratus sanguine Doctor.

Isaias isto sarcophago regitur..

Ne lector mirere, manet fors omnibus una,

Doctos, indoctos falx merit, urna capit..

Hoc opus, & labor, Elisijs ut sistere campis
 Detur, & ad superos scandere cœlicolas.
 Viuis ubi semper latus Pater optime, viuis,
 Esaia, nostræ Relligionis honor.
 Viue memor nostri, vitæ discrimina multa
 Inter, & æternos duc Pater alme lares'.]

Audiuit tamen & ipse latratus canum diebus suis, ut in synodalibus Firstenfeldensibus anni millesimi quadringentesimi tricesimi quarti. Quantis morsibus, bone Deus, meliora ingenia appetuntur? sed cynocephaleam ad singula emulantium venena efficacissimam habet virtus, virtutem ipsam. Nullo iaculo ita sauciatur invidus, ut virtute; nullo item insanabilius confoditur, ut eadem.

Kazæ in Hungaria monasterium titulo Sancti Ioannis Evangelistæ, nunc amissum. Georgius Lorandius, Dominus oppidi, donat monachis moletrinam anno millesimo quadringentesimo sexagesimo octauo, & Thobias de Serke decimas oppidanæ anno post decimo septimo. Recentiorem memoriam non inuenio; nec vetustioremem quidem. Scripturas habet archiuum nostrum Brunentē.

Krasnystavv, vide Crasnostauia.

Kulembachienfis cœnobij mentionem reperi Ratisponæ in Romanis literis Gratiani Fulginatis, Vicarij Apottolici, de collectis soluendis, ad quatuor Priores Germaniæ, Kulembachiensem, Monacensem, Norimbergensem, & Mindelhaimensem, datis anno millesimo quingentesimo die vicesimo octauo Aprilis: propterea quod reformatione galeati, Generali testēram obedientiæ a nonnullis annis periuri remiserant. Quocirca Alexander Sextus eodem anno commissarium delegat Erasimum Abbatem Sancti Emerami Ratisponensem Ordinis Benedictini; qui statim respondit, se non posse in causâ agere quippiam lege iudiciaria,

ciaria, cum loca illa iam ab Ordine suo descivissent.

Kirche, Sarus illi qui vocata, in Hungaria, monasterium habebat tituli Sancti Stanislai. Ladislaus Rex donat monachis hortum; fundum in castro Tubel; foenetum; & annuos quinquaginta acones frumenti, totidemq; brasij de elicio regali: Budæ, anno Christi millesimo ducentesimo septuagesimo quarto, regni eius secundo. Confirmant donationem successores eius, Carolus anno millesimo tricentesimo vicesimo nono, & sexagesimo quinto post anno Luodovicus. Literæ servantur Brunæ.

Launghingh, in Suevia, suscepit comitia Ordinis generalia anno millesimo quadringentesimo tertio sub Nicolao Saraceno, Generali; ubi (credamus Pamphilo) multi nostrorum Fratrum, belli sæuitia interierunt. Vaeat.

Lauringenæ monasterium ad Danubium, ditionis Palatinæ, Provinciæ olim Rhenanæ, nunc, ut alia catholicorum **fa-na, profanatum.**

Leonardus Carinthius, diuinarum literarum apprimè eruditus, ac perpetua memoria dignus, requiescit Viennæ in Austria prope Ioannem Saxonem in templo nostro, quod sanè sacrum mausoleum est, non temporalium Regum, sed regalium sacerdotum, sed Antistitum, ac Doctorum venerabilium: quorum aliquot ibidem celebrat tabella pensilis, perantiqua; & hunc meritò inter illos, hoc disticho:

[Atque Leonardum, Carinthia quem, quasi nardum,

Distudit, tenet hic proximus ipse locus.]

Lithumistia, Bohemiæ urbs, quam Leuthmischl, Lythomisl, Luthomissel, & Leitomischl scriptam inuenimus, non vario etymo, sed nunc vicinitate sermonis patrij aut Germanici; nunc imitatione Latinitatis; nunc verius, corrupta hominum vulgarium, inconstantiq; licentia; olim **cathe-**
dralis,

dralis, nunc subiecta in spiritualibus Archiepiscopo Pragensi; cœnobio Sanctæ Crucis decoratur, à Ioanne Nouoforesse, Episcopo temporis Lithumiliensē, deinde Olomucensē, & Caroli Quarti Cancellario piè fundato. Ad cuius Cæsaream intercessionem Innocentius Sextus Generali, & fratribus nostris, sumendi eiusmodi monasterij facultatem tribuit, Auenioni, Nonis Februarij, Pontificatus sui anno quarto. Ipse autem Ioannes, & Capitulum eius anno sexagesimo quarto a millesimo tricentesimo donat monasterio curiam Herlech, & pistrinum, cum agris, pascuis, aquis, & quibuscunque ad eam attinentibus. Anno post quintodecimo, Henricus, Dominus in Drevvtzitz, Capitaneus Olomucensis largitur cœnobio villam Letnam, cum omnibus rusticis, centibus, & fructibus, pleno, perpetuòque iure, atque dominio. Aderant eo tempore hi Patres, Laurentius Brunensis, Prior; Petrus Lithumiliensis, Lector; Iacobus Brunensis, Supprior; Ioannes Kartus, Ædituus; Simon Lithumillianus Procurator; Matthæus Kartus; Augustinus; Bartholomæus; & Procopius, Cantores; & Fratres alij. Eos autem dicebant Cantores, qui non alij muneri domestico, quam choralij, erant addicti. Obseruandùmque præferri Lectorem Suppriori, tantus erat is gradus olim, tantùmque Lecturæ officium. Anno eodem, scilicet millesimo tricentesimo septuagesimo nono, Pileus Cardinalis Sanctæ Praxedis, Hemerito fundatore sacelli Mariæ Virginis supplicante, erogat indulgentias centum annorum, visitantibus idem sacellum. Triennio post habetur ibi conuentus prouincialis Ebrhardo Priore; & hinc quadriennio, Hinc Episcopus Ladimirensis, Ordinis nostri, Letnam villam ea lege conducit, ut redeat ipso defuncto ad monasterium. Modò ecclesia euasit parochialis. Scripturarum, quæ horum meminerunt, magnam partem vidimus Pragæ apud nostros.

Lubianensis monasterij Sancti Iacobi in Carniola, literas inuenimus datas anno tricesimo sexto post millesimum quingentesimum ad synodum prouincialem Viennæ habendam : quo tempore, cum duo saltem adessent Patres in conuentu , compromissum electionis fecerunt Patri Prouinciali : rationesque Prioris defuncti, unâ cum sigillis monasterij , ad diffinitorium mittunt. Pertinebat ad Districtum Scyriae, & Carinthiae : deinde ibi xenodochium institutum , facta permutatione cum Abbatia tituli Sancti Iacobi, quæ unita est monasterio Fluminensi. Demum eò Patres Societatis Iesu.

Ludolphus à Camollaria, in theologia Lector, floruit ætate Beati Iordani Saxonis ; eoque hic utebatur summè familiariter : quare eius honorificè meminit libro secundo, capite octauo De vitis Fratrum. Fuit enim Ludolphus in magistratu prouinciali seuerus disciplinæ claustralis restitutor ; in sacrorum lectione librorum infatigabilis ; & proinde codicum omnium, quibus bibliothecas farciebat, auidus conquisitor ; sed super omnia hæc , probatissimæ vitæ, ac deuotissimæ. Quo factum est, ut nocturnum Natalis Dominici, quo solebat in suis assiduis precationibus feruore, lacrum faciens, videret in calice ex interna labri parte, dum hostiæ fragmen signo crucis in calicem de ritu immitteret, illis verbis, Pax Domini sit semper vobiscum, stillare leniter nitidam aquam, sacroq; sanguini immisceri : quam rem cum admiratione considerans, reuocauit in mentem ea Christi verba apud Ioannem capite quarto, Qui biberit aquam, quam ego dabo ei, fiet in eo fons aquæ salientis in vitam æternam. Ea propter & ipse vices tantarum gratiarum rependens, pro guttis guttas, pro aqua aquam, in lacrymas soluens, consummauit de more sacrificium, tam nobili miraculo insignitum : & quod

quod acciderat, Iordano suo, ut alia solebat arcana, aperuit.

Marech, seu Marchek, urbs Hungariam versus, diacellis Pataviensis, itinere unius diei à Vienna Austria distans, ipse etiamq; ad familiam Lanthauensem, adificat monasterium in honorem Diui Patris Augustini, anno millesimo ducentesimo septuagesimo octauo: quo ciues aream monachis donant, & Episcopus Baradiensis templum consecrat: quam consecrationem Petrus, Antistes Pataviensis, quadriennio post confirmat; & Vricus agnomento Monachus, vineam in Schokondorf cœnobio cedit. Largitur indulgentias Incelerius noster, Episcopus Budensis, anno octogesimo quinto à millesimo ducentesimo. Et biennio post Sifridus Colonienfis Archiepiscopus; Arnoldus Bambergensis, Fridericus Corentis, Conradus Argentinenfis, Sifridus Augustanus, Rembotus Eustadiensis, Conradus Tholensis, & Bruno Brixentis, Episcopi. Hinc septennio Benedictus, Episcopus Albensis: & sequenti anno Rogerius, Sanctæ seuerinæ Archiepiscopus, Guillelmus Callensis, Bonifacius Parentinus, Stephanus Oppidensis, Maurus Amelienfis, Franciscus Garracinentis, Manfredus Sancti Marci, Franciscus Fanensis, Sabba Militenfis, & Perronus Alarinensis, Episcopi. Triennio post Antonius Episcopus Canadiensis. Demum anno millesimo quadringentesimo sexagesimo octauo Laurentius Episcopus Ferrariensis, Legatus Apostolicus per Alemaniā. Post hunc annum nec Bruna, nec Vienna, nec uspiam aliud de eo legi. En quanti faciebant indulgentias Patres nostri, quot gratijs Marchekano conuentui obsecundabant Pontifices, quapropter tot indulgentiarum largitores referre volui. Tu inde antiquam Teutonum, quam non multo ante celebrauimus, pietatem, agnosce;

ſce ; ac decumbentis monaſterij vel micantes fauillas cerne, vel ſaltem ſenti calentes cineres. Siquid ultra referre vellem, haret ardore calamus. Deſideratur utique, ſed turbulentis regni defectione temporibus : non quidem à multo tempore ; nam anno milleſimo quingenteſimo triceſimo ſexto confirmatur in comitijs Prouinciæ pro Priore Leonardus.

Martini Lutheri hæreſiarchæ vitam leges ſeorſum in libro, quem inſcripſimus De caſu Lutheri : nunc de eo, ut ſuaſit occaſio, attingimus pauca ; quemadmodum in Ioanne Stau-pitio, in Michaële Stiphelio, in Norimbergenſi monaſterio, & alibi. Sicut enim rhetoris eſt non tantum benedicta, ſed & mala, indicare oratione, ut aiebat Qu. Fabius, ita & hiſtorice, veritatem, ubicunque inueniat, patefacere. Nec minus inſcitè, quàm ſcitè canentes, oſtendebat auditoribus ſuis Iſmenias, tibi cinum maximus, Ad hunc modum canere oportet, dicens, ad hunc nequaquam. Non tacuit Moſes Caini fratricidium, aut corruptionem uniuerſæ carniſ ante diluuium ; non pentapolitana flagitia, prouocantia cælum ad flammæ ; non Hebræorum idololatriam, & ſexcenta alia facinora exorſiſſima improborum hominum. Notauit Ezechiel ruinam Luciferi ; Euangeliftæ proditorem Iudæ. Diſſeruit Ioannes de Antichriſto ; Anſelmus de caſu diaboli. Atqui habes calybaum thoracem in apologetico eiufdem operis contra ſannofos.

Matthæus de Corvvift Prouinciæ Saxoniz, ſcripſit De triplici aduentu Verbi ; in carnem, in mentem, & in iudicium, librum prægrandem, quem in tres tractatus, & duodecim ſupra centum diſtinctiones diſpoſuit. Proæmij thema eſt [Et veniat ſuper me miſericordia tua Domine, Pſal. 118. ſecundum eloquium tuum] Primi tractatus principium eſt

[De primo eius aduentu, hoc est, incarnationis mysterio]
 Composuit item De indulgentijs librum super thema euangelicum [Quodcumq; ligaueris super terram, Mat: 16]
 Et iūq; initium est [Duos fines ultimos futuros in fine seculi] Expositionem quoq; symboli Athanasij luculentam, quæ incipit [Intellectus humanus à rebus sensibilibus]
 Item De Corpore Christi tractatum magnum super illud [Homo quidam fecit cœnam magnam, Luc. 16.] Prima verba sunt [Ad commendationem pretiosissimi] Porro Expositionem orationis dominicæ in Matthæi textum [Sic orabitis] Et incipit [O quàm ineffabilia effusa sunt]
 Hæc eius opera, descripta in folio, legi Monachij.

Mauritius Tertius, quærat in Viepachio.

Melnicium, quod Melnik vulgo, urbs dotalis Reginarum Bohemiæ, situ placido, & solo vitifero, quatuor à Praga miliaribus eius regionis. In suburbio monasterium extruunt Zmilo miles de Cetovv, & Paulus de Lutcenicz, ecclesiâmq; Diui Laurentij, iam olim sacro cultui mancipatam, cum omnibus agris, pascuis, naulo propè labentis fluminis, pistrino, cæterisq; ad eam pertinentibus, donant iure gentilitio Patribus nostris. Othakarus, Bohemorum Rex, donationem confirmat anno millesimo, ducentesimo sexagesimo octauo, Erogant ecclesiam visitantibus, indulgentias Cunradus Episcopus Firsienfis anno antecedenti, Tholomeus Episcopus Bardanensis Ordinis nostri anno millesimo ducentesimo septuagesimo quarto, Thobias Episcopus Pragensis quartodecimo inde anno, & alij. Anno verò millesimo quadringentesimo sexto, VII. Kal. Julij, aderant in cœnobio hirtredecim Fratres, Andreas Prior, Valentinus Supprior, Stephanus Sacrista, Petrus Mlada Procurator, Nicolaus de Myza, Matthias, Clemens, Ioannes Proles, Nicolaus organicus, Nicolaus de Alba, Wenceslaus

Wenceslaus, alius Nicolaus, & Iacobus. Post varias regni Bohemici perturbationes, de quibus Pius Aeneas, & Cocleus, inter quas, ut alia quaecunque coenobia, iacturas suas, flammās, expilationes, suorū interneciones lamentabiliter sensit, superstes adhuc: vendicātq; iura eius à multis, illudq; retārcit Magister Gabriel Caribdius Prior.

Michael Stiphelius ex Islingo monasterio, Lutheri aslecla, & preco rabidus, librum effinxit De Danielis, & Apocalypseos numeris, qui in arithmeticis de Cosa extat; cuius meminit doctus Serarius libro primo De Lutheri magistro. Indignamur? non iniquè. Ordini? absque causa. Prælati? minus. Quibus? ijs ipsis apostatis, ijs si indignemur, libeat. Erant & pseudomonachi florentissima illa tempestate Sanctissimi Patriarchæ Augustini; de quibus ita se, Præpositosq; coenobiorum in psalmum undecentesimum purgat (Quid dicturus est mihi quisquis talibus locis fortè præest, imò seruit Fratribus in his, quæ monasteria dicuntur? quid dicturus est? Cautus ero; nullum malum admittam. Quomodo nullum malum admittes? Nullum hominem malum, nullum Fratrem malum, intrantem, admitturus sum; cum paucis bonis benè mihi erit. Vbi cognoscis, quem fortè vis excludere? Vt cognoscatur malus, intus probandus est; & probari, nisi intrauerit, non potest. Repelles omnes malos? Dicis enim, & nosti inspicere. Omnes nudis cordibus ad te veniunt, qui intraturi sunt? Ipsi se non nouerunt, quantò minùs tu? Multi enim sibi promiserunt, quòd impleturi essent illam vitam sanctam, in commune habentem omnia; ubi nemo dicit aliquid suum; quibus est una anima, & cor unum in Deum; nulli sunt in fornacem, & crepuerunt. Quomodo ergo cognoscis eum, qui sibi adhuc ignotus est? Excludes malos Fratres à conuentu bonorum. De corde tuo, qui quis

ista dicis, omnes malas cogitationes, si potes, à te exclude; non intret in cor tuum vel suggestio malà. Non consentio, inquires. Sed intrauit tamen, ut suggereretur: nam omnes munita corda habere volumus, ut nihil intret, quod malè suggeratur, unde autem intret, quis nouit? Et pugnamus quotidie in uno corde nostro; unus homo in corde suo cum turba luctatur: suggerit auaritia, suggerit libido, suggerit voracitas, & ab omnibus auersatur; difficile est, ut non ab una aliqua feriat] Verissima, accuratissima, sufficientissima omnibus ad hæc obiectionibus apologia: & eius temporis, cum suam ageret infantiam Ordo: & eius Autoris, qui & primus Parens. Expostulatio æquissima cum eis, qui nil probius norunt, quàm improbè baubari in monachos. Licet ad numerum locustarum exuberent deformissimi foetus, quos impius Saxo sicophanta progeniuit, quos aliunde Orcus euomuit, unus Ordini nostro, unus omnibus Ordinibus monachorum, si alij non essent (sunt autem plurimi) esset satis. Nolo ex nostris testimonium afferre (afferrem enim facile ex toto Orbe) ab ipsis aduersarijs suffragium vel extorquens promam. [Plus valet unus Augustinus, ait Franciscus Starcarus, quàm centum Lutheri, ducenti Melancthones, trecenti Bullingeri, quadringenti Petri Martyres; qui omnes si in mortario contunderentur, non exprimeretur una uncia veræ theologiæ] Sanè dixisset breuius, Plus valet unus Augustinus, quàm omnes unquam hæretici. Siue melius, absque ulla comparatione: Unus valet omnia Augustinus, omnes hæretici nihil. Malleus hæreticorum dicitur Augustinus ab Ecclesia, quo omnes hæreticorum ceruices decuti possunt, & excerebrari. Vna eius doctrina ad confutandas omnes omnium hæreses sufficit; in quem modum se scripsisse assertit in præfatione libri De hæresibus ad Quoduultdeum [Ego verò, ait, hoc magis volo facere, si & Deus velit, unde possit

possit omnis hæresis, & quæ nota est, & quæ ignota vitari : & unde rectè possit, quæcunque innotuerit, iudicari] Solida est Augustini doctrina, pura, secunda, elegans ; facta conceptibus, elata phrasibus, comata, cincinnata vocabulis ; diuino spiritu plena ; sacris decorata sententijs : in materijs varia : in varietate concors : in veritate stabilis : in argumentis acuta : in expositionibus florida : in confutationis genere vehementissima ; titillans semper aures, mulcensq; rythmis frequentibus : ut eius lectio centies, atque iterum repetita, nunquam fastidiat. Mihi verò ita accidit, quando Augustini periodum aliquam, suppresso auctoris nomine, siue lego, siue audio, statim dico, Est Augustini. Simul sentio docentem, delectantem, afficientem ; imò & suauissimè vulnerantem. Quod ipse antè in Isaia, ac Pauli lectione expertus est, hoc nos in eius subinde scriptis experimur. Roterodamus autem æmulatu quidem est eloquentiam eius, pietatem minimè : isq; prima (ne Stiphelium in omnibus onerem) zizaniorum semina iecit seculi sui ; natisq; dissidijs, nunc Ianus bifrons, nunc Protheus mutabilissimus visus est : de qua re multis cum eo expostulauit bonus Comes Carpensis, Albertus pius ; & licet ille à tanta nota omnibus spongijs se purgare studeat, celari haud potest, quin ferè omnia scripta eius in morsus Cynicos aut morum, aut studiorum alienorum resoluantur : quod habuit cum suo Valla commune ; cuius librum aculeatum scripturalium interpretationum, Venatorii nomine imposito, palam fecit. Eadèmq; ad Albertum responsione, ubi locorum id magis agere nititur, ut à mordacitatis vitio se extricatum reddat, aut saltem appareat, mordacissimus ita ut callidissimus de more suo sentitur. Excident testimonia reliqua, unum illud ad conuincendum Erasmum sufficiat eius, qui ab eodem dictus est [Ratio, seu methodus compendio perueniendi ad veram theologiam] in quo ca-

moysi imitatus est Augustinum in multis, qui quatuor in-
 dem argumentum libris, quos De doctrina Christiana nunc-
 cupavit, abundanter disseruit; tamen quaecunque ex sua bi-
 bliatra Erasmus miscuit, eadem nunc philosophos Christia-
 nos, theologos, & quos vocamus scholasticos incessunt;
 nunc monachatum, praecepta Ecclesiae, opera satisfactoria;
 nunc item Episcoporum vitam, confessorum, concionato-
 rum, clericorum omnium. Quam fuisse cationem Lutheri
 quis neget? facile homines in censura morum alienorum
 occupantur, qui nec semel in suos inflectunt oculos. Ecquid
 de Moria? quam etsi bonus homo perlongo, atque etiam ci-
 vili excusaret apologetico ad dictum Comitem; non potuit
 nihilominus eam non prode, qualis erat, salacem, nug-
 cem, aulicam; & quod magis scenicum est, ludicram; sed
 simul impiam, sacrilegâque Committo silentio paſquilla-
 rem illam censuram augustissimæ regulæ nostræ, imò om-
 nium penè Ordinum regularium, consutam sacris operibus
 Augustini, quæ ille inani quadam paedagogia reculit, & ubi
 arripere occasionem potuit, Erasimiana obreſtatione reſper-
 sit. Tempus erit, cum de operibus, deque ipsa regula Bea-
 tissimi Patris in prima Historiæ parte pertractantes, iurgiosa
 commenta Erasimi discutiemus. Hoc unum expletissim-
 um est, nihil ita eius naribus putuisse, ut monachismum:
 fortè quia ter monachus, in nullo potuit monachatu persi-
 stere. Quid quæſo impudentius, quàm quod dicit, nulpiam
 Augustinum se dixisse monachum? quòd quæ nominat Au-
 gustinus monasteria, non fuerint monasteria? quòd quæ da-
 ta est faminis viuendi norma, mutatis, quæ mutari poterant,
 quibusdam etiam reiectis, efficta sit pro vitis? Et illud om-
 nino radiculum, faminarum duntaxat illam regulam esse,
 quòd in fine agat de speculo, ubi dicitur [Ut autem in hoc
 libello, tanquam in speculo, possitis inspicere] quasi non li-
 brum

brum ediderit Augustinus, quem vocauit Speculum, nec tamen dixerit ad fœminas. Quasi similitudo specularis non conueniat viris; cum tamen Diuus Iacobus in ipso principio Epistolæ suæ dicat [Siquis auditor est verbi, & non factor, hic comparabitur viro, consideranti vultum natiuitatis suæ in speculo] sed fortasse stramineam censet Iacobi Epistolam cum Luthero. Negare haud valuit, regulam illam stylum referre Augustini, & ciuilitatem. Negare haud valuit, sanctimonialibus nullam: cæterum condonandum est illi aliquid propterea, quod non semel, neque unius Ordinis monachus fuerit, & certè ex ijs, qui sibi totum Augustinum usurpant, odióque implacabili in monachatum concepto, frenduerit, ubi potuit. Certum est, vel ipso confitente, hanc ipsam regulam fundamentum esse ferè omnium regularum monachalium. Ocreatus tamen nauigauit Erasimus, & nulli Sædæ nomen suum dare voluit. Scripsit autem multa (nequid ei, quasi odio, subtrahamus) catholicè: ut tractatum longissimæ epistolæ ad Fratres inferioris Germaniæ, quo Lutherigenas firmissimis argumentis, atque de more faleratis valentissimè impetit. Fuit enim Erasmo tanta Latini sermonis eloquentia, tanta in vestiendis sententijs elegantia, quanta à multis seculis nulla. Utinam & constantia tanta. Quare insaniunt ij præter omnem humanitatem, pietatémque, qui vel cœlorum motibus, vel eorundem motoribus contemporaneas illas, & quasi conspiratrices, bellorum, Sædærumque clades, secundum mysticam chronologiam (vocant ali) theologiam) Thricemij, tribuunt: in qua ille referens opinionem quorundam, dicentium à septem post Deum Angelis inferiorem mundum gubernari, admotis septem planetis; singulosq; illorum annos imperare trecentos quinquaginta quatuor, & quatuor menses inchoante Orifiele, Saturni Angelo, anno mundi primo, die vicesimo

vicesimo quinto Martij; & ad sua tempora deducens Abbas,
 huiusmodi temporum recursus, Angelorumq; vices, rediisse
 ait imperium tunc tertium ad Samaëlem, spiritum Martis,
 eiusq; dominium duraturum usque ad annum Christi mil-
 lesimum quingentesimum vicesimum quintum. Sub cu-
 ius Orisielis regimine refert, multa in orbe terrarum bella
 contigisse; periisse penè infinita hominum millia; & regna
 quam plurima pristinos terminos amisisse. Demum per-
 centosa quædam pronuncians futura circa finem huius ter-
 tiæ reuolutionis, sectam quandam religionis magnam fana-
 tica locutionis imitatione prædicat: cui prognostico plaude-
 re visus est euentus anni decimi septimi post millesimum
 quingentesimum, quo Martinus Lutherus, quasi sub Martio
 illo influxu, sponsam Christi Ecclesiam diuexare cæpit fero-
 citer. Et statim atque Ioannes Techelius, doctor Ordinis
 Dominicani, Pyrnæ ad Albim Saxonie natus, autoritate Le-
 onis Decimi, & Alberti, Archiepiscopi Magdeburgensis,
 Pontificias indulgentias Wittembergæ prædicat; popula-
 bundus ille effunditur, se posthabitu nequaquam ferens,
 & Friderici, Ducis sui, patrocinio nixus, pridie Kalendas No-
 uembres, indulgentiarum salutarium doctrinam, Domini-
 cis verbis probatam, hostili animo (nam quis ex euentu co-
 gitet aliter?) subiicit, ut sit in literarum arena, thesibus di-
 sputandis. Ex quo fonte, velut Exampeo, amarissimæ sca-
 turigines defluerunt: ac, tanquam ex Epirotico, procul a-
 mora seditionum, atque hæresum faces (ubi hoc respirandi
 spatiolum datum est) fuerunt iterum inflammata. Acce-
 dit, quod idem annus vicesimus quintus, quem ponunt ulti-
 mum Orisielis, fuit is, quo Martinus,mersus in sentinam sce-
 lerum, similémq; labris lactucam quærens, Catharinam de
 Borne Brigittanam, virginem fortè, at Deo sacram flamine,
 stuprali connubio duxit, seruans hac in re solertissimus
 pseudo-

pseudomonachus Byantis consilium, Æqualem ducito. Porro ipsum Martini nomen etsi indicum à festo die eius Sancti, quo baptizatus fuit, cuius diei pridie natus erat, anno scilicet millesimo quadringentesimo octogesimo tertio, videtur tamen à Marte dictum, sicut & Arij, qui Ecclesiæ pacem, à Constantino Magno inductam, dirè turbavit: Mars enim Græcè *ἄρης*, dicitur. Illi demum præliorum in Asia, nedum in Europa, tumultus eius tempestatis sæuissimi; illa bestialis rusticorum in dominos irruptio in Alimania, vix cadauerum montibus cohibita, ac torrentibus sanguinum; illa monstrosarum Sectarum pullulantiam hydrae capita, quibus frændis, si non cadendis, Chriſtitanus Orbis incubuit, non nihil fidei astruunt his, quæ diximus de Orifiele. Sed non difficile fuit Trithemio, ex præludijs sui temporis, ea de imminentibus annis, iudicio perspicaci, quo claruit, vel quouis alio modo præſagire. Veruntamen Archonticorum symphoniam hæc sapiunt, qui septenarijs cœlis septenarios spiritus collocantes, ut quosdam Principes, mille absurditatibus cœlum complent. Quocirca idem autor protestationem, & confessionem piam subtexuit [In his omnibus, inquit, nihil credo, nihil admitto, nisi quod Ecclesia credit catholica: cætera, ut vana, ficta, & superstitiosa, refuto, & contemno] Equidem ad motum cœlorum, ad cursum planetarum, ad defluxum superiorum causarum creatarum, tot, tantarumq; in religione motuum referre originem; sanctis spiritibus, orbem motantibus, aut ipsis orbibus labes nostras, quibus nostro nostræ voluntatis arbitris, assensumq; inficimur, ascribere, stultum est; opinari, horrendum; dicere, impium; affirmare, blasphemum, crudele, iniquum; clamante Deo, perditionem Israelis ex ipso esse Israele; Osee 13. docente Domino, gaudium esse in cœlo coram Angelis Dei super uno peccatore pœnitentiam agente. Lucæ 15. Qui quoniam in

illa sunt cœlesti Hierusalem, unde nos peregrinamur, expectant ad perenne illud felicitatis conuiuium sodales suos; & (ut Augustinus scribit in psalmum sexagesimum secundum [Attendunt nos peregrinos, & miserantur nos; & iussu Domini auxiliantur nobis, ut ad illam patriam communem aliquando redeamus]) Sed si Angeli voluntatibus humanis non imperant, si non impellunt eas in malum; quanto minus id facient cœlorum orbis inanimæ? Obambulabat sua electione formica semitas suas; volitat huc illuc musca pro suo sensu: myratur; reuolat; alastergit; pediculos refrigat; nullus ad hæc planetarum cogit influxus; nullum sydus hæc prohibet; nos tamen homines, nos tantum, quibus totus mundus est conditus; quibus imago impressa est conditoris; mensq; indita, rationali arbitrio prædita; quorum vel merita ad æterna præmia euehunt, vel demerita subtrahunt ad gehennam perpetuam, forabimur leuiter, uti plumæ, ut id patremus siue boni, siue mali, quod stellarum inutillationibus datur, aut flatibus? Angele, tecum alloquor, non horret legentis animus? Siquis error his, quæ scribimus, calamo dormitante, vel ipsa etiam deuiante memoria, aut intellectu cæcutiente illaberetur (homines enim sumus) num ad te referendus, cui hæc scribimus; sub cuius nomen hæc ipsa dicamus? Non mouet hic Angelus, inquit; quicquid scribis, à te ipso scribis. Probe; at neque illi boni Angeli mouent ad malum: tantòq; minus, quanto in bonitate firmati magis, nec sibi, nec alijs volunt, aut velle quippiam pollunt, præter bonum. Parisiniana est, quod effudit comitalis Matthesius in suis declamationibus fabulosissimis de Luthe-
ro; affirmans hunc ipsissimum annum millesimum quingentesimum decimum septimum multò antè in illo cantico [Te Deum laudamus] pronunciati in eo versu [Tibi Cherubin, & Seraphim incessabili voce proclamant] In quo si li-

tera, quibus pro numerorum notis Latine utimur, sic notata maiusculis [tibi CherVbIn, & seraphIn InCessabILI VoCe proCLaMant] colligantur, erunt hi numeri IICVIII CILIVCCLM. qui, rite collecti, constituunt numerum millesimum quingentesimum decimum septimum. Puerile prorsus, imò & nefandum, & impium, adeo calumniosè sacrum illud, diuinumq; canticum, à sanctissimis illis Patribus Ambrosio, & Augustino in eiusdem Augustini baptismo ad Dei gloriam, & noui militonis ouationem, quarto Christi seculo decantatum, decimo post seculo caballinis extorsionibus, & imposturis ad morionis laudem peruertere: & id quidem facere eos ipsos, qui nil iactant clamosiùs, quam verbum Dei; nil se aliud testari, aut cogitare dicunt, quam verbum Dei; nulli alij scripturæ credere, quam verbo Dei. O verbales, hoc cene est verbum Dei? caballisticis superstitionibus cantica Diuorum adulterare? Quid mirum, si exorbitatis ab itinere sapientiae, & à lege iustitiae? si ab ipso Christiano euangelio tot crasso somniamenta extunditis? Sed agamus seriò ludum vestrum. Profectò si Joachimus caballis, quotquot calcitrant in Valle Matthesij, sanctus ille hymnus deberet trahi, maiores numeros suo primo versu [Te Deum laudamus, te Dominum confitemur] procul dubio pareret. Eleuemus notas [te DeVM IaVIdaMV, te DoMinVM ConfiteMVr] Colligamus eas: DVMLVDM VDMIVMCIMV. Quis inde numerus? nempe sexies milles, sexies centum, septuaginta septem. Actum esset de schola Wittembergica, si tandiu expectare deberet quintum Euangelistam suum, secundumq; Eliam. Potius certè in ipsius Martini Lutheri nomine, & cognomine inuenirent homines sanæ mentis, eum fuisse præambulonem nequissimum Antichristi: de cuius bestiae nomine, & numero scribit Joannes sextodecimo suæ Apocalypsis [Numerus eius

sexcenti sexaginta sex] Atqui Martinus Lutherus (si numeros eodem modo excipimus) non longè errat à bestia Apocalypsis. Nam MartIn Vs LVther Vs has habet notas MIV LVV. quæ in ordinem redactæ faciunt numerum millesimum sexagesimum sextum. In sexagesimo sexto is concordat prorsus cum bestia : discordat autem in hoc , quòd hæc sexcentenarium , ille millenarium comprehendit. Sed si vim numeri consideremus , eadem significatio indefinitæ multitudinis utriusque. Vt enim innumerabiles homines dicimus mille homines , ita eisdem sexcentos dicimus : & millies ita , ut sexcenties , pro sapissimè. Nisi forte velimus & nos diuinare , ac dicere , quòd totidem annis præcessit postremum Antichristum Martinus , quot annis sexcentenarius us distat à millenario , scilicet quadringentis. At verò de die , & hora iudicii extremi , nemo scit , neque Angeli cœlorum , nisi Pater solus , ut docuit Saluator ipse , apud Matthæum vicesimo quarto. Est autem quadringentenarius symbolum seruitutis , & afflictionis : quamobrem Abraham semen prædixit Deus fore peregrinum , affligendum , & seruituti mancipandum annis quadringentis ; quod scribit Moses vicesimo quinto Geneseos. Ita præcurrentibus Antichristum annis , ultimis maximè , erit tribulatio magna , qualis non fuit ab initio mundi : quæ calamitosa tempestas non parua ex parte conferri potest cum eadem , quam antè diximus , Thriremiana : & in ea simul ita impletum illud est Augustini oraculum , ut nunquam ita. Scribit enim epistola centesima tricesima septima [Simpliciter fateor charitati vestræ coram Domino Deo nostro , qui testis est super animam meam ; ex quo Deo seruire cœpi , quomodo difficile sum expertus meliores , quàm qui in monasterijs profecerunt : ita non sum expertus peiores , quàm qui in monasterijs ceciderunt : ita ut hinc arbitrer in Apocalypsi scriptum , Iustus iustior fiat , & fordi-

fordidus sordefcat adhuc] Sed & (patienter audi) audeat Jo-
achimicus Mattheſius Martinum ſuum Auguſtino noſtro
conferre ad lineam. Deus Deorum, ecquod nam erit, ſi hoc
non eſt delirium? Per antiphrasin certe conferuntur am-
bo belluliſimè; ut ſi coruum comparemus olori. Recolis *quā*
nos vocamus Sequentiam de Auguſtino? eam, quam poſt
epiſtolæ lectionem in eius feſto recitamus ſub ſacrum? ean-
dem per contrarios rhythmos & de Luthero cantare poſſent
aſtuoſè vel pueri:

DE AVGVSTINO.

De profundis tenebrarum,
Lumen mundo exit clarū,
Et ſcintillat hodie.
Olim quidem vas erroris?
Auguſtinus vas honoris?
Datus eſt Eccleſiæ.
Verbo Dei dum obedit,
Cedit ſperans, & accedit
Ad Baptiſmi gratiam.
Quam imprimis tuebatur.,
Verbis, ſcriptis execratur.
Erroris fallaciam.
Firmans fidē, formās mores,
Legis ſacræ peruerſiores?
Verbi necat gladio.
Obmutefcit Fortunatus,
Cedunt Manes, & Donatus
Tantæ lucis radio.
Mundus marcens, & inanis?
Et doctrinis doctus vanis?
Per peſtem hæreticam.

DE MARTINO.

De profundis tenebrarum,
Prædo erupit animarum.,
Et punitur hodie.
Olim quidem vas honoris?
Luther erat, mox erroris?
Hoſtis inde Eccleſiæ.
Verbo Dei dum vix credit,
Furit errans, & recedit
A baptiſmi gratia.
Quæ iam pridem tuebatur,
Nūc blaſphemās execratur
Veritatis dogmata.
Scindens fidē, ſedans mores,
Legis ſacræ expoſitores?
Lingua truncat gladio.
Stant Huſſitæ, Anabaptiſtæ
Murmurantes, quis eſt iſte
Nouus autor hæreſis?
Saxo mollis, & inanis?
Dat hoſpitiū profanis?
Per peſtem hæreticam.

DE AVGVSTINO.

Multum cœpit fructū ferre,
Dum in fines orbis terræ
Fidem spargit unicam.

" **Monachalis vitæ formam.**

Cōquādrauit iuxta normā
Cetus Apostolici.

Sui quippe nil habebant,
Tanquā suum, sed viuebāt
In commune clerici.

Sic multorum pro salute
Diu viuens in virtute,
Tandem bona senectute
Dormiuit cum Patribus.

In extremis nil legauit,
Qui nil suum æstimauit,
Imò totum reputauit
Commune cum Fratribus.

Salue gemma confessorum,
Lumē Christi, vox carlotū
Tuba vitæ, lux Doctōrum,
Præsul beatissime.

Qui te patrem venerantur.,
Te ductore consequantur
Vitam, in qua gloriantur.
Beatorum animæ.

Ecce canticum Martinianum.
Iste canticum Martinianum.
Augustino collatio? At neque uno, aut altero mendacio sententias suas ornat Matthesius; pseudo enim propheta pseudo euangelista respondet pulchrè, & ita ut nulla re veritas catholice Ecclesie detegatur commodius, quàm aduersariorum mendacis. Is namque posteaquam Martini parentem nasutu-

DE MARTINO.

Malam cœpit frugem ferre,
Dum per suos fines terræ
Spargit hic zizania.

Monachalis vitæ formam.

Deformauit iuxta normā
Cetus diabolici.

Sui quicquid rapiebant,
Suum erat, & viuebant
Vxorati clerici.

Sic multorum cum ruina
Diu viuens hac doctrina,
Morte tandem repentina
Decidit in barathrum.

In extremis nil legauit,
Qui tunc mori nō putauit,
Cumq; egregiè potauit,
Ore clauso crepuit.

Procul cæce, dux cæcorum,
Vmbra, fœtor inferorum,
Tuba mortis, vox bellorū
Exul perfidissime.

Qui te patrem venerantur.,
Te ductore condemnantur
Igni, quo cruciantur.
Damnatorum animæ.

Vah, quæ Martini cum Au-

nasutulè nobilitauit, nescio qua illum togula amiciens præ-
 fecturæ, ailerit tandem futilè eundem fodinarium, teri quæ
 follorè: quippe cum varijs fodinis Mansfeldensis Coniuta-
 tus abundet, Illebiūmq; Lutherorum patria, vertebatur & il-
 le, ut plurimi operarij, in illis effodiendis; viuebātq; in diem
 sua mercede denarij. Quapropter semel (ut idem fatetur
 homiliaſtes) ſcholaſtici quidam Wittembergenses, celebra-
 tes hilariter Dionyſia, ac fodinariorum veſtes ferrugineas,
 attritāsq; laruatorum more induti, cum ferramentis ad id o-
 peris neceſſarijs, adierunt rectà Martini domum, iocantes ſe-
 riò: qui, ut natura facetus, non indignabundè, ſed feſtiuiſſi-
 mè, patris artem multis commendans, eos excepit; ſupple,
 compotatione (quæ eſt conditio ſine qua non) largiſſima.
 Idemq; Martinus (ut & in hoc indulgenter credam Matthe-
 ſio) poſt pueritiā, domi, utut, actam, philoſophica ſtudia
 pane aluit oſtiatim queſito; eſſi ea abſoluerit ſubſidio ma-
 trone cuiuſdam, quæ eius indole, aut quavis alia re permota,
 vegetum iuuenem, linguacemq; quotidie audire cupiebat
 (adderet Mattheſius, Pro explanatione euangelij: ſed quid
 ni: non adeo iniquo ſum animo in veteratorem, quin de eo
 aliquid boni affirmare valeam. Neque verò obitat, quòd
 in Babelianis facetijs fiat mentio de quodam medico, ex fa-
 milia Luder, quaſi hanc magnificam putes, Doctorum togis
 nobilitatam: nam & agrestium hominum, atque artificum
 frequentiffimè filios, ſiue ob vim ingenij, ſiue ob quamuis
 aliam humanam induſtriam ad laureas diuerſarum ſcien-
 tiarum videmus promotos. Sed poſtquam huc me inopin-
 atò, traxit oratio, quamam de eodem medico fertur impietas?
 Detrectat animuſtam abſurdas referre impietates; pro pie-
 tate referam. Multis hic annis Martinum præceſſit, & ve-
 lut Luderorum propria quædam qualitas eſſet, impium eſſe
 (quod abſit credere) præbuit & ipſe ſpeciem vecordię ſuæ.

Conue-

Conuenerant, fortè in mensa, medicus Luder, & theologus quidam ex monachis: cùmq; ut fit in symposijs, de varijs rebus sermo contexeretur, accidit, ut & de sanctissima Trinitate aliquid diceretur. Inhiabat asserre plura philosophicè Luder hanc in rem; astuabátq; feruore duplici, ut probaret, nulla posse naturali ratione constare, ut tribus distinctis personis una esset natura; sed esse opus, aut tres naturas tribus subesse personis; aut unam personam uni inesse naturæ.

Contrà nitebatur monachus, sed primùm autoritate, quæ potiore in theologicis locum obtinet: & ubi humana ratio succumbebat, assererebat statim arcanum fidei: addens, quòd nisi ita firmiter crederet, igne prorsus esset multandus. Quinimò credam quiduis, respondit Luder; equare non? Credam antè Quaternitatem, quàm cremari patiar. Futilis cerebrositatis. Quid tam dementatum, quàm iocari de grauissimis rebus; & sacramenta diuinissima fidei in sales, & ineptias vertere? Ad hunc modum ex Germanis liberis, ludentes de rebus fidei illeberaliter, quidam sensum fluxerunt eò, ut seriò eiusdem mysteria nihili facerent. Sed quòd Luder cognominaretur ille, non fit propterea, quòd alterius fortasse fuerit familia; nam, ut una est omnium vox, Martinus, qui fastoso turgebat ingenio, videns, quòd Luteri nomen patria lingua sordidum quippiam significaret, stomachans etymologiam, mutauit literam, & Luther coepit agnominari, aspiratione iniecta, quæ generatim familiarissima est Alemanis. Hæc ad rem attingere volui in hoc opusculo, impatiens more diuturnioris. Odit inducias fraterna charitas, modúsque zeli est ipse zelus. Vacuus est liber, in quo causâ Christi non agitur, eiusque Ecclesiæ: inanis historia, quæ res gestas tantum includit, præterea nihil. Siquid ultra in hanc rem interim aues, neque iterum ex instituto loquentem non expectare constitui, Cocleum habes, doctorem tum catholicum, cum festiuium.

festiuum. Describit is discrimina eius tempestatis, quorum pars magna fuit; & scriptis, actisq; nouatoris, acta, & scripta sua, prudenti arte interfecit. Ego iam quædam ex his, quæ acciderunt, quæ controuersa sunt, modò hoc, modò illud, detruncata explicatione percurro; nihil post habens, quod lumen ferat historiæ, & orthodoxam adaugeat fidem. Quid enim mihi cum cacodæmone, si frugem fidei non attenderem.

Mindelheim, Sueuiæ urbs, septem ab Augusta Vindelicorum miliaribus Sueuicis, monasterio Diui Augustini decoratur, quod circa annum millesimum quingentesimum vicesimum quintum, Luthero (ut diximus) classicum simul, atque hymenæum canente, monachis desolatur, & à Georgio de Fraundsberg in protectionem religiosè excipitur. Inciperat & hoc antea cum aliquot alijs monasterijs, præsertim post Lombardicam unionem, chasmate reformationis ab Ordine scindi; unumq; ex illis fuit, quæ à nonnullis annis Generali Priori collectam, quam vocamus, soluere recusauerat, ut diximus in Kulembachio.

Prodiit ex hoc conuentu Hermannus Episcopus Nicopolensis, Doctor admodum eruditus. Pulsauimus sæpe fores, multorumq; aures obtudimus, ut eò Patres nostros reduceremus, quod ut cessèrit, dicemus in Historia magna. Illud sanè (generaliter loquens) integro magistratus nostri sexennio expertus sum, ut minùs difficilè per ampla fundarem monasteria noua, quàm vel lapidem ex amissis antiquis recuperarem: adeo immobiliter hærent bona ecclesiastica, semel quocunque titulo vendicata. Cum enim monasteria fundamus, apud eos id facimus, in ijs locis, in quibus Principes zelo religionis feruent magis: cum verò fundata reposcimus, ab ijs sæpè reposcimus, qui aut fidei auersantur, aut Ordini; siue quibus stauiter sa-

piunt aliena. Hinc æuiternum illud litigium de quatuor, ut nuncupant, monasterijs; hinc reuisiones Spirensium causarum, quod tribunal supremum est in Romano Imperio, sub silentio inexpugnabili iacent. Nam si iterum in contentionem vocandæ essent, ab illis æquissimè inceptandum, quæ antiquiorem in reuisionum ordine tenent locum: quod ne fiat, cum illis quatuor prior reuisio deberetur (ut dicam quatuor, quæ sunt annueræ) cæterarum iura causarum dicuntur nulli. Hoc modo quod occuparunt hæretici contra omne ius post edictum Caroli (appellant interimisticum) non tenent tantum pertinacissimè; sed & inde sibi fas faciunt, ut & reliqua, iniuste occupata, retineant; & occupent indies ulteriora.

Monachium, seu Monacum, urbs Bauariæ, secus Isaram amnem, ut ea, quæ in villa Schlafflarenfi, monasterij Sancti Dionysij, quondam Ordinis Sancti Benedicti, nunc Præmonstratensis, ab Henrico Duce fundata est, à monachis nomen, vestimq; nigram pro stemmatibus urbicis mutuo accepit. Jacit hic prima fundamenta monasterij nostri Ottho de Volburch, monachus notter, extra mænia in foro Neushausiano, quod iam, aucta urbe, infra mænia est, Ludouico, & Rudolpho, Bauariæ Ducibus, aream donantibus; & Emicone, Comite à Mosburg, Ordinario Frisingense, cui etiamnum in spiritualibus Monachium paret, literis bullatis consentiente, quæ incipiunt [Cum religionem sacram] & dantur in Vernigen anno Domini millesimo ducentesimo nonagesimo quarto, pridie Kalendas Apriles. Mox verò post Kalendas Maias idem Episcopus coram iisdem Bauariæ Ducibus, cœmiterium, primamq; aram in honorem Dei, Diuorumq; Ioannis Baptistæ, & Ioannis Euangelistæ, Augustiniq; Doctoris, sacrat. Habet sacrarium reliquias Sanctorum non paucas, & inter eas veneran-

veneranda ossa Beatæ Cordulæ. Latrent, ut volunt non tripites, sed septicipites Ditis cerberi in sacra corpora Beatorum; ego non ea solum, quæ tabernaculum fuerunt Spiritus sancti, cum Ecclesia, quæ una, & nobiscum est, colo; sed & eorundem, quamvis excarnium, imagines, quanto possum honore prosequor. Illi suum ad viuum pingant rasum Lutherum, tonsum Melancthonem, barbato ad ventrem usque Cnoxum, & Lascum, pingant has bellas facies illi, & dicant ultra, Siquis non prostratus adorauerit statuam auream, quam constituit Nabuchodonosor Rex, mittatur in fornacem ignis ardentis. Dan: 3. Patientissime Deus, si non sunt hæc inferorum monstra, quænam erunt? Et hi postmodum tanta debacchatione exhibant triumphantium athletarum

Christi imagines, quæ & miraculis (operante Deo) cultum suum compensant; & spirant circum numina sanctitatis. Arca igitur, & virginis reliquæ sic se habent.

[:]



Denarium verò argenteum, inter reliquias custoditum, quem dicunt esse ex ijs triginta, quibus Redemptor noster est venditus, ad thesaurum potius, quam ad sacrarium pertinere agnouimus; nisi is aliquo alio sacro mysterio ibi condatur. Cum enim non fuisse ex illis licet multis probari possit tangibilibus rationibus, hoc tamen sufficit asserere, quod cruce sit obsignatus: friuolúmque esset Ægyptiorum literas hieroglyphicas, notásque animalium, atque aliarum rerum, inter quas & crucis lignum, inducere: quasi nummus Ægyptiacis crucibus, humana quauis indole cusus, diuina contineret sacramenta, tunc illis ignota. Sed quod vel leuissimè vulgus concipit, tenacissimè retinet. Bibliotheca huius cœnobij laudatissima quondam, peruetustis Theologorum, Canonistarum, Patrúmque libris (ut nominant) positiuorum. fluens, exaratisque codicibus Doctorum illustrium. Modò concameratam ad nostræ ætatis ingenium redegimus, collectis superstitibus libris, iisdémque repurgatis, ordinatis, adauctis; quod etiam plerisque alijs monasterijs præstare, plus minus, nisi sumus. Sunt fures, mures, pueri, librorum tineæ; sed nihil eos ita abrodit, ut pulueres, quos parit desidia: & hac animus marcens, in vitiorum vermes erumpit. Hinc magni est apud magnum Augustinum iuge studium literarum [Codices, inquit, certa hora singulis diebus petantur, In Reg:] Quid est, singulis diebus? Postquam oraueritis, postquam corpori debitum vitæ reddideritis, hoc semper facite, codices volutate. Cur tantum negotij in otio literarum? an, quia ut rubigo ab ære amolitur lima, ita inertia ab animo exercitatione scientiarum? an, quia ut corpus escis, ita mens literis alitur? an potius, quia psallit vates, Psal. 117. Meditabor in iustificationibus tuis semper? an quia & profundissimi sunt naturalis scientiæ fontes, & nisi altius fodias, vix inuenias laticem? Qui addit

scientiam, addit & laborem, inquit Sapiens. Eccl: 1. Sunt enim ex seipſis inuoluta tenebris principia ſcientiarum, ſed arte magis inuoluta ſophorum: quare (ut eſt apud Plutarchum in Alexandro) ea arte Ariſtoteles philoſophicos commentarios edidit, ut ſpecimen ſolummodo eſſent eruditis. Quo reſponſo purgavit ſeſe, atque inexplebilem Alexandri ſui ambitionem paut, expoſtulantis, quòd parùm ille rectè feciſſet, diſciplinæ vulgans, quibus ipſe inſtitutus fuerat; & iſidem præcellere mallet, quàm regnorum potentia. Ere noſtra eſt hæc tractatio, & hic commodus locus. Si aſſiduis orationum iaculis ſiue animo, ſiue etiam voce iſtis, feriat monachus cœlorum arces, habet ſanè officia, quibus quotidie, quibus ſemper exerceatur; ſin autem, quid faciet? Perſeſ atus, iſis ſæpè animum implicat, quæ nil ad monachum. Lau- do opera monachorum; ſed quæ monachos decent; & ea imprimis, quibus excolitur animus. Si quando monachus ſolitudinis cadet habet domi, penes ſe habet, quibuſcum in- eat ſodalitatem: excitet libros; cum eis ſedeat; & plùs eos ſub ſilentio loquentes audiet, quàm mille hominum garri- entium in foro, atque vociferantium. Varia ſunt hic col- loquia, & mutabilia ad nutum. Si quis ſatiſidio eſſe cæperit, illicò abſque iniuria dimittetur. Nulla hic odia, nullæ iræ, nulla dicacitas. Aſſentimur, argumentamur, negamus ad libitum: hunc ponimus, illum tollimus; probamus hos, il- los nuniç; quis conqueritur? Nulla tutior hac ſocietate; nulla, ſi ſapimus, delectabilior. Congredimur hac via cum regibus, ac nobiliſſimis viris abſque cunctatione, aut inter- nuncio: adimus Pontifices Summos abſque ſecretis cubicu- lariis: ſanctiſſimos, atque erudiſſimos viros de rebus arca- niõribus, quas natura complectitur, vel veneratur, ſtatim al- loquimur; & quid iſi ſentiant, aperta, fuſq; oratione perci- pimus. Guſtaſti Præſul conſuetudinem hanc? Sed quid, guſtaſti?

gustasti? Satiaris nunquam. Siquidem (da, ut paululum de te dicam) etsi autorum numerus numero careat, tu tamen antequam ista intercipereris mystagogia, nouis semper cuedendis libris, ac si decem, aut viginti tantum codices inuenirentur Doctorum, tum Venetijs, tum Romæ, quantus, quantus eras, præeras, atque incumbebas; imò & addebas de tuo tuos. Vbi verò ad sacram mystagogi dignitatem euectus es, id ultra egisti, ut comparatis vel magno sumptu hinc inde libris, non selectulimis tantum, sed & cuiuscunque autoris, modò catholici, in tantum librorum cumulum bibliotheca tua surrexerit, ut vix crediderim, exceptis quibusdam Principum, inueniri maiorem. Siquid noui prælo committitur, haud dormis, nisi mox illud habeas; & quandoque etiam primus. Quo monumento pretiosissimo, non immemor monachus tui, Romanas ædes, Diuo Augustino sacras, non adeo ad viuam memoriam, ut ad bonam frugem posteritatis, Mineruali etiam designato custodibus, exornare contendens, ut perficeres, quæ tuo obuersabantur animo, cumulatiùs, Pontificiam autoritatem aduocasti. Hæc de studijs monachorum, de Monachio agens, dixisse satis. Grandem hic mystrarum numerum ab ipso primo cœnobij lapide inhabitasse, à sacerdotum, concionatorumq; frequentia, qui & per diæceses mittebantur, non obscure apparet. Quod etiam eleemosynarum ab externis oppidis exquisita questura; cellularum, codicum, subselliorumq; copia; atque generalium Ordinis synodorum, quæ non nisi in maioribus celebrari solent monasterijs, congregatio, satis superq; confirmant. Verum (ut est rerum sublunarium vicissitudo) etsi tantus postea cætus non nimium minueretur, repelcere tamen feruidum vitæ genus, & contabescere rigor ducentis ferè post annis incepit. Idcirco sub Sixto Quarto, & Alberto Bauarorum Duce, de reformatione est actum; & per Andream Proles,

les, in theologia Lectorem, tunc Vicarium generalem Congregationis Reformationum Alemaniae, fuit tandem & hoc monasterium Reformationi unitum anno octogesimo primo à millesimo quadringentesimo. Monachis arduorem vitam ferre impatientibus, aliorum monasteriorum prioris vitae copia facta est, succedere alijs: neque hi quidem pauci. Nono enim post anno Raymundus Periandrius commissarius Apostolicus triginta duos monachos, nempe presbyteros sexdecim, diacones duos, subdiacones quinque, clericos duos, unum nouitium, & sex conuersos in quibuidam indulgentiarum literis contra Turcas commemorat. Orto scismate ex perniciosa illa coniunctione Lombardica, defecit & hoc coenobium ab obedientia Praefulis Generalis, ut neq; collectas ei pendere, quas solebat quotannis, voluerit. Quade re anno millesimo quingentesimo contra illud, ac Norimbergense, Mindelhaimense, & Kulembachenſe (ut antè scripsimus) Erasmus Abbas ab Alexandro Sexto huic negotio delegatur. Exulceratur vulnus, & vicesimo secundo post anno cladem & hoc cum alijs tantam sentire coepit, ut paulò post, vix quidem septem mythis commorantibus, temporalia bona praefectus laicus administraret. En rerum instabilitatem. It, redit quicquid sub luna est, nec insoluitur conuientia temporis. At enervatis deinde paulatim Germaniae haesibus, & repullulantibus interim monachis, eò ventum, ut piorum stipe tricenos propè hodie alat sub Principibus catholicissimis. Habita hic comitia generalia Ordinis sub Tolomaeo Veneto, anno millesimo tricentesimo nonagesimo septimo. Excipiuntur humo Ioannes Perger, Episcopus Belmentis, Henricus Stainer, Paulus Veigel, Wolfgangus Ostermair, & complures alijs ex nostris Patribus, memoria non indigni. Si verò uniuerſa huius urbis auitam fidei catholicae religionem; si Ducum, ciuiumq; pietatem;

tatem; si ecclesiarum cultum, & in ecclesiasticos homines
 venerationem spectemus; si denique omnium vitam, mo-
 resq; disciplina quadam monasticha castigatissimos, licebit
 dicere, urbem totam monasterium esse; ut meritò Mona-
 chium nominetur, & insignibus utatur monasticis. Quod
 de Oxirinco, ciuitate Thebaidis, scribit Hieronymus in Vitis
 Patrum, id planè & Monachio conuenit. Impleta illa mo-
 nachis & expleta, ut plura monasteria, quàm domus vide-
 rentur per ciuitatem: turres ipsæ urbis, & omnes anguli habi-
 tatoribus monachis occupati: duodecim ecclesiæ præter o-
 ratoria monachorum: tantiq; undique ecclesiastici cultus,
 ut (mirabile dictu) nihil omnino interesset, in templonè, an
 in platea orationem faceret Episcopus; nam & plateæ ipsæ
 templi partes astimabantur. Nostrum verò Monachium
 tot utique monasteria non habet, singulorum tamen ciuium
 ædes ita benè viuunt, ut monasteria. Ad quam pieta-
 tem conseruandam, acque etiam amplificandam,
 perpetuò vigilat religiosissimi Principes.

Schema autem cœnobij nostri
 hoc est.





Monasterium Monacense.

Muerstat, monasterium prope Herbipolim, Franciæ orientalis principem urbem, ab Episcopo Duce alijs suæ ecclesiæ usibus utrunque applicatum.

N. Episcopi Sanctæ Mariæ Slananensis memoriam reperi in antiquo codice membraceo monasterij Pragensis talem [Anno Domini 1345. altare Sancti Ioannis Euangelistæ dedicatum est à Venerabili Episcopo Sanctæ Mariæ Slananensis, Ordinis Fratrum Eremitarum Sancti Augustini] Hinc, quot aliorum Episcoporum ex nostris nomina exciderint, non infirmum argumentum sumimus.

Neuburga, siue Neunburgk in Austria, monasterio claruit sub nomen Corporis Christi; cui loco indulgentias omnes, antè à quouis Antistite concessas, comprobat, & suas addit Bernardus Episcopus Patauiensis anno millesimo tricentesimo duodecimo. Concedit nouas Nicolaus, Cardinalis Sancti Petri ad vincula, Legatus Alemanix, anno millesimo quadringentesimo quinquagesimo primo. Sequenti verò Villhelmus, Episcopus Nicopolensis, ex Ordine nostro. Anno autem millesimo quingentesimo tricentesimo sexto Prior creatus fuit in comitibus Prouincialibus Lector Augustinus Laicer. Verissimillimum mihi videtur, hoc idem esse cum Cornauburgensi, de quo superius: sed illud repugnat, quòd primam Cornauburgensis mentionem inuenimus anni millesimi quadringentesimi quadragesimi septimi cum commemoratione nouæ fabricæ, quo anno credibile est nullè illud erectum: potuit tamen esse additamentum, priori ædificio factum: Neuburgensis verò multo priorem habemus originem; anni videlicet millesimi tricentesimi duodecimi, cum indicio ulterioris antiquitatis: nam eo anno Bernardus Episcopus confirmat, ut diximus, indulgentias, collatas pro eodem conuentu ab alijs Episcopis; si fortè & hæc (quod potuit acci-

dere) non fuerunt eo ipso anno, aliquot antè mensibus erogata.

Nicolaus Ambrosiades Fluminensis, Lector in theologia, atque ad Episcopatum Signinum Dalmatiae designatus, floruit anno millesimo quingentesimo septuagesimo

Nicolaus, Castrionensis Episcopus, ex hac vita migravit anno millesimo tricentesimo septuagesimo primo, & in nostro templo Ratilponensi à dextro latere summi altaris humatus, hac habet in lapide [Anno Domini 1371. in crastina Annunciationis obiit Dominus Nicolaus, Episcopus Castrionensis, nec non Suffraganeus Ratilponensis Fratrum Eremitarum Ordinis Sancti Augustini] Fere omnes, quotquot fuere ex nostris Episcopatum in Germania consequuti, Episcopi fuerunt titulares, & Coadiutores aliorum Episcoporum, seu Suffraganei; propterea quòd pingues illos Episcopatus, quorum nominatio ad Principes spectat, aut electio ad Canonicos, vel ipsorum Principum consanguinei adipiscuntur, vel ipsi Canonici.

Nicolaus Friesz, Episcopus Tripolitanus, agebat in viuis anno millesimo quadringentesimo nonagesimo, quo Tilmannus Limperger Argentoratensis librum ei dicauit Ambrosij corani super regulam Diui Augustini, eodem anno Argentinae impressum per Martinum Schott, castigatione eiusdem Tilmanni, Iacobi Fedderer, & Ioannis Scherrer, Ordinis nostri Baccalaureorum.

Nuremburgense monasterium, seu Norimbergense à Norico regione, anno millesimo quadringentesimo nonagesimo primo attinebat ad Fratres nostros reformatos, Andrea Proles Vicario eorum generali per Alemaniam: quo illi anno missale ibidem dedere typis, quod Viennae vidi, adiunctis hisce Augustini imagini carminibus; supernè

[Vt docet ipse Pater, sic debes vivere Frater.;
Deficiens proprio; castè; sub imperio.]

Et infernè

[Quod opus hic cernis Fratres fecere Eremitæ,
Nurnberg quos alit urbs fertilis ingenijs*.]

Vtinam iidem constanter pijs. Anno millesimo quingentesimo nec ipsos monachos, nec ipsum monasterium sub Prioris Generalis iure, & obedientia continuare, assent Erasmus, ut diximus in Kulembachio: quippe cum reformationis prætextu, & colligationis cuiusdam cum Lombardis Congregatis factæ, quam hoc esset uti privilegij, à Prælato uniuersi Ordinis, ut mox dicemus, longissimè deuiassent. Idquæ fuit illud subsequente tragædiæ funestissimæ embolion æquè funestum. O humanitatis, imò carnis legem [Quantumlibet enim vigilet disciplina domus meæ, homo sum, inquit Augustinus, & inter homines vivo] Quid iactant ij, qui se Deo non æquant modò, sed & præferunt? Et nos sumus homines, & ij homines sunt, qui nobiscum humano contubernio viuunt, lutei, vitrei, fragiles [Nec mihi, subdit, arrogare audeo, ut domus mea melior sit, quàm arca Noe, ubi tamen inter octo homines reprobis unus inuentus est: aut melior sit, quàm domus Abraham, ubi dictum est, Ejice ancillam, & filium eius: aut melior sit, quàm domus Isaac, cui de duobus geminis dictum est, Iacob dilexi, Esau autem odio habui: aut melior sit, quàm domus ipsius Iacob, ubi lectum patris filius incestauit: aut melior sit, quàm domus ipsius David, cuius filius cum sorore concubuit; cuius alter filius contra patris tam sanctam mansuetudinem rebellauit: aut melior, quàm cohabitatio Pauli Apostoli, qui tamen, si inter bonos habitaret, non diceret, quod superius commemoravi, Foris pugna, intus timores; nec diceret, cum de sanctitate & fide Timothei loqueretur, Neminem habeo, qui

germanè de vobis sollicitus sit, omnes enim, quæ sua sunt, quærunt, non quæ Iesu Christi: aut melior, quam cohabitatio ipsius Domini nostri Christi, in qua undecim boni perfidum, & furem Iudam tolerauerunt: aut melior sit postremo, quam cælum, unde Angeli ceciderunt. Hisce exemplis perspicuis, haustis de fontibus scripturarû, Hipponenses lutos sedat prudentissimus Pater, epistola tricesima septima ultra centesimam; qui ob unum, atq; alterum cucullatum non leue de Augustianis Eremitis scandalum, ipso viuo Augustino, conceperant. Nunc verò si vel lingua celsipat monachus, vel pede labitur, statim audiuntur exclamationes illæ, O cælum, o terra. Siquis ex monachis cadit (nam quis hominum perpetuò stat? continuò dextrorsum leuorsum conturbantur omnia ab ijs plurimùm, qui in altiori sordium cœno defiguntur, quasi monachus non sit homo, eo quòd monachus. Quid amabo horribilius Antichristo? quid hoc nomine execrabilius? multi tamen Antichristi ex illa originali, Christo proxima, Ecclesia, prodierunt, de quibus epistola prima, capite secundo inquit Ioannes [Et nunc Antichristi multi facti sunt] cur ergo mirum si post tot secula prodeant & alij? si, aucta Ecclesia, prodeant & plures? si & amplissimus alueus Augustinentium suos egerat. Imò dicerem, & verum dicerem; Prodierunt ij ex Ordine, non tamen fuerunt ex Ordine: Paradoxum est hoc eiusdem Ioannis, dicentis [Ex nobis prodierunt, sed non erant ex nobis] Additq; probationem [Si fuissent ex nobis, permansissent utique nobiscum] Quem locum expendens Diuus Pater Augustinus Prospero, & Hilario libro secundo, de non perseuerantibus scribit [Non erant ex eis, quia non erant secundum propositum vocati; non erant cum Christo electi ante constitutionem mundi; non erant in eo sortem consequuti; non erant prædestinati secundum propositum eius, qui uniuersa
opera-

operatur] Sed redeamus, unde, expurgantes nos primum, digressi sumus. Hic recens natus seditionum ignis, qui alias succensus, si non extinctus, sopitus tamen alicubi fuerat, medullitus serpens, quando grandiores, durioresq; animos penetrauit, fecit incendium: flagransq; magis anno post millesimum quingentesimum duodecimo, eo Saxones rastos, inter quos magis crepitabat, æstu adegit, ut ij Martinum Lutherum, turbinem monachismi, delegarent ad urbem. Sed ad quem finem? O quam vorticolum detexit exitus. Solebat gerro (ut non conuitia dicam, sed personarum proprietates) solebat inquam magnificè gloriari, se cum mille aureis hanc itionem suam non fuisse unquam permutaturum [Nequam est oculus liuidi, oculus malus ad mala] inquit Ecclesiasticus capite quartodecimo. O nequissimus, o pessimus oculus. Vnde illius Papasellus, aut Melancthonis Monachouitulus? malus oculus, nequam oculus, insatiabilis. Legatione hac arumnosissima functus, laureamq; magistralem inter theologos post reditum a Staupicio suo coniequutus, ad omnium usq; contemptum in tantum superbiit, ut quinquennio post, voluerit, instar Luciferi, cælum ipsum impietate sua inuadere. Fortè Saxo iniquo in Romanos animo erat, nouo Cæsare oreo Carolo, item Austriaco; gensq; illa, et li mouente Deo, vi tamen armorum, iugum Christianæ religionis olim susceperat: à qua sapissimè deficiens, non absque armorum collisione se in ea, volens, nolens, continu- erat. Nullo hic moueor stomacho: qui norunt annales, ita est, dicent. Fauebat Professori suo Academia. Audiebat plebs studiosissimè hominem gentilem. Agebatur Martio illo impetu declamandi, nisi dixerim veriùs, infernalissimo: delectabatur salacissimis tabellulis, quibus nugacissimus ganeo (oportet nominare lupum lupum, & vulpem vulpem) ita abundabat, ut & sermones lautissimos conuiuales ederet;

quorum,

quorum, postquam cum non puduit, miror ex suis pudere neminem. Erat enim Martinus, ut de Socrate legitur, facetus, & dulcis, festiuq; sermonis; & in omni oratione simulator, vultu adiuuante, & voce: eiq; nihil familiarius, quàm sententiosè loqui, etiam ridicula: sæpè enim & ridicula sententiosè dici docet Cicero, De oratore: atque, ut condiret hæc omnia, nouerat plectro ludere, & choreis pereleganter. Sed primùm trahebatur populus iners indulgentia vitæ, ad quam blandientissimus, Eliogabalus verè, non Elias, combustis, tolerante cœlo, legibus Pontificijs (quod & fecisset de Imperialibus, ut in suo Casareo in illum edicto asserit, Carolus, nisi temporalem gladium metuisset magis, quàm ecclesiasticum) licentissimè dimittebat. [Quibusnam rebus equi maximè gaudent? non dubium, quin equis (scribit Africano Nazianzenus) quibus aquilæ? aquilis profectò: graculum porro graculo allidere, ipsa quoque paramia docet] Quare percontanti, curnam ab alijs Sectis multi descirent ad Epicureos; ab his verò nullus ad alias; propterea, respondit Arcesilaus, quod ex viris galli fiunt, ex gallis viri nequaquam: subindicans esse homines procliuiores ad voluptatem, quàm ad virtutem: emasculatorum enim ac feminarum est, voluptatem sectari. Ad eundem modum Strato obicientibus, quod Menedemus plures, quàm ipse, auditores haberet, Quid mirum, dixit, si plures lauari cupiunt, quam ungi? unguntur enim homines ad certamen lauari verò solent ad delicias. Eam ob rem in ciuitates primùm delitiæ irrepunt, secundum Pythagoram; mox saturias; deinde violentia: postremò exitium: quod in Sectarum ingressu, progressuq; videmus prorsus contingere. Sed præstitit his omnibus autoritas Principis, à quo pendet ore immoto iuratus populus: nam etsi nullo scripto edicto cogantur subditi, a sola tamen Principis vita sibi ius faciunt: quid cum

cum & latis legibus, & præscriptis pœnis, hoc facere, illud non facere compelluntur? [Cum impij sumpserint principatum, gemet populus. Princeps, qui libenter audit verba mendacij, omnes ministros habet impios] ait Sapiens, Prouerbiorum undeuicesimo. Ita unam eandemq; Sectam complecti principatum uniuersum videmus, cui Sectæ unus adhaeret Princeps: facilèq; foret una hora omnes populos ad fidem catholicâ reducere (modò Princeps habeat neruos Principis) reductis solis eorum Principibus. Hæc pauca ad nostri Ordinis absterfionem, atque unius ex originibus malorum omnium illius sæculi cognitionem, modò sufficiant: ne vel mutilus videatur liber, nihil de his agens, cum tamen de Teutonibus agat monachis nostris; vel contemptor potioris negotij, quòd animarum salutem respicit. Utinam non eilet opus hæc tangere; sed caret tot literis Alphabètum: alibi te expectat hæc ipsa tractatio. Ecceui, si is solius Norimbergæ subuersionem in re fidei referre vellet, annus sufficeret? Norimbergæ iam nunc mercium, opum, opificum locupletissima; at catholicorum dogmatum, virorumq; religiosorum hostis inimitabilis. Noui Prælatus Ordinis, qui à visitatione Rhenana Bohemiam repetens, ubi Norimberga exiisset, cateruæ mercatorum obuius, dum dormirent ceteri in curru Fratres, exceptus libilis, vociferationibus, minis, inauditisq; scommatibus, etli ut inter scyllæos canes obturata aure transisset, mente iterans Iesu Christi nomen; vix tamen festinante auriga, post longam excursionem, ab aurium pugna quieuit.

- 1 Olomucium, urbs Episcopalis, & præcipua Morauia, monasterium Ordini nostro excitare cœpit circa annum millesimum tricentesimum sexagesimum quintum. Urbanus enim Quintus Prouinciali, & Fratribus Bauariæ, Bohemique,

miæque, ac Ioanni Marchioni Morauiaë supplicantibus, ob Bonifacij Octauï constitutionem de non suscipiendis absque facultate Sedis Apostolicæ monasterijs, concedit, ut inibi monasterium erigi, & fundari possit. Auenioni Quinto Idus Nouembris, Pontificatus anno tertio. Bulla habetur Brunæ.

Osualdus Iudemburgensis, Prouinciæ Scyriæ, & Carinthiæ, edidit compendium De fide catholica pro incipientibus, proficientibus, & perfectis, quod Malogranatum ob similitudinem multorum granorum in arculis malipunici reconditorum, nominauit, & exemplis, rationibusq; referfit. Incipit [Sancta æternitas, Pater, & Filius, & Spiritus sanctus, unus omnipotens Deus] Scriptum legi Viennæ in Austria.

Osualdus Norimbergensis ab anno millesimo quadringentesimo vicesimo domesticam concitare seditionem inter Germanica monasteria inchoauit: neque unquam ab eorum excidijs aut manum abstinuit, aut animum temperauit. Licet enim plurimi essent ex monachis comprouincialibus, qui (ut referunt acta Ordinis Bauarica) spiritu superbiæ ducti, atque ambitionis, pallium regularioris vitæ gestiebant, & plausibili Congregationis reformatæ erecto nomine, ampliora, quibus præessent, cœnobîa usurpabant, modò hæc, modò illa: licet coætaneus Osualdi fuerit Magister Henricus Zolter, & tanti monstri memorabile membrum; ipse tamen Osualdus caput fuit immane, & ipsa origo, & fax uniuersæ illius dissensionis funestissima: quicum graues, & illæ quidem quotidianæ expostulationes erant dilaceratæ Prouinciæ apud Priorem Ordinis Generalem: neque aliud rei vertebant Patres in synodalibus, quàm de uno conqueri Osualdo, ut acta clamant anni millesimi quadringentesimi tricesimi quinti, & sequen-

ris, atque alia priorum, ac posteriorum annorum, Bertoldo Ratisponense, Synodorum Vicario, & Georgio à Vallespectiosa Prouinciale, Prouinciam propugnantibus. Quapropter dicere solebat Augustinus Romanus, tunc Prælatus totius Ordinis, se plus negotij cum uno Olualdo habere, quam cum parte Ordinis dimidia. Hic ubi popularem auram in velum impulit, Principumq; animos, reformationis harmonia dulciter deliniuit, more belli, ditiora cœnobيا aggregans, Norimbergense, Mindelhaimense, Ratisponense, inde filios quadraginta septem, & Priores expulit, è Norimberga sola viginti quatuor. Subegit & Seemanshausen, & ferè omnia in Norico, nec pepercit Aultriacis, Neumburgensi, ac Vienneensi ex dignioribus. Libet hæc ad historiæ lucem, imò ad fidei emolumentum siue dislerere, siue saltem alserere: hæc enim hiulca scissmata fuere sulci illi, illæ infernales culturæ, in quibus zizania sequenti sæculo sata sunt. Apostatarunt hi primùm à primo Ordinis præside; tum ab Ordine, tandem ab ipso Deo. Neque, ut ignes ignibus adderentur, intestinis tantùm Ordo, sed intestinis & Bohemia interim uniuersa ardebat; nec in choro, nec in foro pax ulla. Vsurpabant monasteria monachi; Zisca hos profligabat. Relonabant Germanica monasteria tumultibus; Bohemica resoluta in cineres silebant: tamq; netario rerum concursu ætas illa concussa est. Clausit eam Andreas Proles, huic successit Ioannes Staupitius, primipilus suæ ætatis; qua non desijt chasma, quin potius incrementa suscepit nouato sæculo, ut ex anno quinto supra millesimum quingentesimum, nosse licet. Infandum cogente zelo dolorem renouo: perangustum, scopulisq; minax retento fretum. Est in urbe Roma inter cætera præclarissima templa illud Diuæ Mariæ à Populo antiquitate, miraculis, indulgentijs celeberrimum: ob quod ipsi Augustinensibus Eremitis ex Congregatione Lombardiæ

Summi Romani Pontifices , qua solent largitate in seruos Dei, priuilegia non pauca in honorem Matris Dei concesserunt. Hinc sibi Thuiscorum chasmatice viam sibi commodissimam sternunt , qua pedem efferre putant ab Ordinis obedientia ; si scilicet unionem simulant cum Lombardis , pedetentim ab uniuerso Ordine separentur. Timentesq; si id illico apud Summum agant Pontificem , rem pluribus , atque maioribus implicare momentis , itemq; si apud Ordinis Priorem Generalem ; ne, re detecta, infectaq; , poena digni efficerentur, quæ contumacibus præscripta est , contendunt ab ipsis antè Lombardis id impetrare. Utque res facilius ex voto succedat, quorundam Cardinalium, quorum apud omnes catholicos viros, potissimum apud regulares, magna est autoritas, Principum literis, sub velo honestæ pietatis, fauorem extorquent. Audiunt Ascanius Sfortia, & Georgius Portugallensis Cardinales, quod non pauci ex Teutonicis Eremitis Augustinensibus, desiderio sanctioris vitæ reformati, orent Congregationi Lombardiæ de Obseruantia eiusdem Ordinis cooptari; libenter supplicantium causam suscipiunt, eosq; Patribus Lombardis, synodice congregatis, amantissimis promouent argumentis. Agit huius rei procuratorem Nicolaus Besler, monasterij Monacensis Prior; Vercellas adit; congregatos ad synodum Patres conuenit; literas exhibet; & suorum petitionem omni officio, atque humilitate eisdem proponit. Annuat Diffinitorium, non attendens ulterius, & Alfonsus de Muslio, Præsidens Capituli, & Vicarius recenter electus, gratiam præstitam membræcis literis patentibus nomine omnium consignat: quarum exordium, huiusmodi est [Quæsiuistis à nobis humillimè Patres Reuerendi per Vener. sacræ theologiæ Curiorem Fratrem Nicolaum Besler, monasterij Monacensis benemeritum Priorem, ut duo vobis ex gratia speciali concedere digna-

dignaremur: unum, ut vestram Congregationem nostram aggregaremus, associaremus, uniremus; non ea tamen unione, qua ex duabus ipsis Congregationibus una fieret; nec ut vestri illinc huc ad nos; vel nostri hinc istuc ad vos Religiosi, demorandi causa, se transferant; verum remanentibus in suo robore utriusque Congregationis moribus, legibus & institutis, neutri dato, suppositoq; grauiamine, ad id solum, ut priuilegiorum nostrorum possitis esse participes: alterum, ut Procurator nostrae Congregationis generalis, qui pro tempore in Curia Romana per Dislinitorium nostrum deputabitur, vestrae Congregationis, perinde ac nostrae possit procurare, agere, sollicitare, & expedire negotia. Nos igitur, &cet. Datum Vercellis anno 1505. tertio Kal. Maias]

O mentium fascinum: quam facile caecurimus homines, ubi humanarum passionum caligine offuso animo, quid ratio innuat, non discernimus. Quis enim, vel in nubilo, petentium corda in re ipsa petita, atque adeo in petitionis forma non clare videat? Petunt Teutones aggregari; & gregatim sub uno pastore vivere nolunt: associari; & mutuam societatem relpuunt: uniri; & vitae communionem recusant.

Psalmes ait Psalm: 132. [Ecce quam bonum, & quam iucundum habitare Fratres in unum] Fraternitatem cum cohabitatione copulat; ut ablata cohabitatione, aut ipsa pereat fraternitas, aut saltem bonitas, & iucunditas fraternitatis. Ad hoc corpora uniuntur, ut uniantur & animae [Primum propter quod in unum estis congregati, ut sit vobis anima una, & cor unum in Deo] inquit Augustinus in Regula: hi vero corpoream abhorrentes communionem, timendum est, ne simul spiritualem, ac suauissimam rejiciant unitatem. Magnum chaos Germani monachi inter vos, & illos firmatis, ne valeant utrinque Fratres transmeare, quid inde refrigerij expectatis? Bella unio: ex qua chymia eam conflastis? Id negatis

in unione, quod voto promittitis in professione: plures disgregationis clausulas, quam aggregationis in ultiusmodi Græcatione vestra annectitis. Vnijs Alexander Quartus Ordinem uniuersum ex remotissimis terræ partibus, non ea lege, ut dissitis nationibus Fratres ab una in aliam Prouinciā transmigrare non possent. In Italiam afros, in Africā Italos traduxit Augustinus, cur vos fraternum renuntis comitatum? An quia Iacob in Esāu non confidit? Vter est Esāu? An formidatis in cohabitatione distantiam? Vbi obedientia? Nonne & peregrinationes longissimas, Superiorum arbitrio ineundas, ultrò, datisq; manibus spondistis? An nationum stomachamini diuersitatem? Ecce, inquit Hugo de S. Vict: sup: Reg: in una domo estis plures homines, diuersi mores, diuersa corda, diuersæ animæ; hæc omnia debet coniungere in unum una intentio, & unus amor in Deum. Fortassis in altera partium inueniuntur & mali: at quare Dominus unum proditorem habere voluit inter duodecim, nisi ut malos toleremus, ne corpus Domini diuidamus? August: in Jo: ser: 50. Quomodo autem cum illis agendum sit, eiusdem Augustini Regula exactissimè docet. Nunquid potius veremini, ne magistratus vestros usurpent exteri? at, si Regulam, ut obseruantiores profiteamini, de Prapósito legite, quòd quantò in loco superiori, tantò in periculo maiori versatur. Si tam cautè custoditis ambitionem, quid tam anxie quaritis unionem? Nihil ita hominem ab homine dirimit, ut ambitio. Quæ maior distantia, quam quæ inter cælum, & terram? bellum, & pacem? qui autem sumus in militanti, in triumphantem excipimur; è terra in cælum; &, inibi perpetuò habitaturi, exultantes conscendimus. Nulla in ea congregatione distinctio Iudæi, & Græci; Germani, & Itali: sed simile est regnum cælorum sàgenæ missæ in mare, ex omni genere piscium congreganti. Matt: 13.

verò

verò vos his vestris legibus vinculo insolubili deuincimini, quarendum fortè, num ambæ Congregationes simul esse in cælo possunt? altera fortasse aberit, siue congregans, siue congregata. Si autem uniri in cælo vultis, ut velle debetis, promissis non statis, unionis vestræ leges transgredimini, ac violatis. Si neque ibi (quod nollem) uniemini, utra extra cælum manebit? Denum additis, & postulatis, ut nihilominus remaneant in suo robore utriusque Congregationis mores, leges, & instituta: sed vel utrinque leges bonas habetis, vel utrinque malas; vel hinc bonas, inde malas: si utrinque bonas, cur boni vel nauseatur commistio, vel negatur participatio? si utrinque malas, cur eas in suo robore manere vultis, & obseruantia nomine celebrari? si vestræ bonæ, illorum malæ, quare cum illis petitis unionem? cur bonum vestrum pro munere charitatis communicare proximo vestro contemnitis? Itémq; si illorum bonæ, vestræ autem malæ, cur illi, vos secum coniungendo, salutem vestram negligunt, vósq; malis legibus, moribus, institutis viuere sinunt, atque permittunt? Vtriúsq; Congregationis leges optimæ sunt, dicetis; sed quia aliter in Germania, aliter in Italia pro regionis, ac nationis diuersitate viuendum, nos nostris, illi suis utantur legibus; utrinq; tendimus ad unum salutis finem. Esto, ut asseritis, quoad multa præcepta moralia: sed nunquid quoad essentialia Reformationis, & Obseruantia capita non potestis una lege viuere, & uniri? Quod verò polcitis, ut eodem, Romæ pro illis procurante, uti valeatis ministro, quorsum hoc? an Generalem uniuersi Ordinis Priorem, Romæ ferè perpetuò commorantem, non habetis, qui rem vestram, ut filiorum suorum, maiori autoritate, & fructu agere posset? an ibidem non semper adest generalis totius Ordinis Procurator, ut omnium Prouinciæ, nationum, monachorum causas, apud Romanam curiam agitan.

agitandas, agitet, & pro virili absoluat? an in Germania Apostolicos Nuncios non habetis, Legatos à latere, vel cum potestate Legati, quibuscum possitis commodè, ore què ipso familiariter pertractare? Verumenimuerò specialem postulant Procuratorem, qui ab uniuersali capite defectionem parauerant; priuilegijs tantum Lombardicis potiri cupiunt; abuti gratijs, & proteruire in caput: animiq; perfidiam cælare conantes, mentito unionis vocabulo, separationem à capite, & segregationem veriùs, quàm aggregationem procurant. His artibus confestim à Iulio Secundo confirmationem huiuscemodi unionis, Staupitio moliente, ac supplicante requirunt. Asserunt Summos Pontifices, Romanorum Reges, aliòsq; Principes multa quondam dictæ unioni concessisse per Alemaniam priuilegia, ipsòsq; Ordinis Generales unioni eidem gratias, & immunitates non paucas hæcenus concessisse, ut ex ipsius breuis Apostolici initio, insertæquè supplicationis serie apparet. Verum neque hæc supplicantium assertio, Græcorum caret insidijs, atque mendacijs. Anno enim millesimo quingentesimo quinto, tertio Kal: Maias facta unio est à Lombardis, & eodem anno, undecimo Kal: Iulias Apostolicum diploma confirmationis expeditur: exiguum intercedit ab unione ad confirmationem temporis interstitium, tantum quippe viginti trium dierum inclusiue: quando igitur Summi Pontifices, Romanorum Reges, & Ordinis Generales unionem huiusmodi honestarunt? Antenè? At quæ nondum erat, confirmari, & gratijs affici non poterat. Postnè? At nulla Pontificum, Imperatorum, Generalium mutatio tam exiguo dierum spatio facta est. Quia verò ab Vrbe aberat Prior Generalis Agidius Viterbiensis, visitationibus monasteriorum forensium occupatus, & Lombardicæ unionis literæ apud eos habebantur in promptu, urgente, & sollicitante Staupitio; ex altera autem parte

nemine

nemine contradicente, credidit Pontifex vera esse proposita, & non absque Generalis Prioris consilio, vel eius vices gerentis, unionem talem à Lombardis factam fuisse; quapropter ut superficietenus sanctam, iustam, piam, libentissimè approbat: Alemanisq; congregatis Vicario Generali, Vicarijs Prouincialibus, Vilitatoribus, Diffinitoribus, alijsq; Fratribus Augustinianis, in monasterijs dictæ unionis Alemanię degentibus omnes gratias, immunitates, libertates, & concessionem, omnia indulta & priuilegia, Congregationi Lombardiæ hactenus à prædecessoribus præstita, abundè communicando, aggregationem factam, Apostolicis literis confirmat, Romæ apud Sanctum Petrum, anno incarnationis Dominicæ eodem millesimo quingentesimo quinto, undecimo Kalendas Iulij, Pontificatus sui anno secundo. Lætus Stauptitius de confirmatione obtenta, ut possët hac illac, quasi victoriæ triumphum canere, Pontificij diplomatis transumpta aliquot ab Antonio de Monte, Generali Romanæ curiæ Auditore eodem anno, die quintodecimo Octobris, artibus suis euellit. Hac aura in Germaniam reuectus, facillimum duxit Alemanorum Principum, ad rem ecclesiasticam promouendam non vulgariter propensiorum, reformatæ Congregationis timpano animos excitare; unionis voce mulcere, & ad fauendum inceptis muricè inflammare. Quare etsi ab ipsis crepundijs, re diuulgata, dissidia inter monachos fœderatos, & alios confestim oriri inciperent, ignisq; seditionum, dura collisione excussus, non paulatim, quasi subdita esca, succresceret; sed quem admodum scintillaret in stipulas, mox in flammarum montes erumperet; ille tamen Apostolica inuehens potestate, à mollitis Principibus literas ad Romanum Pontificem alias, atque alias extorsit: quibus permotus idem Iulius Secundus Idibus Martijs anni succedentis, mense scilicet nono à confirmatione unionis,

Moguntinensi, Magdeburgensi, ac Salisburgensi, Archiepiscopis, executionem superioris diplomatis committit. Hinc Staupitius inter suos exorsus est (ut ita dicam) Generalizare: literas patentes membranis prælo cudit; sigillo magno, ac pensili cum rubeis funiculis ferreis insignit; titulosq; huiusmodi, turgenti quadam humilitate apponit [Frater Ioannes de Staupitz, diuinarum literarum humilis Professor, sacrae Unionis Reformatae per Alemaniam, Ordinis Fratrum Eremitarum Sancti Augustini, Apostolica autoritate Generalis Vicarius, ac Thuringiae, & Saxoniae eiusdem Ordinis Prior Prouincialis, & cat.] fit namque, ut superbiamus tunc maximè, cum humilitatis nomina usurpamus: quamobrem libro primo, capite tricesimo secundo suae Metropolis scribit Crantzius, Leudericum, tertium Ecclesiae Bremensis Episcopum, tumore apud annales notatum fuisse, quia se nunc Custodem, nunc Pastorem Bremensis gregis gloriaretur; cum tamen humilia sint vocabula Custodis, atque Pastoris: sed tamen trahunt in admirationem peregrina; & quae ad factum dicuntur, quamuis humilia, & ipsa satidiunt, superbiuntq;. Hinc decepti quidam Germanorum historici asseuerarunt fuisse illum Ordinis Generalem. Sed Agidius, iam factus conscius, unionis euentum considerat; & licet tanti esset ingenij, tantae eruditionis, & experientiae rerum, ut non multò post Cardinalium Collegio fuerit adiunctus; pietate tamen, ac religione non minùs insignis, unionem sic factam, unde spes aliqua melioris vitae haberi facillimè poterat, tolerando, tacito nuda confirmat. Secus autem exemplo accidit: nam quibusdam reformationis nomine trepidantibus; alijs, ambitione detecta, palàm dissidentibus, nutare, imò & ruere multa incipiunt monasteria: ut statim fuerit operæ pretium, diocesanos Episcopos Apostolicis literis ad rei compositionem additos, conuocare. *Haidelbergæ, & Alce-*

& Alczere cœnobia Wormaciensis, ac Moguntinensis diœ-
 cesis, monachis sub censuris coercitis, Saxoni uniuntur. Quæ-
 dam verò monasteria omni prorsus obedientia excussa, in-
 credibili contumacia ab ipso Priore Generali implacabili-
 ter defecerunt. Præ cæteris verò Ponierienſe, Erfordienſe,
 Nortausienſe, Colmarienſe, Norimbergenſe, Sanghusianen-
 ſe, atque Subergienſe : quorum ſeptem cœnobiorum cucul-
 latos Agidius Generalis, & Raphael, Episcopus Ostienſis,
 Cardinalis S. Georgij, Ordinis eiufdem ProteCTOR, anno un-
 decimo à millesimo quingentesimo, Kal. Octobris, ut ſapius
 monitos, ſemp̃rque contumaces, publica excommunicationis
 ſententia, velut membra marcida, à ſancta eccleſiaſtica uni-
 tate iuſſe amputant, atque diuellunt. Quæ, & alia deformi-
 ora diſſidia, peruerſis undique rebus, potiſſimum in Saxo-
 nia, adegerant factioſos, ut tandem Martinum Lutherum,
 monachum frontoſum, ac linguaciſſimum, Romam tranſ-
 mitterent; an rem compoſiturum, non iudico ipſi viderint:
 quid pepererit hæc legatio Martiniana, demonſtravit euen-
 tus. Ipſi verò Staupitio excommunicationis publicatio com-
 mittitur: qui Romam pro Ramſeldo, Cunthero, & Cathari-
 na de Staupitz, atq; Hermanno, & Ioanne de Weyſſempach
 multa à Chriſti Vicario exoraturus acceſſerat. Interim non
 minuitur Staupitio autoritas, ſed augetur; & in eam iſ ſuæ
 gentis exiſtimationem euehitur, ad quam pauci. Honora-
 tur in eo geminata nobilitas; commendatur literarum præ-
 ſtantia; ingenij promptitudo; animi virilitas; morigerata
 familiaritas, & in rebus pertractandis diligentia ſagax, atque
 felicitas: quæ omnia niſi interdum nimij ambitus contagio
 fuiſſent infecta, eum ad ingentem gloriam proculdubio tu-
 ſtulſſent. Hac de re Leonardus, Archiepiſcopus Salisbur-
 genſis, cum ad indiCTum Lateranenſe Concilium multis de
 cauſis ire non poſſet, Staupitium anno tertio decimo ſupra

millesimum quingentesimum deligit, Romamq; ad summum Ecclesiæ Antistitem mittit, qui Archiepiscopi rationes, cur abellè cogatur, enumeret; pro ipso publicè, privatimque, ubicunque fuerit opus, siue in Concilio, siue extra, compareat, respondeat, & ad numerum omnia, æque acipiente Archiepiscopus agat. Eodémq; anno, die vicesimo octauo Augusti, rogationibus Barbaræ Schtockhaymerynæ pro sacello Sanctissimæ Trinitatis, ecclesiæ nostræ Monachiensis centenas dierum indulgentias certis quibusdam diebus à viginti Cardinalibus impetrat. Atque hæc nunc de scilimate, quod non describunt chronica Ordinis; hæc nunc de Staupitio, qui Silenus Martini fuit, antequam is contra religionem obduruisset, dicta sufficiant.

Paden, seu Baden, urbs Austriæ, quatuor à Vienna milliariibus Austriacis distans, à salutaribus balneis, quæ desudat, sic appellata; quod enim apud nos balneum, apud eam gentem Bad dicitur, hyeme propè deserta, æstate autem ob homines vicinarum ditionum populosissima, vinorumque ferax; cœnobium ab oriente, & meridie mœnibus cingit anno octogesimo quinto ultra millesimum ducentessimum Leutoldo milite de Chreusbach fundatore, tum ibidem sepulto, qui simul septem vineis illud dotauit. Biennio post Sifridus Colonienfis Archiepiscopus, Arnoldus Babemburgensis, Fridericus Corensis, Conradus Argentinensis, Sifridus Augustensis, Rembotus Eutadiensis, Conradus Tolensis, & Bruno Brixensis, Episcopi, indulgentias pro nouo monasterio erogant. Decennio autem post Henricus de Potendorf, & Chunegundis uxor, ultra ducentorum florenorum eleemosynam, sacellum Beatæ Virginis, super balnea situm, cedentes iuri gentilitio, ad cœnobium perpetua unione deuoluunt, Clemente

Secundo confirmante, anno tertio Pontificatus, & Bernardo Episcopo Patauiente. Harencorum, rebellium, Turcarum incursiones, expilationes, incendia sustinuit sapenumero, ut nostra tempestate Hungarorum. Interdum omnino ereptum, nunc à suis cœnobitis recultum, & ab Auguthino Lombardo, Baccalaureo Priore nunc instaurari inceptum.

Papoz, oppidum Jauriensis diœcesis in Hungaria, fuit cœnobio decoratum Diuæ Mariæ, fundato à Margarita, filia Ladallai de Nadatò, Pauli de Magyar coniuge, fœmina pijsissima, circiter annum millesimum tricentesium sexagesimum quartum, Ludouico Hungarorum Rege consentiente. Litem de bonis, ab ea legatis, cum eiusdem oppidanis presbyteris ecclesiæ Sancti Saluatoris sustulerunt de medio Bartholomæus de Bonitis, Auditor Camera Apostolicæ anno 1439. Nicolaus Cardinalis Capuanus anno sequenti, & inde anno sextodecimo Petrus Cardinalis Sancti Marci. Consuluit tandem monachorum quieti Matthias Rex anno millesimo quadringentesimo septuagesimo quinto. Legi Brunæ. Hoc oppidum, quod nos Papotium, Sambucus Baboczam nominat, quæ olim à Thuigone Bassa, Budensi præfidiario Turca, proditiōe veriùs, quàm occidione, capta est. Nunc nec Budæ, nec Papotij monachus.

Parzouia, Polonicè Parczovv, in Districtu Lublinensi, diœcesiq; Cracouiensi, à Crasnostauia duodecim distans miliaribus, monasterio creuit per Ioannem de Cysion, Castellatum, & Capitaneum Cracouiensem, atque Casimiri Regis Locum tenentem, assensu regio, ad honorem Sanctissimi Corporis Christi, ac Beatorum Leonardi, atq; Martini fundato, bonis dotato, priuilegijsq; satis, abundèque munito. Autographum Casimiræ vidi, datum Cracouiæ anno millesimo quadringentesimo quadragésimo septi-

mo, die sextodecimo Martij. Jacob Criffagrum Siedliczovv, circa tempora foundationis doti adiunxit. Superest vix quidem fama, noménq; in literis.

Paulus Styrius, electus Episcopus Petinensis, viuebat anno decimo octauo post millesimum quadringentesimum, cuius meminit instrumentum locationis cuiusdam terrarum monasterij Fluminensis in Valle Sanctæ Cecilie, à Ioanne Barberich transumptum anno millesimo quingentesimo vicesimo tertio.

Paulus Veigel sepelitur in nostro templo Monacensi, his in lapide tumulari incisis [Anno Domini 1496. obiit deificus, ac deuotus frater Paulus Veigel, sacre theologie Baccalaureus, qui multo tempore fuit Prouincialis, cuius anima requiescat in pace] In morem enim venerat, ante recognitionem constitutionum Ordinis, ferè omnes tum cœnobiorum, tum Prouinciarum Priores septentrionales ita in comitijs confirmari, ut nisi ipsi se abdicarent, magistratus eis abrogari viderentur, ubi denuo non essent electi: quo abusu cùm transiliret præfecturæ in naturale dominium, compertum est, nihil esse Reip: perniciosius: eúmque imprimis in quauis nostra uisitatione antiquare contendimus.

Petrus de Garundia, Episcopus Mitroconianus, Suffraganeus Frisingensis, Horuit circa annum salutis millesimum quadringentesimum quadagesimum nonum, quo altare in choro nostro Monacensi in honorem Sancti Patris Augustini, & Sanctorum Ioannis Baptistæ, atque eiusdem nominis Euangelistæ, simul ac septem alia eiusdem basilicæ, sua quæque tutelariis Sanctis dicauit. Diploma seruatur in eadem urbe apud nostros.

Petrus Spirensis, Prior Prouincialis Rheni, theologus celebratæ eruditionis, fulgebat anno millesimo tricentesimo octogesimo sexto.

Pilzna

Pilzna Districtus, diæcesisq; Craconiensis, oppidum quatuordecim ab ea urbe remotum milliarijs, monasterij nostri principia habuit anno tertio post millesimum quadringentelimum, ab Vladislao, Poloniæ Rege, ad honorem Beatæ Mariæ ab Assumptione, Sanctarûmq; Catharinæ, ac Barbaræ fundati. Titulus retinetur solius Catharinæ: ecclesia ex fabrica: monasterium Noëticum. Est & urbs eiusdem nominis in Bohemia.

Piuonia ex idiomate Bohemico Piuonka, Germanicè Stock, à trunco dicitur, siue stipite, mons nemorosus, hercyniæ sylvæ pars horrida, quæ ob vastam eius immensitatem Bohemiam quoque procerrimis pinibus, viuis naturæ mœnibus, circumcingit. Bretislavus, Bohemorum Dux (non dum enim regum stemma in Bohemiam erat inductum) de Henrico Tertio, Imperatore, anno millesimo quadragesimo cæsis, obiectisq; circum castra obuio militi arboribus, ibidémq; feliciter triumphans citius inter ramos, quàm inter arma vincens (unde vel ab omnibus truncis catarum arborum, vel à solo trunco, in quo ipse, parta victoria, felix contedit, Stock nomen inditum loco) amplissimum monasterium ad Dei, ac sanctissimæ Matris eius perpetuum cultum, atque unâ pro suorum (quotquot eo conflictu ceciderant) fideli sepultura, mythis nostris extrui iubet: ac septennio post ab Episcopo Severo, Bohemorum Apostolo, coram eodem Bretislao, ut scribit Hagecius, solenniter consecratur. Nouerat catholicus Princeps, Deo gratias unâ cum spolijs, ut Deo exercituum, & omnium victoriarum autori, tam gratè, quàm deuotè redere. Quemadmodum victis alias Polonis, expoliatisq; Pannonijs, tantum est allequutus præda, ut militi satisfaceret, & Regradenî in Moravia monasterium augusto planè decore absolueret. Æneas, qui pius, in historia Bohemica

hemica hanc victoriam sub annum millesimum tricesimum & Henricum Secundum commemorat, atque in nominibus paululum distat à Dubrauiò: siquidem Bretislaum nominat Bisetislaum; & Procopium, Belinæ Comitem, appellat Bieli-niensium, qui ex altera parte contra Caesaris manum arma ductabat: Bernardum verò Casarianum, Procopio oppositum, appellat Othardum. At Dubrauij Pilznenlis Bohemi, suæ gentis gesta scribentis, testimonium minus reprobandum; nisi modestius velimus & id in librariorum, seu calcographos (ut fit) refundere; qui nostra ipsi haud ita vigilanter scribere possumus, quin sæpenumero tantisper oscitemus. Præditum fuit hoc cœnobium ditionibus plurimis, his exequante Domino asperitatem situs; plurimiq; populis subditis iura dixit, etiam nobilium oppidorum: scilicet antequam regio ipsa opulentissima, principe urbe contaminata, adorientibus hæresibus, velut interregno ærumnosissimo, sua viscera aperiret. Certè interregno, quando cœlestis, terreniq; regni legibus violatis, tacente Deo ob delicta hominum, anser unus fœdauit omnia, atque commiscuit: quem, ut garrulo capta augurio gentium, plebs credula, & nouitatis auida, præcipitanter sequuta est: imò & ustulatum pertinaciter, ut nec cineres Husli fuerint inuenti Constantiæ post datas ignibus poenas. Vecordia hæc hominum, ut quælibet natio, domus quælibet, amicissima sui, suum affectarit quandoque Deum: unde tot Ioues, imò Veioues, tot Larales importati à superstitionis in Orbem: quibus latissimam ornaverunt viam palps caro, & mollis hominum vita, luxibus dedita: quod Huslianis nouatoribus ita cessit ex animo, ut & alijs. Equidem licèt non aliunde, licèt non ex sacris fidei nostræ mysterijs, atque dogmatibus discerni posset vir catholicus ab hæretico, discernere tamen ex viuendi genere. Habet ille vitæ suæ ephemerim: luget modò; modò

lata-

lætatur cum Ecclesia : tundit post lapsum, pectus ; genâsque lacrymis poenitentiae rigat : quatuor anni temporû decimas ieiunijs Deo pendit : ieiunijs festos dies Sanctorû præcipuos præuenit : ieiunijs quadragenarijs imitatur Christû ; eiufdêq; memoriâ acerbissimæ passionis ieiunijs celebrat ; ieiunijs carnē subdit spiritu ; nec sine ieiunijs pascha resûmit : diémq; dominicû duabus perpetuis vigilijs antecedentibus sanctissimo, atq; vetustissimo Ecclesiæ ritu honorat. Huic verò un^o ann^o, unus est dies : nulla unius ab alio die differentia : omne tempus festiuum, æpulare, delitiosum. Est Retz oppidum, quatuor à Piuonia, de qua agimus, leucis positum in ditione Comitum Palatini : ibi quid acciderit Prælato cuidam Ordinis nostri, prætereunti ad visitationes suas, Bauariam versus, dicendi hic locus est. Is cum in Retzium pernoctaturus (ut & alias) semel incideret, ubi ad diuersorium se contulit, reperit omnia saltatoribus, ac saltatricibus, sollemnitate quadam nuptiarum, quas plerique Alemanorum in hospitij celebrant, nusta. Clamoribus, cantionibus, cytharis domus tota sonabat : atque inter vicarias dapes perpetua pocula redundantia, & quicquid secum temulentia gestat. Fuisset & eis nephas, si non & eorum prædicans, diaconusq; interfuisset, potantes, comestantes, ut ceteri, choreâsq; ducentes, comati, semitogati. Hi omnes, ut transeuntem viderunt virum illum religiosum ad cubiculum, quò ducebat hospes, mox voces edere, conuictijs incessere, cachinnari, sacrilegas occinere cantilenas incipientes, quid non ? tantum à manibus abstinuerunt. Alij Gallum, alij Hispanum esse ; multi Italum (ut erat) arbitrabantur ; omnes verò catholicum, monachumq;. Quid faceret bonus Pater inter tot cantharos ? Vexabat præ cæteris prædicans, non cessabat à vexatione diaconus. Ioannes Baptista, natione Tridentinus, professione monasticha Rattembergensis, interpretes, & comes, ceteri-
q; occupati in importandis sarcinis itinerarijs, aberant.

Hic hospes, alióqui in moralibus bonus, consulens salutem ho-
 spitis sui, illum, velut unguibus, sustulit è manibus insidiati-
 um; & in internam suæ domus abditam partem, ipsiis fren-
 dentibus bacchatoribus, hospitali pietate intulit. Inde ad op-
 pidanum Præfectum continuò refugiens, petit auxilium, ut
 tutetur hospitem. Quamvis enim in re fidei dissentiat magi-
 stratus; non tamen patitur, ut vis quævis præter omnem po-
 litiam inferatur cuius. Scriba curiæ & ipse Sectarius, adit
 protinus locum; an siti tractus; an curiositate; an potius ci-
 uili, ut petebatur, pietate nescio. Hoc scio, ubi cuniculum il-
 lum hospiti introiuit, assidens paratæ mensulæ, ad quam so-
 lus cum suo interprete presbytero humilis Pastor cogitabun-
 dus sedebat. Elto, inquit, bono animo monache, quid formi-
 das? Sum etenim, respondit ille. Ad hæc rursus, Nullus hic
 metus, Christiani omnes. Cui Pater, Ita cupio. Ecquæ, adiecit
 scriba, inter vos, & nos differentia? Vos Christiani, nos Chri-
 stiani; Christum vos, Christum nos confitemur. Certè ita
 subiunxit Præsul: sed quidam Christum prædicant & patien-
 tem, quidam tantummodò resurgentem. At ille, Non perci-
 pio. Ad quem alter; Scias, inquit, Christianorum hominum
 aliquos sequi Christum in laboribus, itineribus, ieiunijsq; in fa-
 me, & siti; frigore, & nuditate; in cruce ipsa, hósq; dici, eile-
 qué catholicos: alios verò abnuere his, & illū sequi velle tan-
 tū in lætitia, & voluptate: qui, an catholici sint, ac verè Chri-
 stiani, tu videris. Pendebat scriba à dicentis ore, subiratus po-
 tius, quàm attonitus; & priusquàm mutiret aliud, interceptit
 verba interpretes, festiuis verbis quæstionē refecans: Hora, ait,
 cænandi est, non disputandi, mi scriba bibamus. His nox illa
 exacta est; hisq; cogita, quibus fulcris horrea sua fulciant no-
 uatores. Sed non prima hæc nobis cum aduersarijs dimica-
 rio, Piuoniā repetamus. Hic Culmanus Eremita, sanctitatis
 fama clarus, in sacello Baptistæ Ioannis medium tenet; tel-
 luré-

Iurēq; in tuberosa humiliter conditus, deuotissimè inuocatur. Zulcæ, monachos flagellantis, ignibus infernalibus cœnobitici lapides deturbati, à Caspare Malefio Opauientse, Priore circa annum millesimum sexcentesium tertium maiore ex parte suis locis restituuntur, cuius anima cum Deo sit. Gessit enim is multos annos prioratum, quem tandem cum vita ipsa, subditorum rusticorum odio syluestri finiuit.

Placidus, Episcopus Andrensis, emicuit in concilio Lugdunensi anno millesimo ducentesimo septuagesimo quarto, eiusq; memoriam, propè interituram, hausi ex bulla quadam indulgentiarum ædis nostræ Ratiponenlis. Debemus & in hoc plurimum laudis ætati nostræ, quæ, ut aliæ alijs speculationibus vacarunt, ita ipsa utilibus studia sua commisit hitorijs, unde & theologi commoda magna acceperunt, nedum politici.

Podgrodzie monasterium extitisse didici ex priuilegio quodam Sigismundi Regis Poloniæ, quod Brunæ inter reliquas eius archiui scripturas reperi: quandoquidem Prouincia Poloniæ erat olim Prouinciæ Germaniæ superioris sub nomine Districtus, unita. Hanc autem distinctionem peperit tum distantia quorundam inter sese monasteriorum, tum diuersitas Dominorum, & climatum: ut ea, quæ in unius Principis ditione essent, essent & pariter unius Districtus. Quare Prouincialis Prior, cui tot Vicarij Districtuum, tanquam Generali suberant, tantæ erat autoritatis, ut titulo Reuerendissimi honoraretur, quo etiam honorabantur Vicarij generales comitorum: cuiusmodi literas plurimas ad ipsos Patres cōsulcos, ad ipsas synodos directas vidimus: non eorum, quos accusaret adulatio, vel ignorantia excusaret; sed eorundem Districtuum, vel conuentuum præcipuorum; siue etiam præstantium Patrum,

atque gestorum synodaliū. Tales sunt licet Nicolai Forster, Prioris Brunensis, ac Vicarij Moravi, anni millesimi quingentesimi tricesimi noni, pridie Kal: Maias, Ratisponam datē; quibus purgabat se se, quod ad comitia ire non possēt, hac superscriptione [Dignissimo, ac Reuerendissimo Patri Vicario Generali, ceterisq; Patribus Distinctioribus honorandis Ordinis Eremitarum Sancti Augustini, Patribus suis dilectissimis] Tales conuentus Fluminensis, anni millesimi quingentesimi tricesimi sexti, diei septimi Aprilis, quibus Patres facta electione, viua voce, noui Prioris, Ioannis Primos, eundem confirmari petunt, in hunc modū [Reuerendissimo in Christo Patri Vicario, ceterisq; Reuerendis Patribus Distinctioribus, ad præsens capitulum celebraturis in Vienna, Ordinis Eremitarum Sancti Augustini] Tales item Lubianenses, Speciosanæ, aliaq; plurimæ temporum diuersorum. Qui maior dignitatis honor etsi ad maiorem charitatis seruitutem debuisset adigere secundum autorem nostrum Augustinum, dicentem in regula [Non se exultimet potestate dominante, sed charitate seruiente felicem] diebus tamen malis anſam dedit superbiendi usque ad contemptum Præsulis supremi. Redeamus Podgrodziam. Regij diplomatis hæc verba sunt [Sigismundus, Dei gratia Rex Poloniae, Dux Lithuaniae, & cetera: Significamus tenore præsentium, quibus expedit uniuersis, quia supplicationibus Serenissimæ Dominæ Barbaræ, Poloniae, & cetera: Reginae, consortis nostræ carissimæ pro Fratribus Ordinis Eremitarum S. Augustini de oppido Podgrodzie, nostro sub castro Scepusiensi sito, nobis porrectis, permoti, ipsis Fratribus certam aream, siue domū, & hortū, absq; tamen agris, & pratis conuentui eorū contiguā, intelligentes eorū claustrū fuisse nimium strictū, apud quandā mulierē, Madley dictā, emere, eidemq; monasterio annectere consensimus, & admissimus, consensimusq; & admittimus præsen-

presentibus per ipsos Frates aream, siue domum, & horum prefatum cum omni iure, & proprietate tenendum, habendum, uti fruendum, pacifice quoque, & quiete possidendum. Quandoquidem aream, siue domum cum horto dūtaxat, ab omnibus, & singulis censibus, laboribus, & quibuscumque oneribus nostris absoluiamus, & liberam facimus, eandem libertati, & immunitati Ecclesie subijcientes, harum, quibus sigillum nostrum est appentum, testimonio literarum. Dat: Cracouię Sabbato in crastino in festo Sancti Adalberti, anno Domini 1512. regni verò nostri anno sexto] Celebrandam Regum Polonię pietatem, Sigismundorum erga clerum obseruantiam; quibus adeo prospēcta esset libertas Ecclesie, atque immunitas, proponendam omnibus seculis singulari exemplo. Quos hodiernus Sigismundus, Suecorum itidem Rex, non equauit modò, sed & superauit in multis: cuius eximie pietatis & nos, licet extorres mundo, serui tamen Dei, testes viui presentes, locupletissimi esse possumus. Neque id omittendum, tantam iam olim apud Christianos homines aquilonares reuerentiam extitisse erga Beatos, ut ab eorum festis signarent dies (uti crebrò, & in eo, quod iam nunc recitauimus, instrumento, factum vidimus) qui mos & hodie apud ipsos quoque nouatores permanfit. O utinam ut hoc retinent institutum vetus (dicam nunc veteratores) ita simul retinerent & cultum. Sed veterant hi, & nouant ad flatum inquieti spiritus, quo aguntur. Quod est impium, fit eis pium: ne quicquam curant, modò dissideant cum Romana Ecclesia: quasi sic non dissideant cum ipso Christo: quasi in hoc sit salus, non esse Romanum. Sed inculcanda nobis regia illa clausula; imò sacra; imò religiosa [Eandem libertati, & immunitati Ecclesie subijcientes.] Praga, triurbs Bohemię præstantissima, tanti magnitudinis,

ut una tres peramplas, & magnificas urbes facilè complectatur; veterem; nouam; & paruam; quæ à duabus prioribus, Vultauia, amne piscoso, disiungitur; monasterio Sancti Thomæ sub castro, à Primiſlao Bohemorum Principe, secundum Hagecium, edificari capto, ubi sacellum antea Sanctæ Dorotheæ, & cœnobiolum Ordinis S. Benedicti, ornatur. Anno millesimo ducentesimo octogesimo quinto de cōsentu Thobia, Pragensis Pontificis, recipiunt se eò Fratres nostri octauo Kal: Maias, primusq; Prior Dypoldus. Quo anno dominica tertia post pascha consecratus est chorus in honorem Sancti Thomæ Apostoli per Archiepiscopum Moguntinum coram Archiepiscopo Treuirensi, Episcopo Pragensi, & Olomucensi, atq; eorum Suffraganeis: & Kal: Iulij Wencezlauus (ut antiquitatem etiam in literis veneremur) Primiſlai filius, fundationem expediuit. Debeo Historiæ, debeo & genti hanc fidem, ut eius notas non expungam, nec in apice quidē mutem: scribant recentiores Vencellauus, perinde erit. Nouā hanc plantationem suis indulgentijs Anselmus noster, Budensis Episcopus, irrigauit quinto Kal: Decembres: & sequenti anno, nempe 1286. Tristanus Abbas Breunauienſis cum suo conuentu Benedictino, cōsentiente Thobia, & intercedente Wencezlao, ecclesiam, cœmeterium, & fundum adiacentem cedunt. Anno autem 1379. dominica in Albis, consecratur, consummata iam ecclesia in honorem, atq; memoriam Beatiſſimi Patris Augustini à Cardinale S. Praxedis, Legato Apostolico, assidentibus Olomucensi, Apolloniensi Maionensi, & Hincone nostro Ladimirienſi, Suffraganeisq; Pragensi, Episcopis. Translata tunc dedicatio chori, qui in medio templi erat antiquo more, in diem dedicationis ecclesiæ. Floruisse monasterium scholis, liquidum est ex libris Pragensibus: & earum fuisse Regentem Heynricum (ut codex vetustus habet) de Vrimarya theologum doctrina, & sancti-
tudine

rudine clarum, & Ioannem de Legnicz Lectorem, ut appellat, secundarium anno 1353. fuisseq; Heynricum Prouincialem quoq; Saxonie. Anno verò millesimo quadringentesimo Regens erat Nicolaus Pragensis. Quicunque hic veneranda corpora Christicolæ, & Berengariæ, atq; unius ex Innocentibus, nato Christo immolatis, accepi ex eodem codice membraceo, à Lectore Nicolao seniore Pragensi edito, cui antiquitas fides augeat, his verbis [Anno Domini 1410. 19. die mensis Iunii in die Sanctorum martyrum Geruasii, & Prothasii in consecratione altarium, tempore Fratris Ioannis de Dobrovicz pro tunc sacristani conuentus Pragensis, tumulata sunt hæc duo corpora in sepulchro eleuato prope altare Sanctorum virginum, & martyrum Sanctæ Christicolæ undecim millium virginum, & S. Berengariæ, filie Regis Hispaniæ, per Venerabilem in Christo Patrem, & Dominum, Dominum Venerabilem, episcopum Nicopolensem, Suffraganeum Ecclesiæ Pragensis. Quæ corpora donata sunt per Dominum Stephanum, antiquum Protonotarium Regni Bohemiæ, fundatorem capellæ S. Philippi, & Iacobi Apostolorum, & cat. Quæ corpora fuerunt eidem Domino Stephano donata per Serenissimum Principem, Dominum, Dominum Ioannem, Regem Bohemiæ, patrem Domini, Domini Caroli Imperatoris Quarti, & Regis Bohemiæ] De Innocente ibidē sic [Item eodem anno, mense, & die, ut supra, appensum est in cistula corpusculum unius S. Innocentis, quod est donatum conuentui S. Thomæ Apostoli in minori ciuitate Pragensi sub castro Fratribus Ordinis Eremitarum S. Augustini per Serenissimū Principem Dominum Regem Ioannem Bohemiæ, patrē Domini, Domini Caroli Quarti Imperatoris inuictissimi, Bohemiæ Regis] Extat & adhuc diploma anni millesimi tricentesimi sexagesimi secundi, quo memorantur multæ reliquie pro sacello ubi erat exedra, relictæ dono ab

Henfelino

Henſelino Meynhardo , & inter cæteras caput Sanctæ Chriſticolæ infra argenteam thecam ponderis marcarum undecim , & caput Sanctæ Berenghariæ (alibi ſcribitur Berghariæ) ſub forma argentea ponderis marcarum ſeptem : duo brachia earundem in vaginis argenteis trium ſolummodò marcarū : brachium deauratum, in quo erat clauſus digitus Apoſtoli Thomæ : & ex capite Dorotheæ virginis in ſerculo inaurato (conducit referre hæc) quorum duum poſtremo- rum clenodiorum valor erat ſexagenarum quadraginta nouem. Crux magna ex argento, teſta auro, cum ligno ſalu- tiferæ crucis in puro auro inclutò, habens argenti marcas tri- ginta duas, tunc pretij ſexagenarum centum & ſexaginta, id eſt totidem circiter aureorum. In brachio ſic ſcriptum erat [Digitus Sancti Thomæ Apoſtoli, quem Carolus Imperator, & Bohemiæ Rex dedit conuentui anno Domini 1356.] In ſerculo autem Sanctæ Dorotheæ ſic [Anno Domini 1354. inluſum eſt in iſto capite cerebellum Sanctæ Dorotheæ virginis, & martyris, datum per inelytum Regem Wencezla- um, fundatorem huius conuentus Sancti Thomæ in Praga, aum Sereniſſimi Domini Caroli, Romanorum, & Bohe- miæ Regis] Idem autem eſt dicere Primislaum fuiſſe funda- torem, ut apud Hagecium, & Wencezlaum, ut hic, atque di- cere, fundatores fuiſſe Reges Bohemiæ, quod enim uni Re- gum tribuitur, ſucceſſoribus iure hæreditario conuenire vi- detur. Niſi (& id ſimilius verò eſt) quod Primislaus parens inchoauit, Wencezlaus filius, paternam æmulans pietatem, perfecit : ut hic, & ille meritò fundatores dicantur. Sed gra- ui moueor coniectura hæſiſſe multò antè Fratres noſtros in territorio Pragenſi, more forſitan eremitarum extra urbem, ut de Ratiſponenſibus, & Viennenſibus actum eſt, deinde verò introductos per Primislaum, & Wencezlaum Reges. Nam cum Bretislaus, Ducum tempore, monaſterium Piuo- nienſe

nienſe monachis noſtris fundauerit anno milleſimo quadra-
geſimo in iſtis regni confinijs, mirum eſt non alibi, non cir-
ca iſtam principem urbem habuiſſe eum quempiam ex Fra-
tribus, quos ipſe tanti faciebat. Quinimo in eadem urbis re-
gione, ſub eodem titulo eccleſiæ Sancti Thomæ fuiſſe mona-
ſterium noſtrum multis ante prædictam foundationem annis
non ſolum cōiectura moueor ex erectione monaſterij Stoc-
kenſis, verum etiam ex teſtimonio firmiſſimo, atque irre-
fragabili tabularum regni Bohemiæ, in quibus anno milleſi-
mo octogefimo ſexto in vigilia Sancti Laurentij Vaniek de
Blafan coram beneficiarijs Pragenſibus proteſtatus eſt ſe
vendidiſſe hæreditatem ſuam in Poſtrzielyn, id eſt undecim
ſexagenarum groſſorum cenſus annui cum curijs ruſticali-
bus, agris, pratis, & omni libertate ad ea pertinente, conuen-
tui Sancti Thomæ Ordinis Eremitarum Sancti Auguſtini in
minori ciuitate Pragenſi. Quocirca adhuc maior præſup-
ponitur huius cœnobij antiquitas, & forè multo maior an-
tiquitate Piuoniens: fundatio autem Primiſlai, ac Wence-
zlai potuit eſſe renouatio quædam; ſiue reſtructio fuerit, ſi-
ue amplificatio. Et vel ex hac antiquitate, vel ex magnifi-
centia monaſterij, vel ex nobilitate Ducalis urbis ſolebant
quondam Pragenſes Priores eſſe Vicarij Diſtrictus Bohe-
miæ, ut ex multis habetur literis, præſertim anni milleſimi
quingentefimi quinquageſimi noni, Michaële Priore. Di-
tabatur autem ſacrarium alijs reliquijs non paucis, & aureis
vaſis, argenteisq; atque peripetalmatibus eccleſiaſticis regali
ſumptu pretioſis, ut in eodem codice legitur, quorum omni-
um iacturam armato milite tempus egit. Sufficiebat enim
Ziſca unus, monachomaſtix, cyclops tartareus, ut, exercente
Deo ſic ſeruos ſuos, etiam iſta cœnobiorum nomina, vix un-
quam longo labore inuenta, deciderent. Eo clauſtra de-
moliente, & in monaſtichos Ordines, omnemq; clerum, an-

no decimo nono à millesimo qnadringentesimo , furoribus, nunquam auditis, defœuiente, augusti, sacratîque lapides cœnobitici Pragenfès uniuerfè conflagrarunt, monasterio Sancti Iacobi Conuentualium Minoritarum in vetere, & Slouanensi Benedictinorum altero, quod Emaus dicitur, in noua urbe, diuino iudicio superstitis, anno propemodum centesimo ante abominationem Saxonicam desolantem : quo tempore & alia per regnum monasteria Zulcano gladio occiderunt. Pingunt huius nefariæ cladis, ut nobilissimi stromatis historiam speciosam allœclæ ; eôq; beluato gratissimo aulas parant : quale & in foro Melnicij picturatum aspeximus, & Ciatlæ ; quæ urbs monstrum illud immane dederat, & resumpsit. Deferuescente verò persecutione, elumbatisque hæresibus, cœpere illicò regerminare loca pia, & florem, nitoremque pristinum imitari : nostrumque monasterium magna ex parte excitatum sub Augustino de Iesu, Prouinciale, iuuante Cæsare, ipsôque Summo Pontifice Gregorio Tertiodecimo stipem mittente. Adiecta deinde alia, atque alia. Tandem collecto spiritu, iunctisque viribus, ab anno tertio post millesimum sexcentimum ad hunc usque octauum, quo scribimus, dormitorio magno, bibliotheca, officinis, claustris absolutum, sacrario & templo renouatis, & auctis, Magistro Ioanne Baptista Christellio Priore, ac Prouinciale Bohemiæ sub Rudolpho Cæsare Augustissimo, atque pijsimo fide catholica reuiescente, quasi ex fluctibus inopinato emerfit : ut præter magnos ædificij sumptus, mystas ibi alat tempestas nostra prope vicanos, & (quod maius est) regularis vitæ feruidos zelatores. Synodum hic prouincialem celebrauimus secundo anno magistratus nostri, Austriacis, Morauis, Bohemisque Prioribus conuocatis : & eorum cœnobia, atque Silesiæ in unam Bohemicam Prouinciâ decretis synodicis (de quibus aliâs)

aliàs) redigentes , primum eius Prouinciæ uniuersæ Prio-
rem, à Patribus electum, ipsum Christellium, confirmaui-
mus : qua distinctione consultum est monasterijs, mona-
chis, Ordini, si quisque suis contentus calceis, suo benè vaca-
rit officio, non sua quærens, sed quæ Iesu Christi ; ut in
nostra Historia leges latius. Cœnobij li-
neamenta hæc sunt.

[†]





Tramontana, Alona, Torino.

Pragæ item in noua urbe monasterium monialibus nostris cupienti erigere Carolo Quarto, annuit Innocentius Papa, Auenioni, anno Pontificatus sui secundo, octauo Kal: Maias, & consentit Ernestus Archiepiscopus Pragensis anno millesimo tricentesimo quinquagesimo quarto, coram quo ad reuerentiam Sanctæ Catharinæ virginis fabrica incipitur anno sequenti ipso Cæsare (quod est verè Cæsareum) in fundamentum deiiciente lapide primum; sic enim iaciuntur & fundamenta regnorum. Adauget idem dotem foundationis, anno eodem, eximitq; locum ab oneribus: mox triennio post alijs gratijs clementissimè afficit. Delinientibus demum morte monialibus, deuolutum est ad Patres nostros monasterij Sancti Thomæ, eiusdem urbis, conferente Cæsare. Ludmilla à Weskouitz ultima Prior anno millesimo quingentesimo sexagesimo quinto sepelitur ibidem. Spectabilis est huius loci sacra turris, ob magnam proceritatem fulminibus odiosa; iucunda plaga, nobilitata Carlosio, domo Caroli, imò Dei. Causam autem foundationis fuisse ferunt, quòd Carolus dum de vita Pisis periclitaretur, virginem vidit astare gladio, propugnareq; quam Catharinam martyrem fuisse credi dicit, cuius deuotissimus erat. Quare postquam ex Italia redijt, anno prædicto in gratiarum actionem hoc virginetum virgini edificauit.

Pruck Germanicè, pons Latinè, cuius nominis plurima Germaniæ oppida, urbs Austriæ prope Laithen montem, sexto à Vienna milliari regionis illius, Hungariam versus, coenobium habuit, ubi Osualdus Iudemburgensis Malogranatum suum composuit. Anno millesimo quadringentesimo duodeuicesimo, conuentum prouincialem, Bertoldo Ratisponensi Præsidente sustinuit. Millesimo verò quingentesimo tricesimo sexto Prior erat Ioannes Klopentstainer.

Quinqueecclesiense in Hungaria cum sex alijs monasterijs
Thulcorum, ante Agidianum anathema, iugum regula-
ris obedientiæ petulanter excusserat.

Racioffium, vernaculè Ročovv, Rothlou, & Rotzavv, ar-
chidiaecelis Pragensis, Saxoniæ versùs, quod inter Bohe-
miæ oppidula Hagecius affatim numerat, distat à Praga
milliaribus septem, & à Melnicio totidem; locus nemo-
rosus, & eremitis idoneus, ditionis Dominorum de Kolo-
brath: in cuius valle, quæ dicta est Beatae Virginis, in ho-
norem eiusdem, monasterium extruere supplicanti Al-
berto de Kolobrach, Capitaneo Regni Bohemiæ, quarto
Nonas Ianuarij anni 1373. annuit Carolus Quartus Im-
perator, & Rex Bohemiæ; ac bona stabilia, ab Alberto ad-
dida monasterio, pietate ingenua ab exactionibus, &
grauaminibus quibuscunque ordinarijs, siue extraordina-
rijs eximit. Quod item confirmat Wenceslaus Romano-
rum Rex anno sequenti, die vicesimo tertio Aprilis. Hinc
biennio consecrantur altaria, & Binoldus primus Prior
Racioffiensis, unâ cum Nicolao, Prouinciale Bohemiæ;
Leone, Priore Pragensi; Sbinkone, Priore Insulano, in
theologia Lectoribus, atq; Henrico Selnicz, Priore Melni-
cense, & Iacobo, Priore Albeni, pactis subscribunt funda-
toris, indulgentes tempori: quæ namq; uno tempore pro-
mittuntur, seruari alio tempore minimè possunt. Hoc ano-
no, scilicet octogesimo à millesimo tricentesimo, feria se-
cunda ante festum S. Laurentij foundationem complet
Albertus pro monachis tredecim: quippe presbyteris no-
uem, & clericis quatuor: tum decennio exacto dormit in
Domino, & ante altare maius sepelitur. Illud autem hic,
quod & ante dicturus eram, obseruandum me vulgata di-
cendi ratione infra Germaniæ nomen Bohemica, Hunga-
ricâq; monasteria connumerasse, non ignorans, aliud esse
regnum

regnum Bohemiæ, aliud Hungariæ; diuersa idiomata, diuersos mores: imò Germaniam ab Alemania distinguit Hieronymus in Vita Hilarionis; si non ut à genere speciem, certè ut à specie speciem [Inter Saxones, inquit, & Alemanos gens est non tam lata, quàm valida, quæ apud historicos Germania, nunc Francia dicitur] Hodie verò Germaniæ superioris, & inferioris latissimo vocabulo & regna, & prouinciæ multæ continentur, & perinde est Alemaniam dicere, atq, Germaniam. An verò Alemania ab Alemanno fluuiio, an ab Als manner per etymologiã dicta sit; & an Germania à germine; an à Gar ein man; an potius à germanitate cum Gallis, definiant ipsi Germani.

Radelspurgæ fuisse anno millesimo quadringentesimo septuagesimo octauo monasterium nostrum accepi ex descripto Paulo Veneto super Animam bibliothecæ nostræ Ratisponensis, in cuius fine legitur [Explicit primus de anima per me Fratrem Conradum Lutifigulum, secundum famosissimum Doctorem, Magistrum Paulum de Venetijs, correctus verò per me anno 1478. dum eram Prior localis in Radelspurga, die 27. Iulij] In actis verò Prouinciæ nostræ Bauariæ anni 1536. sub dispositione Districtus, Stryriæ, Carinthiæ, atque Croatiæ post Hirtenfeldense monasterium ita legitur [In conuentu Rakispurch remaneat Frater Breg. Graittler] quem puto eundem esse cum conuentu Radelsburgensi.

Ramsau, monasterium Prouinciæ Bauariæ, Comitatus Hagensis, prope ipsum oppidum Hag, à Monaco sex distans leucis, à Seemanshausen vix ultra; fundatur à Georgio de Fraunberg ab Hag, anno millesimo quadringentesimo duodecimo, seu biennio post secundum Hunnum: sed Auentinus medium tenens, recenset sub anno tertiodecimo post millesimum quadringentesimum. Consentit, fauēt-

fauētq; Episcopus Ratisponensis foundationi, quousquetunc
 eius Episcopalis ditio protendebatur; & parochiam Kirch-
 dorfensem, cuius Ramſtauenſis erat filialis ecclesia, eo pacto
 concedit, ut caſtrum Hochemburgenſe, quod oppignora-
 tum habebat Georgius, poſt eiufdem obitum cathedrali Ra-
 tiſponenſi abſque alia compenſatione recideret. Additq;
 caploniam (ut vocant) Sancti Nicolai, foundationis virorum
 nobilium de Velbm, Romani Pontificis autoritate. Nunc
 verò Kirchdorf ad Episcopum pertinet Friſingenſem, & su-
 um habet presbyterum: quod ut acciderit, nondum habeo
 exploratum. Concordat in his Hundius, de monaſterio a-
 gens: at ſuperiùs regeſtans Episcopos Ratiſponenſes, obiter-
 què foundationem eiufdem loci tangens, inquit contigiffe
 ſub Ioanne, Episcopo, Quadragelimoprmo Ratiſponenſe,
 his verbis [Anno ultimo huius Episcopi Dominus Georgius
 de Fraunberg in Hag, fundauit monaſterium in Ramſtau a-
 pud Hohenburg cis Oenum, Ordinis Sancti Auguſtini Ere-
 mitarum, idq; cum conſenſu huius Episcopi, ad quem locus
 ille pertinebat] Sed hic Ioannes fuit creatus Episcopus poſt
 Albertum anno milleſimo quadringenteſimo viceſimo pri-
 mo, occubuitq; anno poſt ſeptimo, nempe viceſimo octauo
 poſt milleſimum quadringenteſimum; quo quippe anno
 fundatio monaſterij facta fuiffet. Poſtea verò nil retractans
 eius; quod ſuprà de Episcopis dixerat, de monaſterijs agens,
 foundationem ſub Alberto collocat, qui anno milleſimo
 quadringenteſimo nono fuit creatus Episcopus, & anno vi-
 ceſimo primo à milleſimo quadringenteſimo decessit è vi-
 uis, infra quod temporis ſpatium cœnobium Ramſtauenſe
 habet exordium. Creuit autem adeo proſperè, ut anno
 milleſimo quadringenteſimo ſeptuageſimo ſecundo ſuffer-
 ret onera comitiorum Ordinis prouincialium, in quibus vi-
 ces tenuit Prioris Generalis, Andreas Bylinan; cæterum Lu-
 the-

cheranismi rabiem, unguésq; crebrescentibus innumerabiliter catulis, non eualit : ut vix tandem recuperatum, Monacensium Fratrum nostrorum administrationi, & clientelæ, dilapidatis videlicet omnibus, committeretur. Quod Augustino Pſchier, Priori tunc Monacensi, confirmat Petrus, Episcopus Fanensis, Nuncius per Germaniam Apostolicus, donec aliter per Pontificem Maximum, siue Ordinis nostri Prælatos prouisum esset, anno millesimo quingentesimo quinquagesimo primo. Tum verò Ioannes Cardinalis Moronus, Nuncius item Pontificius, Alberto Duce Bauariæ postulante, Episcopo Frisingensi Ernesto committit, ut, si monasterium Monachienſe sufficientes redditus, ad nostros gymnasij alumnos imbr educandos, non haberet, & Ramsäuenſe in deserto loco esset, monachis destitutum, adeoq; dirutum, ut ipſes omnis reparationis abesset, Ramsäuenſe Monacensi uniret : dummodo illud suis non fraudaretur obsequijs, sed portarentur debita onera consueta. Quod, anno millesimo quingentesimo septuagesimo sexto commissum, anno millesimo quingentesimo octogesimo fuit operi mandatum : eoq; interſtitio quadriennij perpicuè demonstratur non defuisse motus, quibus unitores in aduersam sententiam ferrentur. Qui enim fieri potest, ut suis quantuliscunque viribus vigens monasterium, ecclesiastica onera terre nequeat, ferat tamen postea viribus tranſlatis, si non extinctis? Hac certe via dum uni ferre opem credimus; alteri, maiorem opem exigi, non desolationem ſternimus, sed euerſionem. Hisq; effcis hamatis haud uno in loco pleraque ecclesiastica bona in laicorum ſagenam latentem delapſa sunt; & monachatus tacito odio aut diffamatus, aut diminutus saltem, si non deletus : qui tamen eò magis deberet esse amori, atque honori viro catholico, quò magis est inuisus cuius hæretico. Sed ea est humanæ inhumanitatis conditio, ut neglectis suis


flagitijs enormissimis, aliena, quantumvis parua, magnifi-
 cant errata, & illosos seruorum Dei, digitorum nodos ocula-
 tissimè obseruet Mundus, ipse immundus manens, corru-
 ptus praeordijs, & undique sordidissimus. E quidem ni-
 hil fore ecclesiasticis rebus tuius arbitror, quàm vel nun-
 quam, vel id quidem rarissimè & rebus manipalpatis, quan-
 do omnino aliter fieri nequeat, locorum piorum suppressio-
 nes (ut benè vocant) admittere. Bauaricis rebus longè
 optimè prospectum est, Ducibus catholicissimis regularia
 protegentibus. Quod verò Albertus petijt, rogatu petijt
 Monacensium Fratrum: & hi commodum Monacensis mo-
 nasterij, non ultra, quærebant. Sed Ramsäuca dimembra-
 tio non diu mansit; nam anno millesimo quingentesimo
 nonagesimo secundo reparatis tantisper ædificijs, rebûsque
 in melius commutatis, fuit per Mauritium Tertium Par-
 mensem, eo tempore Prouincialem Bauaria, Ferdinando
 Comite Hagense, ex Ducibus Bauaris, desiderante, soluta
 unio, restituito Ramsäuenli cœnobio pristinae fundationi, ac
 priuilegijs suis. Nos verò inspecta rerum mutatione in
 visitationibus nostris, cupientesque monialibus Viapacen-
 sibus, eiusdem Prouinciæ, virginibus religiosissimis de alte-
 ro ex vicinioribus monasterio (Schvvacense ad Brixinen-
 sis Antistitis curam iamdudum deuoluto) proillarum pro-
 pagatione, & comodo providere, ac simul cultum diui-
 num, opesque tenuissimas Ramsäuenles in dies (quod mo-
 nialium clausura, industria, dote satius fit) magnificando,
 ædificia fulcire nutantia; eadèmq; instruere nouis: qua
 via monasterium illud, auctum spiritualibus, ac temporali-
 bus bonis, semel suis, ut alia, conitaret integris viribus, con-
 sensu Principis Ernesti, Episcopi Frisingensis, Electoris Co-
 loniensis, autoritate item Apostolica, & Distincti ejusdem
 Prouin-

Prouinciæ, illud monialibus Viepacensibus, ut se habet Viepacense, saluo iure foundationis, communicauimus, ut in literis anno millesimo sexcentesimo septimo, die quartodecimo Decembris Ratisponæ expeditis'. Quo anno, sumptibus monialium earundem, & auxilio Ferdinandi Ducis, clausura circumducta; refectæ, auctæque ædes antiquæ; & pro sacellano, & socio, atque hospitibus, nouum muro ecclesiæ orientorum ædificium à primo lapide admotum. Superiunt adhuc libri aliquot veteris bibliothecæ, non minus beneficorum religionem, quam priscorum Patrum studia, & ingenia referentes'. Delectat repetere, quod valde prodest. Bibliothecarum monumenta in singulis cœnobijs, non nostris tantum, sed & alienis, & quantumvis exiguis Alemanniæ, in uisitatione nostra Apostolica sub Clemente Octauo admirati sumus'. Dignissima monumenta, unde licet non conijcere modò, sed & euidenti demonstratione concludere, quot eruditis, quantæque eruditionis Patribus floreret quondam Teutonia. Hinc tot descripti codices laboris impensissimi; tot lucubrationes speculatiuarum disciplinarum; tot libri concionatorij: hinc splendida monasteria; lecturæ publicæ; præfatus: hinc demum probitas vitæ, iam choro exercitata, iam literis'. Quamobrem excuso edicto monimus Fratres nostros anno millesimo sexcentesimo quarto, quod referre ad litteram, ut iuxta historiam, non grauabor [Quantopere Illustrissimi Principes ac deuotissimi Patres nostri in ecclesijs erigendis, bibliothecis instituendis, cœnobijsque adificandis, in Germania cum primis elaborarint, testantur templorum machinæ, mirificè sumptuosæ, sanctarum reliquiarum copia, & ornatus; sacra uasâ aurea, atque argentea; sacerdotalia indumenta, gemmis varijs, pretiosisque contexta: librorum antiquitas, & numerus, in singulis monasterijs congesto-

rum, quorum ubique adhuc extant exuvia lacrymabiles; deniq; monasteriorum eorundem pradia, pagi, oppida ipsa subiecta. Quæ omnia etfi bellorum depopulatione; hæreticorum usurpatione; rerum, hominûmq; vicissitudine, mutata alibi; alibi omnino misère amissa; diminuta alibi, à pristino splendore deciderint, attamen huc usque in supersticiibus, tanquam in extremis radijs, clara illa superiorum temporum species, maiestas, pietas, exactissimè nolsitur. Nôsq; desiderantes, inuenta ad numerum reficere; & resecta, trans numerum augere, nedum seruare, quamuis de vestra singulorum religione, vigilantia, integritate securi simus, zelo tamen officij nostri, distinctionem factam in nostro capitulo generali, Parisijs celebrato anno Domini 1329. & in postremis constitutionibus Ordinis nostri, parte tertia, capite decimo septimo innouatam, huc scorsum, perspicuèq; transferre volumus. Mandantes singulis quibulq; Prioribus regiminis nostri sub præcepto formali, ut hoc transumptum, in tabula compaginatum intra suorum conuentuum bibliothecas assigendum curent.] Continet autem constitutio excommunicationem latæ sententiæ in quosuis Fratres Ordinis nostri distractores, alienatores, vel usurpatores librorum librariæ, sacrorum sacrarij, & reddituum quorumcunque monasterij. Ramlauiense sic

esse puta.

[†]



Ram. uirg. Mont. uirg.



Rappolzveil, in Alsatia superiori, Prouinciæ quondam Rheni, & Sueuiæ, claustra monachis viduata, occupat.

Ratispona in Norico, seu Ratisbona, quasi ratibus, Danubio elabente, amica, & comoda, Germanicè Regenspurg, à Reginoburgo obsoleto; quod est Reginopolis vocabulo, quo etiam nominata olim est, finitimum, à Romanorum regijs, seu reginis castus (ut in sua historia Bauarica notat Marcus Vellerus, Titus Livius Augustanus) monachis nostris sub annum millesimum ducentesimum quinquagesimum quintum, occasione miraculi venerabilis Sacramenti, monasterium excitare per amplum deuotissimè cepit: & ab Alberto, quem & Adalbertum nominat Hündius, Ratisponense Episcopo, templum dedicatur. De quibus foundationis initijs Leonardus Pauolthz in sua additione chronici Andreae Reginoburgensis ita scribit [Anno Domini 1255. quidam presbyter in ciuitate Ratisponensi corpus Christi pro quodam infirmo portans, in lutum profundum cecidit in loco, qui Iudenpurk dicebatur, hostijs salutaris Sacramenti dispersis: ubi statim facta capella in honorem Corporis Christi: postea verò monasterium Augustinentium Fratrum ibidem fundatur, Conrado Hiltprando, & Vlrico von der Prunslait magistris structuræ existentibus] Ieiunè nimium, & perfectoriè de tanto miraculo agens, velut notissimio; tanto inquam, ut inde ciuitas suis condere sumptibus augustum in eo loco, nedum monasterium perelegantem, afficeretur. Quod sanè cur factum in ea parte, eoque tempore esset, nisi quid mirabile illam hostiarum defluxionem commitatum fuisset, aut subsequutum? Accedit autem nostra, nostræque ætatis vulgarissima scribentibus, ut leui calamo id faciamus, fastidientes tritissimis rebus multum operæ impendere, fallaci quadam imaginatione decepti,

ita eas singulas innotescere etiam exteris, & innotescendas
 seculis quibusque futuris, ut modò nobis, nostrisq; nota
 sunt. Secus verò, cum vetustiorum temporum res explo-
 ramus, in minimis ipsis, ac minutissimis rebus moras longio-
 res nectimus, nullum lapidem non mouentes, nihil relin-
 quentes intactum, ut lultremus singula, vel abditissima: &
 quia virtus vertatur circa difficile, hinc maior laus historici.
 Quæ habemus, negligimus, quæ nos fugiunt, quibus care-
 mus, sectamur anxie. Erat (fidem huc aduoco) in ea urbis
 regione, quam Iudæi incolebant, hostes crucis, pons ligneus,
 unde Iudenburek dicebatur, quò, velut in compluuium, se-
 se testa imbris, niuibûsq; exonerabant; ac de fœcata con-
 fluebat ciuitas, cuiusmodi in locis putidis Iudæi, post Iesum
 crucifixum, ac Titi, Vespasianiq; de eis triumphum actum,
 inter Christianos harere solent. Ea sacerdos cum viatico
 sacro pertransiens ad fideles communicandos, pedum la-
 psu, id permittente Deo ad memoriam mirabilium suorum
 renouandam, decidit, & benedictas communionis hostias ca-
 su diffudit. Tunc visi (o mirum) alati cœlites deuolare, ser-
 uire creatori suo; visi inquam colligere hinc inde sacras pla-
 centulas, & reuerenter ad ciborium, unde deflexerant, re-
 portare. Quinimò mirum, nisi recissent; atq; eidem cui mini-
 strauerant in deserto vincenti, seruirent apud Patrem trium-
 phanti: eiq; obsequio famularentur Angelico, qui ruinas il-
 lorum consortio impleuit humano: qui luce purior; cœlo
 serenior; Sole ipso lucidior, omnia cœlorum culmina victo
 mundo transcendens, in eo Sole tabernaculum posuit, unde,
 ut lux mundi, diuina, atq; inestabili emanatione processerat.
 Manet, ad hanc usque horam, huius miraculi integrum,
 & illud quidem vetus, altaris pallium in eodem templo, ex
 lana colorata, opere textorio, & schemate vario; in quo &
 pons stratus, elatus fulcris; & presbyter chlamidatus, ruens;
 & effusæ

& effusa circum portiunculæ Sacramenti ; & colligentes undique Angeli ; & lequens turba admirabunda, & pauens, uti in ingenuo, ac fidei antiquitatis testimonio, ad hoc usq; momentum visuntur. Porro super eiusdem sacelli aram, verè ter sanctam, reconditorium prisco more pro eucharistiae tabernaculo : in cuius ferreis valuulis idem miraculum, coloribus iam ævo attenuatis, & cum nigrore quodam obnubilato confusis, ita tamen, ut discernatur, eò deuotius, quò simplicius figuratum. Continuò indulgentias Episcopi complures nouo loco, qui Capella Domini dictus est, amplissimè applicant. Annòq; septuagesimo quarto à millesimo ducentesimo, sedente Lugduni Apostolico catu pro concilio generali, Reinaldus Lucerinus, Hilteprandus Eistadiensis, Petrus Pataviensis, Bruno Brixinensis, Viruanus Mineruen-sis, Stephanus Cubsanensis, Ymerius Actiensis, Iacobus Mainensis, aliq; Episcopi, thesauros ea de re fundunt, quotquot possunt, indulgentiarum. Ab eo tempore capta est ad venerationem tam admirabilis Sacramenti, & fouendam fidelium deuotionem singulis quintis ferijs eo in templo post summum sacrum solennis processio clericalis : usq; subinde recepta, & indulgentis remunerata ; de qua Syluester Episcopus Chiementis anno millesimo quadringentesimo quadragesimo septimo, & Petrus Cardinalis, Episcopus Augustanus, & Vdalricus, Episcopus Gurgensis in collatis remissionum bullis anno millesimo quadringentesimo sexagesimo secundo meminerunt, quæ singulæ in eodem monasterio, in quo scribimus, leguntur & hodie. Est què adhuc sacellum sub choro pensili eiusdem basilicæ ad portam aquilonarem, habens subcauatum, inæratumq; altare ; ubi opinor, vel pontis partem, in qua lapsus contigit, fuisse ; vel sacras miraculi hostiolas inclusas ; vel ad earundem honorem luminaria, & lampades (quod simillimum vero est) perpe-

tua nutritione confortas; illudq; singulariter esse, quod ante Capella Domini vulgariter dicebatur.. Non rusticana hæc, sed urbana gesta, inter ipsos fidei hostes Iudæos. Non deuotissimis fœminis historia credita, aut nocturnis visionibus reuelata mysteria; sed palam id factum est, meridiantē propemodum Sole, in urbe augusta, ceterua omnigena cœcis prosequente. Nec longè pòit, altero non minore miraculo, sanctissimæ eucharistiæ dignitas, veritatq; comprobata est eo ipso in templo, crucifixi recolendo spectaculo: cuius ex ligno simulacrum, quasi fumigatum, nunc usque cernitur; vultu nigricante; genis concauis; & barba paululum secta, ut comis; ventre intruso; corpore exeso; pectoréque articulado, & tuberoso; prominentibus ad numerum oilibus; brachijs, tibijsq; excarnibus; manuum, ac pedum digitis parum, ruditerq; diuisis; tenebricosum undique, ac ulcerosum; deuotionem simul, atque horrorem ispirans: cuius species est deformitas, sed Christiana; quam ars, non incitia fecit; pietas, non casus; Scripturæ instructio, non phantasia sculptoris [Non est species ei, neque decor; & vidimus eum, & non erat aspectus, & deliderauimus eum despectum, & nouissimum virorum; virum dolorum, & scientem infirmitatem, & quasi abconditus vultus eius, & despectus, unde nec reputauimus eum] inquit Ilias capite quinquagesimo tertio. Verè languores nostros ipse tulit, & dolores nostros ipse portauit: & nos putauimus eum, quasi leprosum, & percussum à Deo, & humiliatum. Ipse autem vulneratus est propter iniquitates nostras, attritus est propter scelera nostra] Mouet ad lacrymas, super omnes, quas unquam viderim, hæc una beata effigies; terrèq; adeo contemplantes, ut ad compunctionem urgeat peccatorum. Siue Christum intueri quis velit patientem, siue se conterere delinquentem, hic oculos figat, & suorum, velut ipectro formidabili pecca-

torum torquebitur; & passionis dominicæ compassionem cum crucifixo Iesu cruciabitur. Ferunt & hoc: in eo altari, ubi hæc erat, colenda imago, inter sacrum faciendum vacillasse semel de transubstantiatione presbyterum: quo agnito ab eo, qui scrutatur corda, & renes, mox crucifixus excussâ è clauo dextera; brachiôq; extensio, calicem è manu sustulit sacrificantis. O Deus, quàm potens es, & quàm suavis simul in iudicijs tuis. Habetur huius gestæ rei memoria in limbo antiquissimæ tabulæ, intra quam crucifixus & modò manet, Germanicis caratteribus in hanc sententiam [Semel titubanti presbytero de Sacramento, crucifixus calicem in eleuatione summouit è manibus | eadêmq; traducta in picturas opere historiali, unâ cum miraculo hostiarum, in prægrandis, & admodum veteris fenestrationis chori ad Austrum coloratis vitris prospicitur, alijs è regione ad viam publicam fenestris ex tenebrionum vertiginosa lapidatione attritis. Ita simiæ, ne suam speculentur deformitatem, deformant speculum, atque comminuunt. Veritas autem eucharistiæ in utraque specie, geminato miraculo, sese rudibus insinuauit, & tardis corde, ea ipsa tempestate, qua magis à theologis disquirebatur, alijs alibi interim signis mirabilibus diuinitus ostensis, Thoma Aquinate, Doctore Angelico, in eam rem plurimum laborante. Ipse verò crucifixus in sacrarij aram ad tutiorem custodiam tempore nostro translatus. Familiare enim est aduersarijs, imagines Diuorum hostiliter infectari, fœdare, terere, ludibriosè inquinare; idq; omnino facere grassatoriè, quod obscænis laruis non item. Superstat portæ, huius basilicæ, ad Septentrionem simulacrum Genitricis Dei, æquè antiquum, ac basilica; quod ubi, pius in Superos, coloribus renouandum curauit Georgius Gansmayr Prior (& ego aderam) postridie conspersum vidimus atramento teterissimo. O inferiorum ethiopes. Non satis est nigrescere conscientijs,

scientijs, nisi & nigredinem offundatis Sanctis ! Vndenàm,
 si non à corde hauristis ? à paludibus Acheronticis ? Velitis,
 nolitis, speciosissima est Maria. Denigrate, stendete ; Ni-
 gra sum, illa ait, sed formosa. Cant: 1. Potestis tingere, de-
 turpare nequaquam. Vos, qui Deo ad aures loquimini,
 quando vultis, sine ullius internuncio, aut intercessione ;
 vos, quibus nihil est curæ, nedum reuerentiæ, amicorum
 Dei, explodite eorum imagines à delubris vestris : deturba-
 te, comminite, dissipare, ut scitis, Beatorum statuas : nos, qui
 eos religiosè colimus, & inuocamus, eorum quoque imagi-
 nes, inò illos in imaginibus, veneremur : & crucifixi
 effigiem, ut incidi festinanter potuit, hic, ad
 pietatis frugem, ac diuinorum mira-
 bilium monumentum, re-
 uelemus.

[†]






Einmal da verzweifel ein Priester am Heiligen
 Sacrament das er den Kelch aufhob Nam Ich
 das er die den heil zu Regensburg

Ratisponensium autem Patrum eximiorum antesignani fuerunt, Fridericus Laicus, pro beato habitus, & in sacello Sacramenti anno millesimo tricentelimo vicesimo nono sepultus: Nicolaus Episcopus Castriensis, anno millesimo tricentelimo septuagesimo primo secus summum altare humatus: & Bertoldus, Doctor praeclarus, de quibus superius diximus. Viguerunt hic scholae Ordinis, & locuples bibliotheca in toto eo spatio, ecclesiae proximo, quā nunc supernè à dormitorio ad oratorium itur: ubi muro interiecto orientorū, quaecunque inuenimus librorum vestigia, superstitibus pulpitis vetustescentibus restituta, obseruauimus, resecto nouis cubiculis dormitorio. Magnam hic olim habitasse monachorum turbam, ex multitudine fenestellarum, atque coenaculi splendida amplitudine, quò in comitiorum imperialium celebratione conuenire solet scribarum cohors, atque dictata gestorum omnium excipere, manifestè probatur. Noui & ego hac aetate senem Ratisponensem, qui ad septuagenos hic Fratres degere se viduè recordabatur. Quam loci affluentiam, ac magnitudinem indicat planè synodus Ordinis generalis, ibidem habita anno millesimo ducentesimo nonagesimo. Post autem Lutheranismò inualecente, ipsaq; urbe certatim Lutherum exinde colente (propè dixerim adorante) labem pluribus ex partibus, ut & alia, ita & hoc patitur monasterium. Quapropter de Episcopis Ratisponensibus scribens Hundius, hac circa annum millesimum quingentesimum sexagesimum sub Georgio, Episcopo quinquagesimo primo, refert [Guardianus Franciscanus aedificia sui monasterij pleraque demolitus est, magnis lapidum plaustris diuenditis. Idem fecit & Prior Sancti Augustini, qui profugus decimas, & vineas à suo monasterio abalienauit] tanta enim haereticorum

pertinacia est, ut non rarò vel inuitos ad petitiones suas de-
 flectant animos, vel effringant: qua quidem & ipsam à Do-
 minicanis Patribus extorserunt ecclesiam Ratissponensem:
 in qua (animaduertente Deo) etli iterum, atque iterum co-
 ram frequentissimo populo sermocinaturus, ita mutiret
 predicans Lutheranus, ut nec Ba fieri posset; altero tamen
 iuggeto adiuncto sequentis columnæ scapo, cessare cœpit,
 ipso interim prisco pergamo non sustinente nouatorum bla-
 sphemias. Dicerent ipsi calum aliquem fecisse hoc, non iu-
 dicium Dei, videntis, atque viuentis; scilicet subito primùm
 ægrotante Ministro, deinde verò reualefcente. Ita & Pha-
 rao, quæ patrabat Mosès miracula, non ad Deum referebat
 autorem, sed ad præstigias, ad naturales causas, ad quiduis ali-
 ud. Sed unde euenit esse omnes Martinianos, quotquot in
 urbe, catholicorum verò præter ecclesiasticos, ciuem esse,
 permitti nemini? Rursus, cur hi, qui tanquam vallum cir-
 cumiacent mœnibus, quantumuis multitudine bonum op-
 pidum constituerent, omnes tamen catholici? sanè quia ma-
 gistratui parent illi hæretico; hi verò Duci catholico: illi
 subiacent urbi Imperii; hi verò Duci Bauariæ. Hinc
 liquet, quod suprà diximus, facile fore omnes catho-
 licos, modò hi, quibus præferuntur falces, vi-
 uant catholicè. Quale modo

sic monasterium,

vide.



Ratisponensis Monasterium



Rattemberga in Comitatu Tyrolensi, quinque ab Oeniponte milliarijs Germanicis, à Schvvacensi, monialium cœnobio, duobus; à Seefeldensi octo; à Monachienti quatuordecim; & à Salisburgensi totidem, illustratur celebri monasterio Dni Augustini, ad Oeni fluminis ripam fundato a Ioanne Kumerſprucker de Kuntelburg Barone anno millesimo tricentelimo nonagesimo, qui ibidem sublimè conditur, more priscorum. Consenserat foundationi Pilgrinus Archiepiscopus Salisburgensis anno millesimo tricentelimo octogesimo septimo. Honoratur comitijs prouincialibus anno tricelimo primo post millesimum quadringentelimum, in quibus Magister Georgius a Valteſpeciola Prouincialis eligitur. Ioannes Pres, autor loci, primusq; Prior, vitam mortalem cum æterna (ut suggerit pietas) commutat anno millesimo quadringentelimo quinquagesimo quinto; eiusq; cineres in antiquiori ecclesia requiescunt. Abundat monasterium (quantum fert locus) sacris vasis, vetubusq; ecclesiasticis pretiosis; & bibliotheca, olim congestissima, nunc non vacua, nobilitatur. Fluctuauit interdum, contraria temporum, hominumq; administrantium conspiratione, re domestica satis infelicitè gestà, exclusis aliquot annos monachis. Verùm quantumuis multorum detrimentum bonorum passum fuerit, postremum nihilominus euitauit naufragium, Excelsæ Cameræ Oenipontanæ protectione, auxilioque. Cuius & iam nunc pietatem ac vigilantiam sub Maximilano Archiduce religiosissimo quotidianis argumentis experitur. Cùmq; huic Seefeldensi duntaxat, de quo agam inferius, his antehac annis cœnobium accesserit ex nostris in eo Comitatu, proximo Schvvacensi ad Brixinentem iurisdictionem (ut meminimus) auocato, Bauaricis & hæc duo monasteria sub uno Prouinciæ Præsule sociantur.

eiantur. Huc primum ex monasterijs mihi commissis ap-
 puli superatis alpibus Tyrolensibus, cum praefecturam iniui
 Germaniæ: hoc mihi iter minus iniucundum, siue ex Italia
 veniens, siue in Italiam rediens: nam etsi aut per Heluetios,
 aut per Carnos, aut, trajecto Adriatico, per Liburnos fuisset
 mihi aliàs profectio commoda; placuit tamen semper eam
 urbem, quæ in limbo alpium sita est earundem, renascenti
 amore inuisere, ubi Cardinalis mei Seripandi ossa, in agone
 Ecclesiæ exagitata, eò gloriosius, quò humilius humata
 iacent. Ecquænam sepulchri pompa, non dicam me-
 rita, sed labores, quos exantlauit Hierony-
 mus, æquaret unquam? Cœnobium
 autem Rattembergicum
 tale est.
 [†]





Rotterdamse Nieuwe Kerk.

Rava, ab alluente flumine eiusdem nominis nuncupationem adeptæ, urbs est in Ducatu Masouia, & Archiepiscopatu Gnesnensi, duobus à Varſauiæ milliaribus Masouicis, à Velunia triginta, à Xianzo viginti quatuor, ubi locorum sunt ædes Ordinis. Hic monasterium Beatæ Virginis, unum ex tribus, à Samouito, Duce Masouia fundatis. Ligna in uniuersum omnia. Subijcitur Prouinciali Polonia; & hoc primum nobis obuium à Silesia Prouinciā intransibis, Varſauiam versus, ubi tunc regni comitia habebantur. Reliqua in cecanouia.

Raynolbientis cœnobij memoriam suo Quadragesimali æternam reddit Stephanus Wittembergensis, Raynolbiæ prioratum gerens. Spectabat, credo, ad Saxones. Fuit hæc Prouincia, monachorum copiosissima, unde & conuentuum quantitas existimari facile potest; sed nec veteres, nec neoterici huic negotio operam nauant. Prætermittunt nostris, aliud prosequentes; negligunt summo studio aduersarij, quod id non tenuem altæ splendorē monachatu vident: quam rem antè etiam annotauimus: etsi de regularium non Mendicantium monasterijs agant quidā. Constat autem, ab ipso anno septingentesimo septuagesimo quarto, quo secundū aliquos Saxonia fide Christi suscepit, monasteria in urbibus fundari cepta. Sed cum de hac Prouincia in Historia agemus, disceremus singula: & quæ ex actis synodalibus accepimus monasteria, recensēbimus.

Rheni Prouincia, & Sueuiæ, quæ quondā Argentinensis, ab Argentina, nobilissima urbe, dicebatur, diues tunc monasterijs ad triginta, tantum ob Luthericas faces, quibus vicina erat, concepit incendij, ut in fumum conuersa crederetur. Quamobrem Seripandus meus literis ad Hofmeisterum datis Romæ die tertiodecimo Februarij, anni millesimi quingentesimi quadagesimi tertij, ait, nullam eius

Prouinciæ apud Ordinem memoriam per decennium, & amplius, extitisse (quippe ex eo tempore, quo Lutherus cucullo tandem abiecto, vel suos fecit, vel palantes monachos) gratulans ei, quod vel renatam audierit ea tempestate: ipsamq; propterea à collecta absolutam esse declarat [Quæ vobis, inquit, iure remittitur ex generalis capituli decreto] Erat tunc Prior Prouincialis ipse Hofmaisterus, fueratq; antea, nam in officio à Hieronymo confirmatus, in quo multos annos, ad obitum usque, indefinenter perseueravit. Tenet modò Ioannes Georgius Greyffenstein clauum Prouinciæ, Pater in magistris laudatissimus.

Salisburgum, olim Iuuauium, idemq; Bauariæ pars alpina, nunc Principis Archiepiscopi sedes, sacriq; illius Principatus urbs metropolis præclarissima, & diues, Saltam anem, ut suum thalamum, porrectis hinc inde brachijs, coniugio æterno complectens, inter herbidum circumstantium montium conopæum, naturæ opus; octodecim à Monacensi, quatuordecim à Rattembergensi, duodecim à Seemanshausensi, ac decem à Rauensi monasterio distans milliarijs Alemanicis. In ædibus Mariæ Virginis à Miln, hoc est à moletrina dictis, ubi quondam collegium à Cardinale Burchardo, Archiepiscopo Salisburgense institutum fuerat, loco quaquauersum peripicuo, & salubri, vitæ monasticæ percommodo, & quantum regio fert, delitioso, sumptuosum monasterium à Wolfgango Theodorico, Archiepiscopo, & Principe, pro duodenis monachis, minus sufficienti dotatione fundatur anno millesimo sexcentesimo quinto. Atque die vicesimo Maij Fratres hinc inde euocatos ad numerum duodenarium, exultante urbe, introduximus: illudq; monasterijs Bauaricis, quæ regulari dudum viuendi norma antecelluere externa eius Prouinciæ, connumerauimus, latis legibus, regulæ Aurelianæ

lianæ vicinioribus; quod omnibus locis, nuper fundatis, expedire magis duximus, quàm ipsas opes: nam sicut perquam arduum est, ut homines, nisi à pueritia castigatis moribus sedulò imbuantur, eos retineant grandiores, ita & monasteria. Anno autem secundo post foundationem fabrica, Principis ære ex conuentione, festinanter prouecta, auctaq; sub Iacobo Pistore, primo eius loci Priore, consummatur. Suapte natura est ingenium Principis Theodorici, ut Memphiticas moles, ut Salomonis fabricas proximè æmuletur, æquè atque is videatur ad ecclesiastica promouenda, ferè dixerim ad Mundos erigendos, omninò natus. Norunt hæc, qui ante hæc Salisburgum viderunt, modòq; dicere possunt, Salisburgi nomen in situ duntaxat substituisse: ceterum nouam Memphim, nouam Ierusalem, Bizantium nouum, velut ex aquis Salsæ exiuisse. Nihil non hæroicum exorditur; nihil non sacrum, & propè diuinum, non aggreditur absoluturus: eaq; celeri, atque incredibili expeditione, quæ decet tantum virum, & tantas vires. Ne mihi iam illud Isocratis recites, rhetoris esse, ex paruis magna, ex magnis parua facere: nam illud veriùs rhetoris est, parua, ut parua; magna, ut magna, ostendere: quanto magis historici? Non rhetoricor; nil exaggero: hoc certè cuperem, res, uti se habent, posse describere. De his agimus, quorum nec testes desunt, nec latent opera: si, discutillà humanarum passionum caligine, à lino sericorum discernamus, aurum à calyce. Cœnobij figura hæc est.

∴





Saxonica monasteria, de quibus paulò antè in Raynolbia nonnihil diximus, Thuringianis sic necebantur, ut unum haberent Priorem Prouincialem: eadèmq; tot erant, tantòq; grege monachorum referta; ut ea peltis, quæ ab anno millesimo tricentesimo quadagesimo sexto ad lustrum usq; quasi censendo hominum capita, uniuersas terras lustrauit, duàsq; mortalium partes sustulit, sustineret etiam ab Ordine nostro Fratres octoginta quatuor supra quinquies mille, quorum ducenti quadraginta quatuor erant Saxones. Horribilem coniurationem temporum. Tria secula tribus cladibus, ut tribus lanceis confederunt Ordinem: primum peste; secundum scismate; tertium hæresi: trecentessimum supra millesimum adortum est corpora; quadringentesimum diuisit animas; quingentesimū confecit has, affecit illa. Qua Deus animaduersione ambientes Abtiones punit, olores parentū, Dauidum cōtemptores. Schontal habetur in Valle speciosa.

Schlaifaim, Bauariæ pagus, uno à Monaco milliari Germanico, lacerationem significans, cui minor eiusdem nominis non procul accessit, nouem sacellulis, haud multum inter sese distantibus, in sylua non admodum imiti, eremitico cultu ad deuotionem acuendam, incitandūmq; ad cœlestia spiritum, uti rosario, coronatur: quo etiam numero quæ prius septem, modò nouem, visitantur ecclesiæ Urbis. Altera hæc Pauli Eremiarchæ Thebais, Antonij Ægyptus, Hieronymi Bethlehem; altera Augustini Patriarchæ Africa. Hic illa ex rudi cortice tuguriola, aquarum ductus agrestes, arborum opificia, monachorum contra otium otia iucundissima. Custodiunt singuli eremita sacella sua; habent singuli cellulam, hortulum, puteolum: nent, glomerant, pingunt, cæras liquant, & candilant: operi quisque suo, quod orationi superest, momentum impendit.

pendit. Nihil est, quod eorum aures exturbet, præter campanulas, & peregrinos aliquot, quicunq; eò, pietatis officio, properant. Inter hæc sacellum visitur, Diuo Rhenato sacrum, non procul à Diui Guilhelmi, & aula Principis. Illi cœnobiotum (eremulum dixerim propius, structuræ prorsus eremiticæ) hortulo paulò maiore, & officinulis, pro mystis nostris, consensu Ernesti, Archiepiscopi Colonienfis, Ordinarij Frisingensis, à Principe Guilhelmo fratre, omnibus Christianæ pietatis operibus deditissimo, anno à partu Virginis millesimo sexcentesimo sexto adijcitur, & secundo Iulij sub eremiticas leges iuxta rigorem originale Ordinis, monachis exhibetur, Augustino fues, primo Priore. Fecimus Monachium Oxirincò simile, in quo viginti nullia virginum, decem millia monachorum; atqui si comparationem ad uniuersam Bauariæ ditionem extendemus, dicemus meritò, Ducatum integrum urbibus, villis, nemoribus ipsis, mores religiosos monasteriorum referre: atque Schlaisfamiticis tuguriunculis Palestinam Hilarionis sancta æmulatione inuadere; in quibus (quid ultra monachus? perennes ædes, nullo lapide terminatas, nobis ædificare; mandata Dei, victa carne scrutari; & sacra studia, quieta mente, exercere possumus: quæ omnia Sanctus Prosper Aquitanicus in epigrammatibus suis super sententias Diui Augustini, hoc hexasticho comprehendit.

[Scrutari legem possunt utcunque quieti,

Si mundi à strepitu libera corda vacent.

Vt mens ergo pijs studijs intenta iuuerur,


Prælia diuinus carnea vincat amor.

Nam templum Domini per sacra silentia crescit,

Et tacitè struitur non ruitura domus'.]

Eremitæ autem Rhenatensis contignatio ad hunc se modum habet.

Schuten-



Schuttenhouen, Bohemiæ oppidum. Hic Ioānes Bohemorum Rex supplicanti Elisabethæ coniugi concedit, ut Fratres nostri ædificent monasterium literis expeditis Pragæ mense Iunio, anno millesimo tricentesimo tricesimo nono. Vide Sicca: & in Historia magna tomo quarto, ubi dissero, cur in fundatione cœnobiorum postulabatur alicubi facultas Principum.

Schvvatz, urbs Tyrolensis ad Oenum, duobus à Rattembergamillaribus nationis, monasterio decoratur tituli Sancti Martini: ubi moniales nostræ, quæ à plerique annis Episcopo parent Brixinensi; olim verò Prouinciali nostro Bauariæ.


Seefeld villa infra ardua iuga montium Tyrolensium, piscinis, stagnisq; amica, unde appellationem meruit, ab Oeniponte archiurbe tribus disiuncta miliaribus patrijs; & ob rectum iter Italiam versus, indèq; in Sueuiam, Bauariamque, ut quælibet floridissima ciuitas, Germanis, exterisque notissima; templum habet parochiale Sancti Oualdi, à Friderico Archiduce Austriæ post miraculum venerabilis Sacramenti, millesimo quadringentesimo tricesimo primo in hanc, ut est, formam erectum. Cui Maximilianus Primus monasterium pro monialibus anno decimo octauo post millesimum quingentesimum magno sumptu à fundamentis admouit; quod, morte interrumpente et usque ad culmina, & ad tecta, imperfectum tamen deseruit. Huc Maximilianus Archidux, Rudolphi Cæsaris frater, Magnus Teutonici Ordinis Equitum Magister, viris omnibus religiosis, tum nostris propensissimus, & Camera Oenipontana monachos nostros admittit anno quarto post millesimum sexcentesium Excelli Regiminis accessione consilij. Consentit, & parochiam cedit Christophorus Andreas Episcopus Brixinensis, vicesimo sexto

sexto Iulij : & vicesimo primo Septembris, anni eiusdem, introducimur, Georgio Humelio Francone, primo Priore. Saxsis, ac sylvis horridus ; niuibus, & glacie ferox ; eremiticæ tamen vitæ, pœnitentiæq; maximè commodus locus ; atq; pristinum (quod laudarem in alijs) redolens institutum ; nam, scis, Antonij eremitæ fama excitatus, surrexit Augustinus ad Christum ; & antequam sacro baptismo initiaretur, in rus secessit, Mediolano relicto. Mitto iam Simplicianum, eremitasq; Etruriæ. In Africam regællus agrestem vitam, sed religiosam duxit cum suis : & unctus presbyter, coactûsq; ad munia obeunda sacerdotalia, imò etiam partim Episcopalia, à Valerio, non intra urbem, sed extra, tamen si prope in Episcopi horto edidit monasterium. Sublatus item ad Episcopatum rediisset ad solitudinem, ut libro decimo Confessionum, capite ultimo confitetur, nisi charitas pastoralis, qua gregem suum pascebat, Christo Iesu dictante, vetuisset. Hac de causa introducti demum Eremitæ nostri in urbes, nimirum, pro faciundo sacro, pro absolvendis pœnitentibus, pro explanando euangelio, & huiusmodi : & hoc maximè Alexâdro Quarto, Pontifice, Ordinem congregante, magnificante, & fernè denuò instituente. Profunt sic alijs, qui sibi antea proficiebant. Profunt & sibi modò ; quia quod alijs benè vivunt, in eos redundat meritum, propter quos benè vivunt. Proderant antè & alijs ; quia & pro eis orabant, eisq; exempla Christianæ pietatis, ac pœnitentiæ exhibebant. Sed quantum rigoris remissum sit monasticæ disciplinæ, postquam urbana facta sunt monasteria, experientia docuit ; nec sine euidenti mendacio negare possumus. Temperat autem solitudinem Seefeldicam quotidianus itinerantium transitus, quem paulò antè meminimus ; exhilarat frequens peregrinatio hominum ad Osualdicum templum pro soluendis votis, pro impetrandis gratijs, pro iuvanda sacra hostia, & adoranda.

Quapropter non prius deconare aër, & mitescere hyems incipit; non prius deferuescere æstas (quæ breuissima Alemannis est) quam eò undique commeare festinent homines; hi deuotione tracti, hi etiam curiositate. Quæ magna confluentia peregrinorum miram attulit affluentiam iacrariorum. Tu verò, qui tantum abes, eius saltem, quod exterius in Seefeld est, percurre

imaginem.

[✠]



*St. Peter und Paul
Kloster*

L

Y 3



Seefeldicum verò miraculum, unde alia, atque alia subsequuta, euenit ita. Osualdus à Millser, loco Halæ Oenipontanæ proximo, dictus Millserus, cum præsideret in Schloßberg, castro in finibus Comitatus illius, Bauariam versus, anno millesimo tricesimo octogesimo quarto communionem sacram suscepturus diebus paschalibus, in Seefeldense templum, illi vicinius, ac finitimum descendens, ambiit maiorem hostiam, qua celebrant sacerdotes, eamq; à presbytero requisivit. Qui vel nobilitate hominis ductus, vel simplicitate propria, vel potius instinctu diuino, alterâ pro eo, quantam postulauerat, cōsecrauit. Hanc ille ore acceptam, cum lingua traicere, mirabiliter ab offenso numine coerceretur, in terræ chasma, de repente hiantis, ad genua usque delabitur: dexterâq; sinistrum altaris labrum pro adminiculo apprehendens, nouit vel inde se lapide duriores: etsi enim integra, grauis, solida mensa esset, nonnihil tamen eorū dependens, velut abominans præuaricantis manus, stigmata infossa ad hanc usque horam retinet contrectantis. Mox sacerdos hostiam ab illius ore retrahens, & sanguine miraculoso affectam, veluti carnem viuam, mortu dentium fauciatam, tremebundus aspiciens, veneranter seruat. Tum Osualdo humiliato, suūq; piaculum precibus expiante, famulus, reuersus domum, coniugi domini sui, cunctantem virum expectanti, rem adamussim narrat. Musset hoc nuncio femina incredula; & iteranti magis perfidiosa. Credam, inquit, antea ex hoc arido caudice oriri rosas; quæ (mirum) dicto citius, ad illius fidem excutiendam, redarguendâq; infidelitatem, tanquam ex virenti rosario germinare visæ. Ipsa durior, atque infidelior, eas irata exerpens, protereus, conculcansq; furijs inde agitata amenitiæ, per Scharniticam syluam vagabunda diuino iudicio periit.

periit. Multis hanc tractauimus historiam, ad religionem sanctissimi Sacramenti optime meritò amplificandam, in libro De quantitate hostiæ, eodem foundationis huius monasterij anno Pragæ excusò, qui incipit [Comitatus Tyrolensis] ad quem remittimus ulteriora sciscitantem. Sed & hoc. Ferunt, quarto post hoc miraculum anno, obsessum à dæmone, in montibus peruagum, ut paulisper à vexatione quieuit, fretum huius fama miraculi, in Seefeld accessisse: quando autem peruenit ad circumiacens camiterium, ingreßurus sacellulum Deiparæ Virginis, quod in vestibulo eius est, ab irato Satana, exire coacto, fuit in lapideo ostij poste adeo furenter capite pulsus, ut fusus inde cruor, tanquam riuuli, nunciusque ibi impressus videatur: abralæque sæpe superficies, semper easdem retineat maculas reuiuas; non velut naturalis venæ, cuiusmodi millenis in lapidibus reperiuntur, ludente etiam saxis natura: sed ut lanæ purpura madefactæ. Nunc quandoquidem duplex sanguinis miraculum, Filij unum, Matris alterum, huc commemorauimus, addemus & tertium Præcursoris ad illustrandam catholicam fidem; quamuis non Seefeldicum (quis numeret singula Seefeldica? à nostris tamen ecclesijs petutum, & nondum alijs literis commendatum. Adiunt Neapoli in sacratio monasterij mei Sancti Ioannis ad Carbonariam urnulæ quædam obsignatæ orificijs, seruataq; in cistula religiosè abique ulla schedæ distinctione. Fama est impleri eas Beatorum cruoribus, cineribusq; quibus Ladillaus Rex, monasterij illius fundator, in eo templo sepultus, vel foror eius Ioanna, quæ ei in regno successit, sacrum locum ditare voluerit. Has Syluester Calenus, adituus, pia curiositate permotus, exponens aræ, festis quibusdā sollemnioribus, obseruansq; nunquid notitatis in ulla illarum appareret operatione diuina; unde ad quos

quos Sanctorum spectarent reliquiae, cognosceret; idq; pre-
 cationibus, ac sacrificijs saepe faciens, vidit tandem in una ex
 urnis, quae obdurato, nigrôq; sanguine plena erat, ut is vix
 pro sanguine haberetur, rubore viuido cruorem tingi, mox
 sensim liquefcere, tum etiam moueri, & subsilire, ut tunc ef-
 fusum à viuo corpore: & hoc quidem ipso die Decollati Io-
 annis: quo festo singulis deinceps annis id ipsum accidit, &
 fortè accidebat & antea, nescijs Fratribus: atque ex eo tem-
 pore pro sanguine honoratur Baptistæ eiusdem confluente
 populo, & admirante. Nôsq; anno millesimo lxxcentesi-
 mo seruientes Fratribus in illius Congregationis magistra-
 tu, affectiq; pio desiderio videndi singula; qua hora; quo or-
 dine; qua transmutatione id fieri inciperet, desisteretq; non-
 nullis ante festum diebus, clenodio urnulæ superposito aræ,
 dum sacrum faceremus, attendebamus quotidie, quid eueni-
 ret: cûmq; nihil unquam horum inspiceremus, angebamur
 dolentissimè, refundentes id totum in culpas nostras. Pri-
 die verò festi, hora nona, cû summo altari sacra urna in suo
 ferculo esset exposita, oraretq; ante eam Pat'halis à Libano,
 Pater laudatæ probitatis, ac deuotissimus, qui tunc erat à sa-
 cris, & cum eo clerici aliquot, & qui postremo sacro adfuerat
 populus, mutari primùm sanguis tantisper incepit, tum co-
 lorari; deinde similis ceræ, vicinæ igni, liquefieri; denique
 rarefcere, fluere, ebullire, usque ad labellum urnulæ: mira-
 bilius autem circa horam tertiam eius diei festi, ad me-
 ridiem usque. Quod per octauam quotidie accidit.

Non possumus, quæ vidimus, non loqui. Sec-

feldicæ verò hostiæ miraculum hic

potes commodè me-
 ditari.

..



Seemanshausen monasterium, quod Auentinus Seemanshusium, & cum eo Hundius contubernium nominat, in nemorosa, sed frugifera Bauariae inferioris plaga prope Gainkouen, castrum olim Comitum de Leonberg, fundatorum cœnobij Viepacensis, inter Oenum, & Isaram fluuios, quatuor leucis à Lantshuota, urbe pratoria, Henricus, siue Hainricus, Bauarus, ex nobili familia Seeman, Decanus cathedralis Ratisponensis, quem Archidiaconum, & Chorepiscopum Auentinus appellat, & sectator eius Hundius, quasi in verba iuratus, anno millesimo ducentesimo quinquagesimo quinto piè fundat, ac, tanquam Seemani domum, à suo cognomine denominat, uniens illi curiam in Polnkhouen, & Hueban in Esselberg, & curiam in Frayvenhouen, pro eremitis monachis Sancti Guilhelmi. Cuius literas vidi in eodem conuentu datas dicto anno, duodecimo Kal: Maias. Quo tempore Albertus Episcopus Ratisponensis, donationem, fundationem, & erectionem confirmat. Et non multò post, indulgentias, cœnobium visitantibus largitur anno eodem, sexto Idus Augusti, quarum diploma incipit [Cum nonnulla plantationi Fratrum eremitarum Sancti Willielmi in Polkouen] Accidit hoc ipso anno miraculum eucharistiæ in ponte Iudeorum, ibiq; datum monasterio nostro initium (ut diximus in Ratispona) quo oppido concitatus bonus Decanus, monasterium alterum in sua ditione fundare voluit: eoque, factò, ex hac vita migravit. Prostant stemmata eius lapidea in nostro templo cum hoc monumento [Anno Domini 1255. obiit Venerabilis Pater, Dominus Hainricus Seeman, Decanus ecclesiæ Ratisponensis, fundator huius monasterij] Triennio post Chunradus, Episcopus Frisingensis, eisdem Guilhelmitas in clientelam recipit, præcipitq; suis, ut eos ad verbi diuini prædicationem admittant: & audientibus concii-

conciones eorundem, spe indulgentiæ consequendæ, triginta dies criminalium de iniuncta pœnitentia relaxat. Anno autem millesimo ducētesimo sexagesimo secundo Thomas Episcopus, & pro reformatione Salisburgensis Ecclesiæ delegatus, altare consecrat ad honorem Beatæ Mariæ Magdalenæ, qui est eiusdem basilicæ titulus, & suas indulgentias erogat. Quas, & alias confirmat Leo Episcopus Ratisponensis, suāsque addit sequenti anno: sicut & anno sexagesimo septimo à millesimo ducentesimo Vladislaus, Archiepiscopus Salisburgensis, & Chunradus, Episcopus Frisingensis, suas. Alexander Quartus bulla speciali commendat eos Episcopos Patauensi, quæ data est Anagninæ, decimo septimo Iulij, Pontificatus anno sexto: & altera bulla, eorundem mensis, & anni, reddit eos de incertis restitutionum, & legatorum, ac votorum permutatione capaces. Leo verò, Episcopus Ratisponensis, ex vi bullæ unionis Alexandri eiusdem, instigante Guido, Provinciale nostrò Bauariæ, coram Dominicanis, & Franciscanis Fratribus, ad hoc conuocatis, eos Ordini nostrò unit anno millesimo ducentesimo sexagesimo octauo, sexto Idus Februarij. Qui desuper adepti literas, humiliter paruere. Auentinus, & Hundius, suppressio nomine fundatoris, aut cognomen in nomen vertentes, eum Seemannū vocant: & deuiantes ab anno, ille sub anno millesimo ducentesimo septuagesimo tertio, hic propius circa annum millesimum ducentesium sexagesimum foundationem ponunt. Miror Boios historicos, suæ gentis monasteria describentes, adeo perperam in nominib⁹, temporib⁹que delirasse. Sed ita contingit, cum vel alios autores velatis oculis sectamur; vel scripta, ex quouis fonte depròpta, febrienti siti haurimus, visibillissimis aliunde scripturis in pròptu reclamantibus. Tutius sanè, ac purius electarum rerum Bauaricarū historiam texuit Marcus Vellserus, Augustanæ urbis Duumvir

prudentissimus: etsi potiora eligens, ad singularia huiusmodi (quæ nihilominus ad Politiam tendunt) aureum calamus non desectat. Erat ergo dignum recognitione officium Ordinis antiquum in ipsius Sancti Guilhelmi vita, in qua eum suscepit monasterium in Saxonia Portæ cœli, & in Bauaria Vallis speciosæ, & Sanctæ Mariæ Magdalensæ legebatur. Hoc enim Magdalensæ fundatum est, ut dixi anno millesimo ducentesimo quinquagesimo quinto, & Sanctus Guilielmus secundum Pamphilum anno millesimo centesimo septuagesimo octauo transmigravit in cœlum; annis certè septuaginta septem à Guilhelmi obitu ad fundationem Seemanshausenensem interducentibus: qui ispiè locus est Sanctæ Mariæ Magdalensæ. Nisi fortè (ut studium solet esse excusatum quolibet) vel aliud eiusdem tituli monasterium nostrum in Bauarico tractu velimus mente concipere; vel alium, de quo sit sermo, Guilhelmum superinducere: siue (quoad tempus) in numerales notas (ut vulgare est) errorem reijcere, quicumque esset. Profectò Scripandus floruisse Guilhelmum ponit infra annum millesimum centesimum quinquagesimum: quo quidem in loco calculus typographicus manifeste lapsus est: nam infra quadragesimum quintum, & quinquagesimum quartum numerum signauit pro quinquagesimo quadragesimum. Eum verò migrasse ad Dominum agit anno millesimo centesimo quinquagesimo sexto. Falciculus temporum ante annum millesimum centesimum quinquagesimum quartum, sed sub millesimo centesimo quadragesimo quarto de eo agit: & Iacobus Philippus sub anno millesimo centesimo quinquagesimo septimo. De qua varietate discussionem habemus exactam in Guilhelmo Historiæ magnæ. Hoc modò sufficiat, non concordare Guilhelmi ætatem cum fundatione Seemanshausenensi. Cur (ut hoc adiiciam) Iordanus, probitate, beatus;


professione


professione Augustinianus ; natione, Saxo ; scribendi peritia æquè historicus , ac theologus , in eo nobilissimo libro, quem Vitas Fratrum nominavit, in quo de rebus Ordinis expressè agit , & multos clara commendatione commemorat, nullam facit Guilhelmiticæ fabricæ, aut reformationis mentionem, factæ in Alemania , in Saxonia ipsâ, ut rei maximi ponderis; imò nec Guilhelmum nominat?

Sed in finem propero. Non caret hoc cœnobium sua bibliotheca , libris referta antiquis: illud verò sic esse

puta.

∴





Scriniburgense Monasterium.

N

Sicca, oppidum Pragensis diœcesis in Bohemia, monasterio fuit sexdecim, & ultra monachorum, quod Bohuta Archidiacono, & Ioanne Paduano, Canonico, auerſantibus, non absque vi destituitur. Hoc mihi exploratum. Ioannes Vicessimus secundus Priori nostro Generali concesserat, ut in singulis Prouincijs monasteria nouem capi possent: nimirum tria ubilibet, etsi alij ibidem Mendicantes essent; sex autem ubi nullum eorum monasterium esset; non obstante bulla Bonifacij Octaui de non suscipiendis absq; Apostolica autoritate monasterijs: ita scilicet concedente Ioanne, ut duodeni in illis, non pauciores uiuerent mystæ: qua autoritate usi sunt Patres in Siccensi cœnobio suscipiendo. Lite quadam deinde orta, committitur causa Præposito, & Decano Patauensibus à Benedicto Duodecimo, Pontificatus illius anno quinto. Huius inter monasteria Bohemica nullam facit nominationem Hagecius: ego uerò id ex diplomate Pontificio, atq; ex membraceo codice per antiquo Pragensi accepi. Et nisi tanta nominum distantia contrarium suaderet, non difficulter vincerer coniecturis, illud idem esse cum Schutenhouen.

Simon Cremonensis, quamuis Italus, sermones tamen dominicales ab eo themate [Abijciamus opera tenebrarum] descriptos in folio, forte retinet in nostris ædibus Ratiponentibus. Exorditur autem [Doct̃or egregius, Doct̃orum speculum Augustinus.]

Simon, Episcopus Castorensis, Viennæ claruit, & in claustris eiusdem monasterij condens sacellum Sancti Sigismundi pro quatuor in hebdomade missis illud dotauit. Vita fungitur eadem in urbe, & in nostro templo sepulturæ datur, hac sculpta inscriptione in lapide [Anno Domini 1390. obiit Reuerendus Dominus Frater Simon Ordinis Sancti Augustini, Episcopus Castorensis, prima die mensis Decembris sepultus.]

Simon

Simon mniseuius, Louicensis, Polonus, Doctor theologus anno Christi nonagesimo primo à millesimo quingentesimo, ætatis suæ quadragesimo, Prouincialatus undecimo, excedit è viuus; & Cracouiæ in sacra æde Diuæ Catharinæ ante altare maius humatur. Præco diuini verbi sapidus, Ferdinando Austriaco carus, carus Stephano Poloniae Regi, cui & Latinas interdum dixit conciones quadragesimales. Edidit tabulam copiosam in tres sectiones De sacrificio missæ, ut totius de eo mysterio manuale compendium; & Erasmo Debinchio, Decano cathedralis Cracouiensis dicauit anno septuagesimo octauo post millesimum quingentesimum, Venetijs impressam, cum is esset in theologia Baccalaureus. Logicalium quoque librum, inscriptum [Prima operatio intellectus] Et compendium naturalis philosophiæ. Præterea De felicitate hominis tractatum tripartitum, dicatum Andreæ Firleio Palatinitidæ Cracouiensi [Conuenere his diebus] Quaestiones aliquot metaphysicales, & primi libri Sententiarum; atque tabulas concionabiles De Sanctis, & De tempore tomis tribus. Super secundum physicorum: De generatione, & corruptione in modum epitomes; & alia fragmenta, quæ scripta legi Cracouiæ apud nostros, autoris manu.

Spirense monasterium Prouinciæ Rhenanæ, olim amplissimum, superest & hodie, mutilatum: & (quod tolerat patientissimè Deus) in nostro ipsò templo, à choro infernè, cogimur singulis festis (quin quoties eis placet) Lutheranos prædicantes sustinere & nos patienter, mysteria sua pro libito peragentes. Ob quam rem, nescio quæ conuentio impia, ac permutatio cum ambiente loco ad hortum, facta perhibetur, quando secta illa feruescebat magis?

Magne Deus, si hæc non est, quænam erit illa abominatio desolationis, stans in loco sancto, de qua Daniel, & ipse Iesus?

Iesus? Cellæ adhuc multæ, & libri multi, opes perpaucæ. Huc Prouinciæ uniuersæ conuentum aduocauius anno septimo post millesimum sexcentesium: & electus Prouincialis Georgius Greyffenstein, de suis Patribus benemeritus, vir prudens, & officiosus. Quæ hic decreta, leges tomo secundo Historiæ magnæ: & de Friburgensibus, & Constantiensibus cœnobijs, Moguntino, Colmariensæ, Gamundiano, & alijs eius Prouinciæ, quæ modò vigent, tomo tertio.

Stanislaus Iandrouius, Cracouiensis, Doctor disertus, atque dicendo vehemens, prædicat multis annis Cracouiæ in Beata Virginis ab Assumptione adibus parochialibus, Lutheranitimo fores altius pulsante. Fuit Sigismundo Poloniae Regi, a concionibus, & confessionibus; ac Prouinciæ suæ non paucos annos habenas tenuit. Talibus enim viris magistratum æquè ac vitam prorogare, plurimi intereest Reip. Sed rara exempla. Quieuit in Domino Varisavia septuagenarius, anno octogesimo quarto à millesimo quingentesimo, & ante sacrarium nostrum Diui Martini sepelitur.

Stephanus Sutorinus, Ratisponensis, in theologia Lector, & concionator eloquens, floruit anno Ordini nostro climacterico, nempe decimosextimo post millesimum quingentesimum: quo Viennæ magna cum laude euangelium docuit; & opus aureum, ac magnum librorum quindecim De religione Christiana Beati Simonis de Callia, à mendis scribarum reuersum, curauit imprimendum Basilæ: quem ad Theobaldum, concionatorem Germaniæ facundissimum ex Franciscana Religione direxit, epistola, quæ incipit [Propter Simonis Casiani] ubi inter alias laudes de ipso Beato Simone historicè tactas, miraculum illud commemorat poculi cœlitus propinati, his verbis

[Adolescens coram Christi imagine verenter, ut solebat, genua flectens, formosissimum puerum, calicem gestantem aureum, astare, ac sibi arridere cernit, his verbis hortantem, Puer munde, mecum de calice bibe. Quo gustato, in expertæ dulcedinis suauitate absorptus, socijs id quoque gustandum porrigi postulat. Hinc in singulare sanctitatis suæ prælagium, tali glorificatur oraculo, Si totum ebibisses, uniuerſum mundum aduocallèt] Sed quæ de Simone vatidico hic, & alij scripserint mira, alterius temporis erit speculatio : nunc tantùm, quæ in laudem amborum, Simonis videlicet, & Stephani, Frater Benedictus Chelidonius epigrammate cecinerit, recitabo :

[Simon Eremitis Patribus decus utile, vitam

Christi qui panxit ritè salutiferam.

Rectè & qui patria Casianus odore beati

Quod spiraret casias largiùs eloqui.

Iure tibi colitur Stephane, amplexare tenorem,

Ordinis, & sôphiæ non sine laude parem.

Consiliisq; tuis meliore excuditur arcu,

Præsto sit ut semper, quem decet usque legi.

Vtpote quo lecto mentes reparantur inertes,

Et Lector mores induit ingenuos.

Christus quandoquidem nobis exemplar haberi

Se voluit, cuius Doctor hic acta docet.]

Stephanus Wittembergensis congellit Quadagesimale magnum, doctrina Sanctorum Patrum, imprimis Augustini, redundans. Primum thema est ex Matthæi sexto [Amen receperunt mercedem suam] Initium [Omnis, qui nunc in carnis] legi Monachij. O ubi iam Stephani ?

Stock, idem, quod Piuonia.

Strigoni in Hungaria monasterium Sanctæ Annæ, amissum.

Ladislau Rex monachis, à seruitijs eiusdem sanctuarij
existen.

existentibus, pro ædificatione monasterij donat terram Armenorum, Kunchilmo Comiti antè spoponſam, ad terram uſque Capituli Strigoniensis, & ad calidas aquas anno millesimo ducentesimo nonagesimo. Paulus Magyar, maior Tauannicorum Regalius, & Castellanus de Gy-mes, Ludouici Regis assensu donat possessionem Daag in Comitatu Albenſi prope Cholnuk anno millesimo tricentelimo quinquagesimo, & quinquennio poſt. Tum idem ibidem confirmat Petro de Zala monacho poſt alterum quinquennium. Cogitur eo prouincialis cætuſ anno ſexageſimo ſexto à millesimo quadringenteſimo. Matthias Ladislai, & Andrea prædeceſſorum priuilegia de terra Armenorum confirmat anno hinc quinto. Ioannes Viceſimus ſecundus mandat Archiepiſcopo Strigoniensi, & Epipſcopis Wacienſi, & Quinqueeccleſienſi, ut monachos noſtros in Hungaria foueant; in eorum gratijs, immunitatibus, & priuilegijs conſeruent; rebelles, turbatoresque pœnis, & cenſuris reprimant, coërceantq; Auenioni Pontificatus anno primo. Wladislaus Rex Thomæ de Zachan Baccalaureo, Priori, confirmat donationem Pauli de Magyar Budæ anno millesimo quingenteſimo octauo. Hæc Brunæ Recentiora monimenta non inueni. Promeruit ſua amplitudine comitia Ordinis generalia anno 1385. Modò parum dicerem, amiſſum ab hoſtibus fidei cum reliquis ſacris Chriſtianorū fanis, Machometicè profanatuſ. Theodoricus, Lector, de Parta cœli, Saxo, compoſuit in laudem Virginis Mariæ librum, cui tituluſ eſt [Hortuluſ uirginitatis] Proæmium incipit [Aue Maria] Tractatuſ [Nunc humiliter eſt tibi auſcultandum] Diuiditur in quinque diſtinctiones, & octoginta capita: redundat ſcripturis: ardet ſpiritu. Exſcriptum in folio uidi Monachij.

Tholomeuſ Episcopuſ Budueſiſ (ut habent diplomata) aliâs

Bardanensis, viuebat anno millesimo ducentesimo septuagesimo quarto, qui indulgentias ecclesiæ nostræ Melnicensi in Bohemia largitus est : unde primò eius memoriam moribundam excitauimus,

Thomas Argentinensis, ex Rhenana Prouincia, regularis vitæ obseruantissimus, & non minùs in sacris concionibus graciosus, & eloquens, quàm in disciplinarum disputationibus disertus, atque ingeniosus, quæ duo perrarò in uno eodémq; viro feliciter coniunguntur. Quare inter multa, quæ utiliter scripsit, Sermones ad clerum sùnt, & Commentaria in quatuor libros Sententiarum, quæ incipiunt ex tertio capite Abacuch [Dedit abyssus vocem suam] Præterea tantæ is erat sagacitatis in administratione rerum, & (quod maiorum est virium) in hominum præfectoris, ut super hos quatuor angulos; probitatis scilicet, facundiæ, eruditionis, atque sagacitatis, tanquam super basin stabilissimam, non Parisijs modò, ubi discendo, atq; docendo mirum in modum creuerat, sed & in Ordine uniuerso eminentissimus surgeret, colosso altius Rhodiano immodicæ proceritatis, Orbisq; miraculo. Proinde quater ad generalem Ordinis magistratum euectus est; electus semel, ter confirmatus; primùm Lutetiæ Parisiorum anno millesimo tricentesimo quadragesimo quinto, quinto Idus Iulij; triennio post Ticini (nam in triennium fiebat tunc senatus Ordinis consultus) tertium Basileæ; postremum Perusiæ, anno quippe quinquagesimo quarto ultra millesimum tricentelimum; ita ut duodeno annorum circulo penè completo, unà cum carnis onere deposuerit Ordinis magistratum Viennæ in Auitria anno septimo, & quinquagesimo supra tricentelimum atque millesimum. Ita enim in lapide tumuli eius incisum est [Anno Domini 1337. obiit Frater Thomas Prior generalis, ac
Professor

Professor sacrae paginae Ordinis Fratrum Sancti Augustini] Quocirca festinanter Seripandus, & qui eum sequuti sunt, obitum illius in annum superiorem referrent, nisi forte is contigisset in confinijis utriusque anni, & alij (ut fit) exeuntem, alij intrantem annum suscepissent. Sileo iam quam fuerit carus Summis Pontificibus Thomas; quæ à Clemente Sexto, & Innocentio item Sexto priuilegia circa rerum, personarumq; immunitates, circa ecclesiasticas functiones Ordini nostro obtinuerit, quæ omnia in totum secundum, & tertium Historiæ nostræ reiecimus, sileo hæc: sed quis fileat, quantum præstiterit hic noster Numa in ferendis legibus Reip: nostræ? Constitutiones regulares, in Ratisponensi synodo anno nonagesimo post millesimum ducentesium latæ, ad eam molem creuerant successu temporum (tam faciles in sanciendo legibus quique sumus, cum tamen difficillimi euadamus, & penè immobiles in obseruandis) ad eam molem dico, ut eas & legere absterrentur monachi: is cui uni à Patribus conscriptis reformatio earum in comitijs Parisiensibus data est, excisis plurimis, quæ illi ætati non congruebant, quæ congruebant, adiectis, in eam formam redegit, ut in Ticinensi consensu Patrum probata senatusconsulto ea tantum, indictæ ea tantum uniuerso Ordini constitutiones, quas ediderat Thomas. Præter quas, sanctiones alias (bone Deus æquales? Prouincijs singulis Alemaniarum in synodibus, quibus is ipse præerat, tulit: cuiusmodi & ego legi in codicibus synodalibus eius temporis; obitupuiq; adco ardua, etiam in minutissimis rebus, præcipi abundanter hominibus Alemanis: quæ planè huic seculo nostro videntur inimitabiles. Sed hac olim arduissima disciplina continebantur in officio monachi; producebant claustra Germanica sanctissimos ac doctissimos Patres. Germani mei, vos appello: Thomas noster, Germanus fuit, & licet primus ex Germanis

Prior totius Ordinis, electus tamen, ac toties electus; quis neget, quin alij elegantur Thomæ? Adſint duntaxat. Ecquid prohibet, quin adſint? Flagellant hæreſes, non inficior; at tantò maior nauanda opera literis: nam oportet & hæreſes eſſe, ait Apoſtolus, 1. Corin: 11. Vt excutiamus pigritiam noſtram, exponit Auguſtinus. Vexant hæreſes, video; at eò viuendum ſanctius, ut ora hoſtium obſtruamus. Noui dicere, & velle noui, quàm foret utile, ſi Prouinciæ ſingulæ ex ſua gente haberent Prælatos ſuos; Bohemica Bohemos; Polonica Polonos; Dalmatina Dalmatas; & ſic aliæ alios; ut hi ſuis iſdem linguis familiarius cum ſuis monachis agerent; & morum conſci, manus inferrent, ubi eſt opus: eamque ob rem in prioribus viſitationibus noſtris tales in comitijs, quantum valuimus, promouimus libentiſſimè: at non hoc ſatis: requiruntur & alia, & quidem grauioris momenti, ad ſuſtinendas habenas hominum; ad formandū idoneū Præſidē monachorū. Mutata equidē tempora, homines hominibus ſucceſſere: ſed idem Deus, idem Ordo, eadem regula Auguſtinienſiū.

Thordæ, ſeu Thurdæ, cœnobium ſanctuliſſimæ Virginis ab hoſtibus Chriſtianæ religionis pellundatum. Carolus, Rex Hungariæ, Thordentibus Fratribus noſtris, Priore tunc tēporis Dominico Lēctore, tria volumina Bohemici panni, albi coloris, Præſato verò ulnas tredecim logoleni ſingulis annis infra octiduum à feſto Archangeli Michaelis dari iuſſit, Viſſegrad anno 1466. Matthias ſucceſſor confirmat Matthæo de Criſio Prouinciali Hungariæ. Quære, ſi ultra aues, Deefvvar.

Tubingæ in Ducatu Wirtembergico monaſterium Prouinciali Rhenano ſemel parebat. Iacer.

Thuregienſe in Heluetia, olim eiſdem Prouinciæ, deſideratur cum plerisque alijs.

Tuſta,

Tusta, Germanicè Taufz, Bohemicè Domazlicz, urbs Bohemiarum, à monasterio Piuonienſe vix diſtans ultra milliare gentilitium, cœnobio noſtro quondam ornata, de quo Hagecius. Fundauit Wencezlauſ, Bohemorum Rex, & Marchio Morauorum, aſſenſu Thobia, Epilcopi Pragenſis anno milleſimo ducentefimo octogefimo octauo, circa quæ tempora Pragenſe itidem exordia cœpit. Componitur controuerſia quædam de calice, & conficiuntur literæ anno milleſimo tricentefimo quinquageſimo tertio, in quibus ſex nominantur Fratres conuentuales. Viſitur adhuc eccleſia, manet clauſtrum, deſtemus omnia: eorum magis ſalutem, quibus (prò guſtus) ſacræ iplæ opes ſuauiſſimè ſapiunt; ſed ad interitum.

Vallis ſpecioſa, Germanicè Schontal, numeratur ab Hagecio inter oppidula Bohemiæ, tamenſi ditionis eſt Palatinæ extra ſyluam Bohemicam ſita in Bauariæ oris: quadere ipſemet Hagecius in enumeratione noſtrorum in Bohemia cœnobiorum, huius non meminit, ac Patres in Diſtrictu Bauariæ collocabant. Diſtat à Piuonienſi tribus, à Ratſiponenſi propè octo milliariſ. Vallis reuera ſpecioſa, piſcinis nitidis, piſcolisquæ facunda; paſcuſ, ſemper herbeſcentibus, redimita; porrecta in ampliſſimum gym, amphitheatri maximi ſpeciem repræſentans. Eximium hic floruit monaſterium, non quaſi vallum inter Bohemos myſtas, & Bauaros, ſed ſecus viam, quaſi hoſpitiū familiare prætereuntibus, cogens obuium ad hoſpitandum; blandiens hinc herbis, inde aquis. Toties illius limbum lacrymula aliqua irrorare coacti ſumus, quoties noſtris in itione, reditioneq; obiectum oculis, pupillas paternas emunxit. Fundatum fuiſſe ante annum milleſimum ducentefimum ſexageſimum octauum, ibiq; habitaiſſe monachos S. Guilhelmi, conſtat ex literis quibusdam

busdam Leonis, Episcopi Ratisponensis, quas in Seemans-
 hausen legimus, datas Ratisponæ sexto Idus Februarij anno
 millesimo ducentesimo sexagesimo octauo: in quibus is u-
 niens Fratres Seemanshausenses Ordini nostris vigore bullæ
 Alexandri Quarti, eos & Fratres de Schontal, Ordinis Sancti
 Guilhelmi appellat, suæq; diæcesis. De qua re profundiorẽ
 disputandi rationem, ut grauißimi ponderis, in Historia ma-
 gna suo loco iniuimus: non profundentes sententiam ven-
 toßillimẽ, prostrati potiùs affectionibus proprijs, quàm falla-
 cibus coniecturis; sed assèuerantes puram (ut ut sit) verita-
 tem. Et nihilominus habemus, quod cupimus, aliter, atque
 aliter. Quid enim ornamenti, aut laudis cuiquam accedere
 potest vanis mendacijs, semper turpidus, interdum etiam
 perniciosus? Compellit ad easdem dictiones inuectiuas lo-
 quacitas largissìma quorundam. Hæc autem Vallis protu-
 lit nobis Patres ingenuos, Magistrum Georgium Prouincia-
 lem anno tricesimo primo à millesimo quadringentesimo:
 qui & ob literas, & ob solertiam in agendo, cunctis Principi-
 bus Alemaniæ, cunctisq; Patribus suæ Prouinciæ ita carus e-
 rat, ut propterea prorogaretur ei Prouinciæ magistratus,
 quemadmodum habent acta synodalia anni millesimi qua-
 dringentesimi tricesimi quarti. Magistrum Hieronymum,
 Viennæ sepultum anno millesimo quadringentesimo qua-
 dragesimo quinto: & Lectorem Petrum Stiglerum Prouin-
 cialẽ anno millesimo quingentesimo tricesimo sexto: ac-
 que alios. Eligebant conuentuales Patres Priorem, ut care-
 ra monasteria, in Dissinitorio prouinciali confirmandum, si
 placuisset suffragatoribus: nullam enim aliam aliter obli-
 gationem electio inducebat; & año tricesimo nono post mil-
 lesimum quingentesimum, Lectorem Ioannem elegerunt,
 ac præsentarunt. Amittitur, necicam destituitur) anno quin-
 quagesimo primo à millesimo quingentesimo sub Comite
 Rhemi Palatino.

Varfauia,

Varſauia, ſeu Vârſſouia, urbs Ducatus Maſouiaꝝ princeps, Epiſcopatui Polnaniendi in ſpiritualibus ſubdita; mœnibus, Regiaq; munita; haud paucis templis, atque ædificijs, in uniuerſum lateritijs, perornata, iam inde ab occaſu ethniciſmi, monaſterio fulſit Diui Martini, à Samouito Duce, unâ cum Rauenſe, & Cekanouienſe, autoritate Innocentij Sexti fundato, ut ſuperius in Cekanouia dictum eſt. Baſilica illuſtris, & monaſterium, quantum fert regio, magnificum, atque multorum myltarum capax. Diſtat à Rauenſi milliarijs duodecim regionis illius, totidémq; à Cekanouienſi eiufdem Ducatus: ſi diſtendemus funiculum, à Breſtenſi in Lituania triginta; à Cracouienſi in Polonia, quadraginta; tantundémq; à Craſnoſtaua Ruſſiæ. Vni obtemperant hæc omnia monaſteria Prouinciali Poloniaꝝ, cum alijs eius regni, de quibus in locis ſuis. Totq; inter ſe diſtantia, atque diſiecta loca debet unius laborioſiſſima uilitatio, tanquam in angulum copulare. Libet huc adijcere, non ab re quidem, nonnihil de modo præcedentiarum inter mendicantes, ut nos vidimus ultra hos montes, qui Italiam ſæpiunt: hoc eſt pluribus in locis, hiſq; nobilioribus illum Ordinem habere in urbe primatum, qui antè habuit in urbe monaſterium: ut in publicis feſtorum congreſſibus, potiſſimùm Corporis Chriſti, quibus noſipſi interfuimus, Spiræ, atq; Moguntiaꝝ animaduertimus, quæ antiquiſſimæ ſunt urbes, ac illuſtriſſimæ. Cúmq; Monachij adium noſtrarum conſecratio in eundem diem inciderit cum Patrum Franciſcanorum de Obſeruantia dedicatione eccleſiæ, ſeruatur ea temporis æquiſſima alternatio, atque pacifica, ut uno nos, altero ipſi anno præcedant. Equidem expedire fateor ordinem, præcipuè inter eas monachorum claſſes, quæ vel inde Ordines appellantur: laudo ordinem in militante, quem in triumphante Eccle-

dia inter Angelos, & beatos homines summis elogijs collocamus, distinguentes in hierarchias & choros. Sed potiores sedes ambitiosè affectantibus recordemur dixisse Dominum [Nescitis, quid petatis] Matth. 20. Addimus hoc; eundem ordinem iuxta locorum antiquitatem seruari etiam plerisque in locis Italiae. Quid tum? Intelligunt benè Varfauienfes.

Vederbergenſis cœnobij, diœceſis Caminenſis, meminit Ioannes Merkelin ſuper epittolas dominicales in ſuperſcriptione dicationis ad Episcopum Warmienſem.

Velunia, ciuitas maioris Poloniae, diœceſis Gneſnenſis, à Cracouia diſtans leucis viginti octo, monaſterio noſtro amplificatur in honorem ſacratiffimi Corporis Chriſti.

Vienna, archiurbs Austria ad Danubium, formoſa, & fortis, Sereniſſimorum Archiducum Austriae ſplendidiffimæ ſedes, alebat Fratres noſtros in loco quodam extra Verderhertor (ut proloquitur in ſuo diplomate foundationis Fridericus, Romanorum Rex) anno verò milleſimo tricenteſimo viceſimo ſeptimo iſdem, Alberto, & Othone fratribus conſentientibus, domum in Alſatrata, quæ olim ad Carthuſianos monaſterij Maurbacenſis, ſecundo à Vienna milliari, pertinebat, pro nouo myſtarum noſtorum phrontiſterio, quò fuerunt continuò tranſlati, unâ cum multis gratijs, & immunitatibus donat. Creuit inde adeo ædificijs, atque opibus, in commune collatis, ut inter generalia Ordinis cœnobia florentiffimis literarum exercitijs conſcriberetur, & prouincialem conuentum admitteret ſapenumero; generalem ſemel ſub Matthæo Aſculano, anno milleſimo tricenteſimo ſexageſimo ſecundo.

Educabat adhuc anno milleſimo quingenteſimo viceſimo tertio monachos ſex & viginti, ac ſcholas, Priore Acazio Claus, etſi temporibus mulſariè agitatus. Deinceps

autem, Lutheri ex vaporario erumpentibus flammis, incensa circum monasteria multa, denigrata non pauca. Viget tamen Viennense, etiam hodie, presidio piissimorum Principum Austriacorum, ut domestica eorum basilica, quò per extensum ab aula simulacrum, coniunctum ædibus sacris, ad diuina conmeant. Præ alijs uno nobilitatur ecclesia prope miraculum sepulchro eleuato in intercolumnio, ubi trium amplissimorum, ausim dicere Patriarcharum, ossa felicia coquiescunt: Thomæ scilicet Argentinatis, Prioris Generalis, theologi dilectissimi, & Gregorij Ariminensis, Doctoris item summæ eruditionis, atq; (ut Iordanus celebrat) magnæ sanctitatis: ob quæ Christiano Orbi, Lutetiæ præsertim, venerationi erat, qui Thomæ ut successerat in dignitate Præsulatus, ita breui, unius tantum anni, spatio, humili sandapila funeris. Utq; viui ambo professione, doctrina magistratu fuere coniuncti, ita in morte, unius lapidis, tumulq; consortes. Ne verò quicquam superesset desiderandum maiestati unius sepulchri, tandem Iordanus ipse vir deuotissimus, atque beatus, & diuinorum arcanorum prædicator eximius, posteaquam vicarias Prioris Generalis partes super totam Germaniam aliquot annos beatissimo gubernandi ritu sustinuerat, carnis debitum soluens, contumelatus ibidem est. Feliciortumulus Achillæo, qui lacrymas, & suspiria magni Macedonis sola Homeri laude promeruit. Quid non regiminis, probitatis, eruditionis, ubi Iordanus, Thomas, Gregorius? Leguntur eo in loco etiaminum carmina quædam in tabella pensili, olentia vetustatem, quæ ad dictorum fidem, & honorem antiquitatis, referam.

[Austri Reginam Salomon velut attrahit ipsam,

Austria sic doctos euocat ipsa viros.

Eximios plures Augustini modò Fratres?

Terra tenet, qua stas, narro quod ecce scias.

Ac ores meminens horum, quod gratia clemens'

Ipsis subueniat, diluat atque malum.

Tumba leuata duos Doctores hæc tenet altos',

Hic Alemanus erat, Italus ille fuit.

En Argentina Thomas, Gregorius atque

Arimini, celsi, præualidique viri.

Scriptis præclari, sed & officio Generali,

Ordinis huius sunt, quos tenet hic hæc humus'.

Et circumcirca quorum sunt nomina nota,

Egregios, doctos & simul esse viros'.

Sed tamen & notos referam tres, ecce Ioannes'

De Bradis Saxo clauditur hocq; loco.

Atque Leonardum, Carinthia quem quasi nardum,

Diffudit, tenet hic proximus ipse locus'.

De Recz Australis seruantur & ossa Ioannis'

Post hunc; o simul hos solve benigne Deus'.

Sic precor, orate pro doctis his, ut & ipsi

Pro nobis orent, quos docuere prius'.]

Dices, cur Iordanus, vir non minùs memoria dignus, quam Thomas, atque Gregorius, si cum Gregorio, & Thoma conditus est, non nominatur, ubi tamen aliorum non tam excelsi nominis theologorum, iuxta humatorum, nomina referuntur? Propterea quidem, quia ante obitum Iordani edita fuerunt ea carmina: quare is libro secundo, capite vicefimo secundo De vitis Fratrum, recensens opera nonnullorum præstantium Patrum nostrorum, & Thomæ, & Gregorij, qui valedixerant, commentarium fecit. Demum marmor porphyrites hoc nostro hexasticho literis aureis proximæ columnæ scapo sublimè accessit.

[Tres dant Saxonia, Ariminum, Argentina parentes';

Vna tot ingenuos terra creare nequit.

Et tria tres patriæ, pietatem, dogmata, regnum:]

Ter tria centenum continet empyrium.

Spēsq; fides, charitas hos tres coniunxerat uni:

Tres ter felices unus habet tumulus?]


Sepeliuntur in eodem templo, Simon noster, Episcopus Castorensis anno millesimo tricentesimo nonagesimo; Magister Hieronymus Speciosianus anno millesimo quadringentesimo quadragesimo quinto; Magister Augustinus Auripolitanus anno millesimo quingentesimo decimo septimo, exitioso; Magister Ægidius Elporensis, Provincialis Bauariæ, anno millesimo quingentesimo sexagesimo secundo, omnis alijs, quod cellæ abecedariæ suis angustijs non omnes capiunt. Habetur hic inter alia diplomata, memoratu dignissima, illud indulgentiarum Incelerij Episcopi Budensis pro Marchekano cœnobio.

Viepatchium, Germanicè Viechpach, siue etiam Vicpach secundum Auentinum, nisi finitimæ figuræ elementum in correctione imprimendorum, errorem, propè inuisibilem, tulerit. Quid propinquius, si literas formemus, quàm inter sese hæc duæ c, & e? Hoc, inquam, Hofmarchia olim, & venatorium Comitum de Leonberg, seu de Leonsberg in Bauaria, à monasterio Seemanshausen tribus, & tribus à Lantshuota, à Ratispona septem, à Frisinga totidem disiunctum miliaribus gentis, situ paululum edito, aëre salubri, terrâq; non solum frugifera, pomiferâq; sed nec vitibus omnino inimica. Cui præterfluens Itara, placidissimus amnis, pisces aquis, aurulumq; etiam ramentosis arenis quandoque inuehens, naturali quadam decimatione tributum, specie magnum, re exiguum, pendit. A quo, & alluentibus limbum riuis, hinc inde collabentibus, Viepatch dicitur, quasi ad aquas via, vel pecudum aqua. Hic ad Dei gloriam, Deiq; Matris, & Augustini Doctoris Berngerus Comes, quem Auentinus, & Hundius nunc Berengarium,

garium, nunc Beringerum appellant, monasterium nobis condidit anno millesimo ducentesimo nonagesimo sexto, ea lege, ut decem ibi moniales quas Augustales virgines, fortè ab Augustino, agnominat verborum saber Auentinus, cum duobus ex nostris sacerdotibus, quos de Capella Domini Ratisponensi, à deuotione in eum locum nuncupat, suæ Hofmarchiæ fructibus alerentur. Eo verò defuncto, cederet hæc in plenum dominium monasterij, numerusq; monialium geminaretur, duobus item sacerdotibus nostris cum socio permanentibus: Auentinus autem, & cum eo Hundius, duodenarium sacrarum virginum numerum, à fundatione requiritum, & post obitum fundatoris duplicandum, nescio quo autore, asslerunt. Conradus episcopus Ratisponensis, consentit fundationi, & oratorium eiusdem virginum à parochia Kirchperg, quæ postmodum per successores cœnobio fuit unita, liberat. Excedit è viuis Berngerus eodem anno, & in medio eiusdem templi in tumulo eminenti conditur, in cuius petrae crepidinibus hæc leguntur [Anno Domini millesimo ducentesimo nonagesimo sexto obiit Berngerus, Comes de Leonuerch, piæ memoriæ, sexto Kal: Maij] Ex his videmus, à Ratisponensis fundatione monasterij parta alia Bauarica nostra: primum Seemanshausen eodem anno, quo Ratisponense: deinde quadraginta post annis Viepachientè, ac Monacense. Ingenua est harum virginum puritas; disciplina castigatissima; & (quantum humanæ vires possunt, roborata gratia Dei) vita cœlica, mores superhumani, atque inculpatissimi. Vita hic fungitur, & secus primum altare incineratur Mauritius Tertius Prouincialis, ex Congregatione Ianuensi, vir zelosus, & eruditus; qui sui regiminis, immatura morte interclusi, magnum, communèq; desiderium Bauaris reliquit. Lapis eius hæc habet [Hic tumulata quiescunt ossa Reuerendi Patris Mauriti] Ternj Parmensis

mensis, sacrae theologiae Doctoris, Ordinis Eremitarum Sancti Augustini, Prouincialis, ac Vicarii generalis per Germaniam, & Poloniam, ætatis suæ quadragesimo tertio. Obijt die 18 Februarij, anno Domini 1594.] Parentauit ei luculenter Magister Sanctes Ariminensis oratione data typis Monachij anno eodem, quæ incipit [Ecquis in tam flebili] Collegit Mauritius breue chronicon Ordinis, ut epitomen, in folio, dicauitq; Augustino Fiuizanio, Summorum Pontificum à sacris Mæcenati suo, ac prædecessori tuo, cui vel carissimus erat. Datur prælo Venetijs anno octogesimo secundo à millesimo quingentesimo. Vnum hoc ex eius monimentis vidimus, etsi eum lucubratum esse alia ferant. Fuit Congregationis suæ Ianuensis Vicarius generalis, quam laudabiliter gubernauit: & Augustino Cornetano, Procuratori Ordinis, tum Vicario Apostolico, à secretis cuius loco interdum Latinas orationes ad Pontificem habuit, & Collegium Cardinalium. Conuentus verò Vicipensis specimen hoc est.

[✠]



Villiclmus,



Vigacense Monasterium

Villiellmus, siue Wilhelmus, Episcopus Nicopolensis, Archidiaconus Brunensis, & Episcopi Olomucensis Suffraganeus, ex hac vita migravit anno millesimo quadringentesimo octogesimo primo, Episcopatus sui quadagesimo, & Brunæ in templo nostro fuit sepultus: cui successit Andreas Byfman anno sequenti.

Vldricus Brunsvicensis, integræ bonitatis, atque exactæ prudentiæ, posteaquam multis in locis Priorem cum laude egit (non dixi omnium; quis enim si probis satisficiat, satisficiat improbis? sine occubuit religiosissimo. Cumq; pro eius anima oraret iugiter Pater quidam, ei assiduus, hac visione monitus est, volasse eam ad Superos. Apparuit illi nocte quadam Vldricus, iacens, quemadmodum mortui, in feretro ante templi altare: videbaturq; illi, concionem habere se funebrem ad populum, & in fine animam eius, auditorum suffragijs commendare: utquæ maiore Vldricum suum honore asliceret, spargere singillatim super cadaver indumenta sacerdotalia, quorum multa se in suggesto habere cernebat. Quo in officio dum magis occuparetur, ecce ex aëre pendere super capulum membraceam schedam hoc epitaphio ex psalmo centesimo tricesimo primo aureis literis picturatam [Surge anima mea in requiem tuam] Idipsum Iordanus noster commemorat libro secundo De vitis Fratrum, octavo capite.

Vormaciensē cœnobium, infra Moguntinensē, atque Spirensē in Prouincia Rheni, à ciuitate nouatrice possidetur cum prædijs; hoc uno humanæ hospitalitatis officio perseuerante ex conuentione quadam, ut in cubicula designata monachi nostri, euntes, aut redeuntes, hospitio excepti, alantur gratis: quod experti sumus.

Vratislavia monasterium in Silesia fundatores habuit Carolum Romanorum & Bohemiæ Regem, atque Annam

Reginam, illud pro duodecim monachis dotantes. Causam eius cum Canonicis Vratislauiensibus de campana quadam Matthias Abbas de Zobrdovvitz, commissione Eugenij Quarti, Brunæ coram Willhelmo Episcopo in fauorem monasterij decedit anno quadragesimo quinto à millesimo quadringentesimo. Vltiorem noticiam certam nondum habeo. Quod compilata omnia fuerint, & ipsam denique usurpatum monasterium, dixisse est satis.

Vtenueiler in Sueuia, cœnobio, iam olim sub obedientia Prioris Prouincialis Rhenani, potitur.

Vaissenburg, urbs imperialis, Alsatia inferioris, monasterium, ad Prouinciā Rheni similiter atinens, utcunque retinet.

Vaissuasser, vide Biela.

Werder, seu Wostrovv, quare Insula.

Wittembergense monasterium in Saxonia, cessit in dotem aduenticiam Martini pseudomonachi, largitione Friderici Ducis: certè, ut triformi sacrilegio saturaretur execranda enormitas, Sacer vir, sacra mulier, sacra dos.

Wolfgangus Hofman Norimbergensis, concionator elegans, artibus liberalibus eruditus, & in controuersijs theologicis valde versatus, quem nos de virtutibus benemeritum sacra Doctoris laurea coronauimus; cùm Pragæ aliquot annos conciones multa cum laude habuisset, nonnullis ad rectum fidei tramitem reductis, promotus ad Prioratum Viennensem, ibidem peste decubuit anno quinto post millesimum sexcentesium. Sed quomodo? Statim atque se infectum sensit, facta iugibus lacrymis confessione sacramentali, ac sacra refectus synaxi pro extremo viatico, ad alios agonizantes Fratres suos dimisit, quem & pro se vocandum præceperat, externum presbyterum: ipsæ verò ad exemplum Beatissimi Patris Augustini, psal-

IN ALPHABETVM
TRITON.




Felix, i libellule,
Parue, iucunde, nitide:
Magne rebus; sed folijs
Parue; iucunde varijs
Formis; verbisq; nitide.
Transi æquora, transi æthera,
Magnæ TRITON Historiæ
Eremitarum Ordinis,
Quaternis voluminibus,
Quaternis orbis partibus
Vulgandæ claris buccinis.
Historiæ antiquissimæ
Afri Augustini, Antislitis,
Doctoris summi; insignium,
Patriarcharum, procerum;
Gestorum mirabilium;
Cœnobiticæ Historiæ.
Texit quam nunc MILENSIVS,
Miles, & Ensis validus
Pro militante Ecclesiâ;
Alter Thales Milesius,
Sophus sacer, grandiloquus,
Pastor vigil Germaniæ;
Integer vitæ, sceleris

*

Purus

Purus, morumq; candidus;
LAVRINI laurus, laurea,
Musarumq; deliciæ.
Texit quam nunc MILENSIVS
Pater gemmato stamine,
Ac pectine eburneolo.
I, redi, boa, reboa
Per Alphabeti literas,
Nil te morentur Cynici;
Livent, non agunt liuidum:
Licèt latrent, tu persona.
I felix, i libellule,
I bellulorum bellule.



ERRATA CALCOGRAPHICA COR- RIGENDA.

Pag: 13. & Ocha	ex Ocha
14. à Viennis	à Viennensi
Idem, & a polonos; non quales	& Polonos, quasi colonos; non qua- (les
16. cum multis	eum multis
Basiliensis	Basilænsis
18. pontificaliter	pontificaliter
19. Samouitus	Samouitus
22. incorruptis	incorruptus
23. martylogium	martyrologium
24. permittense	permittente
25. Hunc	Nunc
30. transfirmati	transformati
31. firmissima	firmissimi
32. sciam	suam
ad	id
34. nullaq;	nullamq;
36. fungio	officio
ignitus	insignitus
magno	magna
38. conuescans	conuescens
39. ut	in
40. calcographa	calcographia
41. diuersis	diuersus
47. instantas	instantes
depactis	depastis
49. cuius	uiuis
51. opposuerit	apposuerit
sorticus	sortitus
54. mortibus	morsibus
55. collegijs	collegij
57. summat	sumant
58. Regionem	Religionem
Tridentino	Tridento
61. - - -	oriundus
impensionem	impensio
62. - - -	anatomiam
63. celebra	cerebrosa

64. folles
 71. peticis
 73. obmuterunt
 75. propugnatus
 77. Luodouicus
 78. episcopo temporis
 81. historice
 85. emulatu
 86. exploratissimum
 vitis
 87. vixerit
 monachatum
 89. arbitris
 90. refrigat
 pronunciatam
 91. crasso
 - - - -
 92. symbulum
 93. Recolis nos
 96. sensum
 iliberalliter
 97. inciperat
 98. annumeræ
 102. cædet

folles
 peticis
 obmutescunt
 prognatus
 Ludouicus
 episcopo tunc temporis
 historici
 æmulatus
 exploratissimum
 viris
 direxit
 monachatum
 arbitrio
 refricat
 • pronuciatum
 crassa
 Ioachimicis
 symbulum
 • Recolis quam nos
 sensim
 illiberaliter
 inceperat
 innumeræ
 • cædet

Sequentium paginarum errata non annotauimus: verum tam hæc,
 quàm alia, quæ forte non vidimus, potest prudens lector facile emendare:
 obitus enim typographi in ipso initio impressionis, & vicini-
 tas nundinarum effecerunt, ut plura acciderint errata,
 quàm timebamus.

[✠]



mos recitans pœnitentiales, mente integer, Deo efflauit animam; respirans potiùs, quàm spirans. Ea est conscientia qualitas, ut, si nunquam noscitur, noscatur in ultimo conflictu cum maximè. Quàm bonus est Deus. Qui antianus fuerat in hæresi, vocatur simul ad fidem, ad claustra, ad clerû: post breuem deinde cursum vocatur ad brauium.

Wolfgangus Ostermair quiescit in nostra ecclesia Monachien-
ensi, hoc in lapide sculpto elogio Anno Domini 1531. decimo octauo Ianuarij obiit Reuerendus, ac eximius Pater Wolfgangus Ostermair, scripturæ summus interpres, Prior, ac concionator huius loci, cuius anima Deo viuat. }

V Vilak oppidum diæcelis Quinqueecclesiensis in Hungaria, cœnobio claruit tituli Sanctæ Annæ, cuius memoriam reliquit decisio Nicolai Vicarij Scrigonien-
sis in quadam vineæ causâ cum Andrea, Canonico Bachien-
si, anno millesimo quadringentesimo tricesimo octauo. Seruatur Brunæ. Est etiam non valde absimilis nominis Frisak in Carinthia, quò semel, superato Tauro, monte immani, ac niuofissimo, accessimus, cum rigescit Decembri hyems, monasterium condituri; V Wolfgango Archiepiscopo Salisburgense rem acriter promouente, cui ciuitas in temporalibus, ac spiritalibus, quemadmodum & totus Archiepiscopatus, pareat.

Xianzum, oppidum Districtus Cracouiæ, eiusdemq; diæcelis, septem ab ea urbe milliarijs positum, ut incēdijs ipsum sæpè succubuit, ita & ipsius monasterium Sancti Spiritus, ecclesia duntaxat reiicente flammæ, Sicuti & Zamouico, Masouiæ Duce, ad regnum anhelante, factum est: qui, ubi Spitconem Melstinium, aduersarium esse nouit, oppidum eius Xianzum (ut Cromeri verba sunt) ad motis ignibus incendit. Nunc verò sub magno Curia Maresciallo paucis monachis reuiuiscit.

Ymerius,


Ymerius, Episcopus Acciensis, interfuit Concilio Lugdunen-
 si anno 1274. eodémq; tertio Kal: Iunias statis quibus-
 dam diebus indulgentias quadraginta dierum basilicę no-
 strę Ratisponensi allixit: ex quo diplomate, quod incipit
 [Deuotionis pietas] nobis innotuit, vicesimus Episcopus
 ex commemoratis in hoc catalogo, quos Ordinis chroni-
 itę, ut latentes, præterierunt. Utinam ad aures nostras unã
 cum eorum nominibus catorthomata peruenissent: nam
 non ita missum faceremus Ymerium, cuius sola memoria,
 tanquam aurea fibula, claudimus Alphabetum [Quapro-
 pter etsi contristamur de aliquibus purgamentis, contola-
 mur tamen etiam de pluribus ornamentis] inquit Sanctus
 Doctor Augustinus ad Hipponenses, epistola tricesima se-
 ptima post centesimam [Nolite ergo (vos moneo quicun-
 que hæc legitis) propter amurcam, qua oculi vestri offen-
 duntur, torcularia detestari, unde apothecę Dominicę
 fructu olei luminosioris implētur] Tu verò Antistes, hunc
 prodromum votorum meorum humaniter excipe: hisq;
 minimis (si minima sunt, quę vera, quę iucunda, quę pia)
 subarratus, integram expecta Historiam. Paucissima hic
 retulimus monasteria, reliquimus plurima: verum tot in-
 signia cœnobia fundauit Ludouicus Imperator, cogno-
 mento Pius, quot sunt literę alphabeti, singulis una præ-
 posita: nōsq; etsi Cæsareum institutum imitati minimè si-
 mus in singulis literis, literarum tamen numerum, si mo-
 nasterijs conferamus, longè excessimus. Nosti Plinianum
 adagium, Nullum esse librum adeo malum, qui non
 aliqua ex parte proficit. Sed exhausta iam clepsy-
 dra silendum.

[†]

Cum Gratia & Priuilegio Sac: Cæs: Mai.

Pragæ, Excusum apud Hæredes Gaspari Kargelsij. 1613.

Sibl. Ing.



Biblioteka Jagiellońska



stdr0019471

